

IMITATION

AR VERCHES

SANTEL.

Plijet, me ho suppli, ô ITRON VARIA,



Ma ellin da james donet d'oc'h imita!

**IMITATION
AR VERCHES
SANTEL,**

VAR MODEL
MITATION JESUS-CHRIST;
Pedennou evit an Oferen, etc.

CANT AN ABBAT ***.

Unius vita, omnium
disciplina. *S. Ambroas.
de Virg. L. 2.*

E MONTROULEZ,
Eus a Imprimeri Lédan. — 1836.



APPROBATION.

*An Aoutrou HUET, Person eus a barres Plouigneau, pehini en deveus examinet ar scrit brezonnek great gant an Aoutrou LÉDAN, Imprimer e Montroulez, eus eur levr gallec, hanvet IMITATION AR VERC'HEs SANTEL, VAR MODEL IMITATION JESUS-CHRIST, GANT AN ABBAT ***; o veza roet deomp an as-suranc penaus ar scrit se ne deus netra a guement a vez control dar Feis na dar ge-glennou eus ar vuez spirituel, ni a ro permission d'an Aoutrou LÉDAN d'en imprima.*

Quimper, er bevare dervez a vis Even 1836.

SAUVEUR, Vic.-Gen.

AVERTISSAMANT

D'AN DUD DEVOT DA VARI.

Beza e zeus ouspen cant vloas e composas un autor Spagnol (1) ul levr hanvet *Imitation ar Verc'hes santel*, eus a behini hor boa un droïdiguez e-gallec. Pa barissas al levr-se, e hano a roas da gredi e zoa enfin satisfiziet da zesir un niver bras eus a dud devot, pere a c'hôantae, dre ma zoa dija un *Imitation Jesus-Christ*, ma vije ivez un *IMITATION A VARI*. Mes na veljot nemet ul levr bic bian var vertusiu ar Rouanes-se demeus ar guerc'hesed, en daouzec chabistr. Rac-se, levr an autor-se ne deo-geq a grenn composet var ar model e zeus essaet da heuill en emâ. En em broposet e zoar amâ da anima an-dud fidel da bratic ar vertuz, dre an exempl an nopia hac ar parfeta a ellet da offir, goude hini Jesus. Heuilla a rêr Mari, evit el lavaret, en diffarant mysteriou ha circonstancou demeus e buez; adalec e C'honception dinani, betec e Assomption triomphant. Consideri a rêr e c'hundu, e santimanchou, an diffarant qelennadurez a ro e exempl, hac e tesq d'en em gonformi d'an exempl-se e peb seurt stat eus ar vuez e pere ec'h ellomp en em gaout hon-unan.

Evit attachi davantach al lenner, e zeus clas-
get varia ar sêçon da bresanti ar sujedou a ins-
truction, o comz ember e general, o sonjal
avichou a barfetet evel ma vez e-unan, hac e
form a veditation; hac avichou all, alies memes,
oc'h introdui Mam Doue, pehini en em antreten
gant e zervicher hac e zervicheres.

An autor en em estimo eurus bras, ma ell
plijout d'al lenner, o veza clasget imita ar model
en devoa dirac e zaoulagad en eur gomposi al
levr-mâ. *Imitation Jesus-Christ* a so en effet
ul levr inimitabl. E autor a so admirabl en
droyou simpl ha naturel a ro d'e sonjesonou,
hac ebars en onction-se, a brodu er re en lenn
gant dispositionou mad. Ret e vez, a hend all,
beza carguet demeus a speret Doue, evit comz
qer mad eus a draou Doue.

Dre ma ouzomp gant peguement a zevotion
e lenner al levr inimitabl eus a *Imitation Jesus-
Christ*, hon eus sonjet tleout trei ivez e brezonec
IMITATION AR VERCHES SANTEL, certen e
vezo recevet mad gant an dud devot da Vari.

Evit lagat antreteni muioc'h-mui an devotion
da Vam Doue eo eta en offromp d'hon lennerien
christen. Graç dezo oll da vedita ervad ar pez-
so ranfermet el levr-mâ, evit o sicour d'en em
renta dign da veza recevet en heur ar maro e
barados Doue, e presang Mari.



PEDENNOU

EPAD AN

OFEREN SANTEL.

PEDEN ARAUC AN OFEREN.

EN em bresanti a rân, o va Zalver adorabl,
dirac treid hoc'h auterion, evit asista en ho
Sacrific divin. Plijet ganeoc'h applica din ar
frouez a souhetit a denfeu anezan, ha roit din
an dispositionou pere a so necesser evit beza
participant ennân.

Disposit va c'halon da receo an effejon douc
ha consolant eus ho carantez; reglit va speret;
dalç hit anezan attantif; purifit va ene; effacit
dre ho coad precious ar pec'hejon eus a bere e
santit e zôn coupabl. Anconac'hait anezo oll,
ô Doue a visericord! o detesti a rân dre garantez
evidoc'h; goulén a rân humblamant pardon
anezo, ha pardoni a rân va-unan a greis calon
d'ar re o deveus va offancet. Grit, ô va Jesus!
ma en em sacrificin antieramant deoc'h evel ma
oc'h en em sacrificet oll evidon.

COMMANÇAMANT AN OFEREN.

† *In nomine Patris, et Filii, etc.*

En hoc'h hano eo, Drindet adorabl, evit

renta deoc'h an enor hac an hommach a so dleet d'ho Majeste eo ec'h asistan er Sacrific bras ha santel-mâ.

Permetit din, va Zalver divin, da unissa va intantion gant hini ar Bêleg, evit offr deoc'h ar victim eus va zilvidiguez, ha roit din ar memes santimanchou am bize bet, mar em bize asistet var ar menez Calvar, en ho passion hac en ho maro.

CONFITEOR.

En em accusi a ràn dirazoc'h, ô va Doue! eus an oll bec'hejou pere am eus conmetet. En em accusi a ràn eus anezo e presanç Mari, Rouanes ar guerc'heset, dirac an oll Zent hac an oll dud fidel, abalamour m'am eus pec'het dre sônc'h, dre gomz, dre action, dre omission, dre va faut, dre va faut, dre va brassa faut; rac-se e pedan ar Verc'hes glorius Vari hac an oll Zent da intercedi evidôn.

Va Doue, selaouit favorablament va feden, hac accordit din induljanç, absolution ha remission eus va oll bec'hejou.

KYRIE ELEISON.

Crouer hon eneou, ho pet truez eus a labour ho taouarn. Tad leun a vadelez, grit misericord d'ho pugale. C'houi pehini oc'h eus procurer deomp ar zilvidiguez; c'houi pehini a so en em immolet evidomp, appliquit deomp ar meritou eus ho maro hac eus ho coad precius. Salver carantezus, va Jesus douç ha mad, ho pet compassion ouz hor miseriou, pardonit deomp hor pec'hejou.

Gloar da Zoue en ênvou, ha peoc'h d'an dud a volentez vad var an douar. Ho meuli a reomp, Autrou souveren, ho piniga a reomp, hoc'h adori a reomp, ho glorifia a reomp; renta a reomp deoc'h gant humilite actionou a c'hraç en eur consideri ho clear infinit, c'houi pehini a so oc'h-unan hon Autrou, hon Roue, hor Mestr; c'houi pehini a so oc'h-unan ar guir Doue, an Tad oll-galloudec.

Jesus adorabl, Mab unic d'an Tad, Doue souveren eus a guement tra a so; oan digasset gant Doue evit effaci pec'hejou ar bed, ho pet truez ouzomp; hac eus an ên, e pelec'h e rênit gant ho Tad, sellit a compassion ouzomp; saveteit ac'hanomp: choui oc'h-unan a ell en ober, va Zalver Jesus, abalamour ma zoc'h infinimant santel, infinimant galloudus, infinimant adorabl, gant ar Speret-Santel e gloar an Tad eternal.

ORÉSON.

Accordit deomp, ô va Doue! dre intercession ar Verc'hes hac ar Zent a enoromp, an oll gracon pere a c'houlen diganeoc'h ar Bêleg evitan hac evidomp-ni. Ouz en em unissa gantan, me a ra deoc'h ar memes peden evit ar re ma zôn obliget da bedi; ha goulén a ràn digueneoc'h evito hac evidôn va-unan an oll sicouriou pere a ouzoc'h a so necesser deomp evit êruout er vuez eternal, dre Jesus-Christ hor Zalver.

ABOSTOL.

Va Doue, va galvet hoc'h eus d'an anaou-

deguez eus ho lezen, dre breferanc da guement a nationou pere a vev en ignoranc eus ho Mysteriou. Receo a ràn a greis va c'halon, al lezen divin-se, ha selaou a ràn gant respet ar guirioneon pere hoc'h eus prononcet dre c'hinou ho Profetet. O enori a ràn gant an oll zoumission a so dleet da gomzou un Doue; ha gullet a ràn e zint bet accomplisset gant an oll joa eus va ene.

Perac n'am eus-me qet evidoc'h, ô va Doue! eur galon hénvel ouz hini ar Zent eus ho testamant ancien! Perac ne allan-me qet ho tezirout gant ar memes ardor evel ar Batriarchet, hoc'h anaout hac hoc'h enori evel ar Brofetet, ho carout hac en em attachi ouzoc'h evel an Ebestel!

AVIEL.

N'en deo mui, ô va Doue! ar Brofetet nac an Ebesteleo a deu d'am instrui eus va deveriou: ho Mab unic eo, e gomzou eo e zàn da glêvet. Mes da betra e servicho din-me, va Zalver Jesus, beza credet e zint ho comzou, ma n'en em gomporthan qet en eur feçon conform d'am c'hreden? Petra a servicho din-me, pa en em bresantin un deiz dirazoc'h, da veza bet ar feiz, ma n'em eus qet ar meritou eus ar garantez hac eus an œuvrou mad?

Credi a ràn, ha beva a ràn evel pa na gredfen netra, pe autramant evel pa gredfen un Aviel control d'hoc'h hini. N'am barnit qet, ô va Doue! var an opposition-se pehini a laqan hec'cess entre ho maximou ha va buez. Credi a ràn, mes roit din ar gourach hac an nerz da bratica

ar pezh a gredan. Deoc'h, ô va Doue! e vezo an oll gloar.

CREDO.

Mé a gred en un Doue, an Tad oll-galloudec, Crouer eus a guement tra so, en hor Zalver J.-C. e Vab unic, e peb feçon hanval outan, santel, galloudus, eternal, Doue eyeltan. Credi a ràn penaus ar Mab adorabl-se a so en em c'hrêt den dre garantez evidomp; penaus en deus souffret, e zeo maro, e zeo resuscitet, pignet en envou, hac evit continui goude-se da rên eternelamant en eürusdet.

Credi a ràn er Speret-Santel, Doue evel an Tad hac ar Mab, pehini a zeu eus an eil hac eguil, ha pehini a bartach ganto ar memes gloar; beza e zeo ar sourcen a vuez, éñ eo a deu da santifia an dud ha da rei ar slérigen d'ar Brofetet.

Credi a ràn en un Ilis santel Catholig, Apostolig, en ur Vadiziant-instituet evit remission ar pec'hejou. Ha leun a gonfiac e misericord va Doue, e c'hortozan resurrection ar re varo hac ar vuez eternal.

OFERTOR.

Tad infinimant santel, Doue oll-galloudec hac eternal, peguen indigu benac ma zòn da apparissa dirazoc'h, e gemeràn an hardieguet da bresanti deoc'h an hosti-mâ dre zaouarn ar béleg gant ar memes intantion ma en deus bet J.-C. va Zalver, pa instituas ar Sacrific-mâ, ha ma en deus c'hoas er moment ma teu d'en em immoli evidon var an Auter.

Offra a ràn deoc'h ar Sacrific-mâ evit anavezout

ho callout souveren varnòn ha var an oll grouadurien. En ofr a ràn deoc'h evit effaci va fe-
c'hejou, hac evit renta deoc'h mil action a c'hraç
evit an oll mad-oberou am eus recevet digue-
neoc'h.

En ofr a ràn deoc'h anfin, ô va Doue! ar Sa-
crific santel-mâ, evit obten digant ho madelez
infin, evidon, evit va c'herent, evit va mad-
oberourien, va mignonet, va adversourien me-
mes, ar graçou precius-se a zilvidiguez, pere
na ellont qet beza accordet da eur pec'her nemet
dre veritou an hini en deus en em c'hrêt ar
victim a bardon evidomp oll.

Mes en eur ofr deoc'h ar victim adorabl-mâ,
e recommandan deoc'h, ô va Doue! an Ilis Ca-
tholig, hon Tad santel ar Pab, hon Escop, an
oll Bastoret eus hon eneou, hon Roue, ar Famill
royal, ar Brincet hac an oll bobl pere a gred
ennoc'h.

Ho pet sonch ive, ô va Doue! eus an anaon
decedet, ha dre gonsideration evit meritou ho
Mab, roit dezo ar sclérigen, ar peoc'h hac ar repos.

Ne ancounac'hait qet, ô va Doue! hoc'h ad-
versourien ha va re va-unan; ho pet truez ouz
an infidelet, an heretiqet hac an oll bec'herien,
Roit ho penediction d'ar re a deu d'am perse-
cuti, ha pardonit din va feo'hejou, evel ma
pardonan dezo an oll drouc a reont din pe a
zeziront ober.

PREFAC.

Cetu amañ ar moment eürus e pehini e za da
apparissa dirazomp Roue an dud hac an Elez.
Va Doue, roit din ho speret; distaguit va c'halon
eus

eus an douar, evit na sonjin nemet ennoc'h.
Peseurt obligation n'em eus-me qet d'ho pin-
niga ha d'ho meüli e peb amzer hac e pep lec'h,
c'houi pehini a so Roue an ên hac an douar,
ar mestr absolu eus a guement tra so, an Tad
oll-galloudec hac eternal?

N'en deus netra justoc'h, netra avantajussoc'h
eguet en em unissa gant J.-C. evit oc'h adori
bepret. Dre J.-C. eo e teu an oll sperejou eürus
da renta enor d'ho Majeste; dezan eo en em unis
an oll vertuziou eus an ên, leun a zoujang hac
a respet, evit ho clorifi. Permetit, ô va Doue!
ma teuimp ive da unissa hor moeziou gant re
ar sperejou eürus ha santel-se, ha da lavarat
assambles ganto, transportet a joa hac a ad-
miration :

SANCTUS.

Santel, Santel, Santel eo hon Autrou sou-
veren, an Doue eus an armeou. Ar hed universel
a so leun eus e c'hloar. Ravezo binniguet en
envou gant ar Zent hac an Elez. Binniguet
ravezo an hini a zeu d'hor c'haout var an douar,
Doue, ha Mestr absolu evel an hini en digaç.

AR C'HANON.

Ho conjuri a reomp, en hano J.-C. ho Mab
hac hon Roue, ô Tad leun a visericord! da re-
ceo ha da vinniga an offranç a reomp deoc'h,
evit ma plijo gueneoc'h conservi, difen ha
gouarn hoc'h Ilis santel-Catholig, gant an oll
memprou eus a bere eo composet, ar Pab, hon
Escop, hon Roue, hac en general gement hini
a ra profession eus ar feiz.

Recomandi a reomp deoc'h c'hoas, va Doue, ar re evit pere ar justic, an anaoudeguez vad hac ar garantez hon oblich da bedi, qement a so presanter sacrific adorabl-mâ, ha particulieramant N: ha N. (*Exprimit hano ar re evit pere oc'h eus ur c'hoant particulier da bedi*); hac evit ma vezo agreaploc'h deoc'h hor pedennou, ô va Doue! én em unissomp d'ar Werc'hes glorius Vari, Mam d'bor Zalver J.-C., d'an Ebestel, d'ar Verzerien santel, ha d'an oll Zent pere a gompas gueneomp ar memes Ilis.

Perac ne meus-me qet er moment-mâ, ô va Doue! an desir ardent o devoa ar Batriarchet santel o velet ar Messi! Perac n'am eus-me qet o feiz hac o c'harantez!... Deut, va Zalver Jesus; deut, Redemptor carantezus eus, ar bed oll; deut da accomplissa ur myster pehini a so an abreve eus hoc'h oll miracloù. Eruout a ra an Oan divin-se; cetu amàn ar victim adorabl pehini en deus effacet an oll bec'hejou eus ar bed.

AN ELEVATION.

Verb incarnet, Jesus guir Doue ha guir Den, credi a ràn e zoc'h amàn presant; oc'h adori a ràn gant humilite, ho carout a ràn a greiz va c'halon, hac evel ma tiseqennit var an Auter abalamour din, en em gonsacràn ive deoc'h antieramant va-unan.

Adori a ràn ar goad precius-se oc'h eus scuillet evit an oll; hac ec'h esperàn, ô va Doue! n'ho pezo qet er scuillet inutilamant evidon. Grit din ar c'hraç da applica din e veritou. Me a offr deoc'h va ene, Jesus adorabl, en anaou-

deguez demeus ar garantez infinit-se pehini oc'h eus bet da rei hoc'h hini abalamour din.

SUIT AR C'HANON.

Petra ve eta hivisiquen va malic ha va ingrati, ma consanten d'oc'h offanci, goude beza gullet ar pez a velàn! Nan, va Doue, ne anconac'hain biqen ar pez a represantit din dre ar ceremòni qer majestuus-mâ: ar souffrançou demeus ho Passion, ar gloar demeus ho Resurrection, ho corf dispennet oll, ho coad scuillet evidomp, realamant presant d'am daoulagad var an Auter-màn.

Bremâ eo, Majeste eternel, ec'h offromp deoc'h demeus ho craç, veritablament ar victim pur, santel hac hep tach, pehini e zeo falvezet deoc'h oc'h-unan da rei deomp, a behini ar re all ne voant nemet figurennou. Ia, Doue eternel, ni a gred er lavaret deoc'h: beza e zeus amàn mui eguet oll sacrificou Abel, Abraham ha Melchisedech; ar victim hepgen dign demeus hoc'h Auter, hor Zalver J.-C. ho Mab, an objet unig demeus ho madelezoù eternel.

Ra deuyo qement hini a barticip amàn a c'hinou pe a galon d'ar victim sacr-màn, da veza carguet eus e venediction.

Ra deuyo ar venediction-màn da veza scuillet, ô va Doue! var eneoù an dud fidel a zo maro e peoc'h an Ilis, ha particulieramant var ene N. ha N. Accordit dezo, Autrou, en guel eus ar sacrific-màn, an delivranç antier eus o foanniou.

Deurvezit accordi ivez un deiz ar grac-se deomp hon-unan, Tad inñimant mad; ha grit deomp antre en societe gant an Ebestel santel, ar Verzerien santel, hac an oll Zent, evit ma c'hallimp ho carout ha glorifia eternelamant ganto.

PATER NOSTER.

Peguen eurus on, ô va Doue, d'ho caout evit Tad! Nac a joa am eus o sonjal penaus an en, e peleac'h emedoc'h, a dle beza un deiz va demeuranc! Ra vezo hoc'h Hano santel glorifiet dre ar bed oll. Rënit a grenn var an oll galonou ha var an oll volontezeou. Ne refusit qet d'ho pugale ar vagadurez spirituel ha corporel. Pardonit a reomp a greis calon; pardonit ivez ac'hanomp. Soutenit ac'hanomp en hon tentationou hac er boaniou eus ar vuez miserabl-mâ; mes hor preserivit ous ar pec'het, ar goassa eus an oll boanniou.

AGNUS DEI.

Oan Doue, immolet evidon-me, ho pezit truez ouzon. Victim adorabl eus va zilvidiguez, savetaït ac'hanon. Mediatour divin, obtenit din va c'hraç e qever ho Tad, roit din ar peoc'h.

COMMUNION.

Peguen agreabl e ve din, ô va Zalver carantezus! beza eus an nombr-se a gristenien eurus, da bere ar burete a goustianç, hac un devotion tener a hermet da dostât bemdez demeus ho Taul santel!

Pebes avantach evidon, ma elfen er moment-mâ ho possedi ebars em c'halon, renta deoc'h eno va homachou, exposi deoc'h eno va ezomou, ha participa d'ar gracoù a rit d'ar re ho recco realamant! Mes pa zôn re indign evit se, suppleit, ô va Doue! da indisposition va ene. Pardonit din va oll bec'hejou; o detesti a ràn a greis va c'halon, dre ma tisplijont deoc'h. Recevit an desir sincer am eus d'en em unissa deoc'h. Purifiet ac'hanon dre unan demeus ho sellou, ha va laqit en stad d'ho recco, ervad qenta ma vo possubl.

Da c'hortos an deiz eurus-se, me ho ped, Autrou, d'am ober participant eus ar frouez a dle communion ar Bêleg produi en oll bobl fidel pehini a so presant er sacrific-mâ.

Cresqit va seiz dre vertus ar Sacramant divin-mâ; crénvail va esperanc; carguit va c'halon demeus ho carantez, evit ma ne garo mui nemedoc'h ha ma na vevo mui nemet evidoc'h.

ORÉSONOU DIVEZA.

Deut oc'h, ô va Doue! d'en em immoli evit va zilvidiguez: me fell din en em sacrificia evit ho cloar. Me so ho victim: n'am espernit qet; accepti a ràn a galon vad an oll groasiou a blijo deoc'h da zigac din: o binnigua a ràn, o recco a ràn demeus ho torn, hac o unissa a ràn d'oc'h hini.

Sortial a ràn purifiet dre ho mysteriou santel: tec'hel a rin gant horrol ous an disterratach eus ar pec'het, dreist-oll eus an hini e behini va fanchant am-zrein gant muia a nerz.

Beza e vezin fidel d'ho lezen, ha resolvèt òn da goll tout ha da souffr tout, qentoc'h eguet dont da vancout dezi.

BENEDICTION.

Binniguit, ô va Doue! ar resolutionou santel-se; binniguit ac'hanomp oll gant dorn ho Ministr, ha ma chomo eternclãmant varnomp an effejou eus ho penediction. En hano an Tad, hac ar Mab, hac ar Speret-Santel.

AVIEL DIVEZA.

Verb divin, Mab unig d'an Tad, sclêrijen ar bed, disqennet eys an ên evit disqueuz deomp an hent, na bermetit qet e ven hênvel ous ar bobl infidel-se, pehini en devezus refuset oc'h anavezout evit ar Messi. Na bermetit qet e coessen er memes dallidiguez evel an dud maleurus-se, pere o devezus caret guelloc'h dont da veza esclavourien da Satan, eguet da gaout lod en adoption glorius a vugale da Zoue, pehini e zoc'h deut da brocure dezo.

Verb incarnet, me hoc'h ador gant ar respet ar muia humbl; me a laqa va oll gonfiang en-noc'h hepgen, oc'h esperout fermamant, pa zeo guir e zoc'h va Doue, hac un Doue pehini a so en em c'hêrê Den evit savetât an dud, ec'h accordfot din ar graçou necesser evit va santifia, hac ho possedi eternelamant ebars en ên.

PEDEN COUDE AN OFEREN.

Autrou, ho trugarecât a rân deus ar c'hraç oc'h eus grêt din, o permetti din hirio da asista e Sacrific an Oferen santel, preferablant

da guement a re all n'o devezus qet bet ar memes boneur; hac e c'houlennân ouzoc'h pardon eus an oll fautou a meus coumetet enni, dre an dissipation hac an nebeut a ferveur a-meus bet en ho presanç. Ra deuyo ar Sacrific-mâ, ô va Doue! d'am purifia evit an amizer basseet, ha d'am fortifia evit an hini da zont.

Mont a rân breman gant confiand d'an occupationou da bere ho polontez am galv. Beza em bezo sonch epad an deiz-mâ deus ar c'hraç a deut da ober din, hac e tachin da noupas lezel achapi comz ebet, action ebet, da noupas formi desir ebet, na sonjesson ebet, a guement a rafe din coll ar frouez deus an Oferen santel emedon o paoues clêvet. An dra-se en em broposân, gant ar sicour demeus ho craç.

GOUSPEROU AR ZUL.

Deus in adjutorium.

Bezit, va Doue, me ho ped,
Attantif d'am zicour bepret;
Autrou, plijet gueneoc'h hasta
Dont em ezom d'am asista.

Rentomp gloar d'an Tad eternal,
D'ar Mab ha d'ar Speret-Santel,
A so en un Doue tri ferson,
Meulomp-i a greis hôr c'halon.

Ar memes gloar a yoa a viscoas,
Ravezo rentet bremâ c'hoas,

Hac atau ha da virvigen,
 D'an Drindet en un Doue hepgen.
 Evelse, va Doue, bezet great,
 Ha raviot trugaregeat :
 Meuleudi deoc'h, Autrou santel,
 Ha Roue ar gloar eternal.

Dixit Dominus.

Doue en deveus lavaret
 D'e Vab, hon Autrou beniguet :
 Azezit en tu deo din-me,
 Da gaout ar memes gloar guenén.
 O c'hortos evit birvigen
 Ma liqn hoc'h adversourien
 Da servichout deoc'h da scabel
 Dindàn ho treid, va Mab santel.

E Sion eo e tle commanc
 Ar voalen eus ho puissanc :
 It ac'hano partout da rên
 E creis hoc'h oll adversourien.

D'an devez bras eus ho calloud
 E velit ouc'h ar c'henta tout
 E creis ar gloar hac ar guenet
 Eus an oll Zent ha Sentezet.
 Neuze e youczint eo me ho Tad,
 Am eus hoc'h ajandra, va Mab,
 Demeus va substanc va-unan,
 Abars ma crouis ar bed-màn.

D'e Vab en deveus c'hoas Doue
 Touet, hep e chenko e le :
 C'houi eo da james va Bêleg
 Diouz an urz a Velchisedec.

Ia, e ma deoc'h en tu deou,
 Va Doue, ho Mab, hon Autrou,

Ha d'an deiz m'en em goloro,
 Ar re superb a vruzuno.

Rac pa deuy da varn ar bed oll,
 E casso an dud fall da goll,
 Hac e flastro, hep laqat mar,
 Da galz o fenn ouz an douar.

Hac evel m'en deveus evet
 An dour a souffrançon ar bed,
 E vezo guelet o c'horren
 E benn gant ur gloar souverén. Rentomp.

Confitebor tibi, Domine.

A greis va c'halon, va Autrou,
 E rentin deoc'h meuleudiou,
 Hac e secret hac e public,
 Etouez ar just hac ar jurdic.

Œuvrou Doue so bras meurbet;
 Diouz e volonteiz int reglet;
 Daoust petra êru, mad pe zrouc,
 En a zispos a bep tra tout.

Manific eo ar pezh a ra,
 Meulabl eo ato e pep tra,
 E justic en em zalc'h hepret
 Ar memes, ha ne chenko get.

Lezet en deveus gant an dud
 Ur memor a guement burzud
 En deveus grêt en o c'hever
 E drugarez leun a zouçter.

Ar memor-se qen agreabl
 Eo ar vagadur admirabl
 En deveus roet er sacramant
 D'an nep en douch parfetamant.

Memor en devezo bepret
 Eus ar pezh en deus prometet,

Hac e rai d'e bobl anaout
Eus e oll œuvrou ar gallout.

Dezo e roi an heritach
Eus e varados da bartach;
En traou a ra n'en em zisquez
Nemet justic'ha guirionez.

E oll gourc'hemennou santel
A so bepret ferm ha fidel;
Fontet int var ar virionez
Ha var pep seurt justic' ivez.

Digasset en deus er bed-mâ
E Vab evit hon redima;
Grêt en deus deomp un testamant
A bado eternalamant.

Santel ha terrubl eo meurbet
E Hano; piou n'en douche get?
Commançamant ar furnez e
Doujanç an Autrou hon Doue.

Qement a vev en e zoujanç
O deus ur guir intellijanc;
Ar seurt-se eo en em rent dign
D'e veuli en ênvou hep fin.

Enor ha gloar da Zoue an Tad,
Ar memes gloar da Zoue ar Mab,
Ha d'ar Speret-Santel Nive,
Tri ferson distinct en un Doue.

Ar gloar a so bet a viscoas,
Ravezo rentet bremâ c'hoas,
Hac atau ha da virvigen
D'an Drindet en un Doue hepgen. Evelse.

Beatus vir qui timet Dominum.

O peguen eürus eo an den
A zouch an Autrou souveren,

Hac a zo leun a zezirou
Da viret e c'hourc'hemennou!

E raç a vezo galloudus
Var an douar dre ar vertuz;
Rac pep seurt benediction
A heuill nep so eün a galon.

En e dy en em gueb ivez
Ar gloar hac ar binvidiguez;
Hac evit birvigen e pad
E justic' hac e œuvrou mad.

Savet eo an devalijen
D'an dud santel ar sclêrijen;
Rac Doue so leun a druez,
A justic' hac a drugarez.

En so eürus hac agreabl
Un den so prest ha charitabl
Hac a so e gomzou reglet!
James na vezo discaret.

Eus an nep so just ha santel
E vezo ur memor eternel;
Evit qement drouc a glêvo,
Angen ebet n'en devezo.

E galon a so preparet
Da esperout en Doue bepret;
Ferm eo hac e vezo bigen,
En despet d'e adversourien.

Roet en deveus aluzen
Liberalamant d'ar beorien;
Receo a rai ur buissanç
Hac ur gloar vras e recompanç.

Gant jalousi ous e velet
E vezo ar pec'her coleret;
E zent gant dipit a scrigno,

Ha var e dreid e tisec'ho.

Hoguen desir ar becherien

A vezo vean evit biquen;

Eleac'h ma vezo contantet

Desir nep a vezo salvet. Enor ha gloar.

Laudate pueri, Dominum.

Meulit an Autrou souveren

Etrezoc'h e servicherien;

Meulit an Hano a Zoue,

Ha gant respet prononcit-e.

Ra vezo binniguet atau

Ha glorifiet an Hano

Eveus hon Autrou souveren,

Eus a vrema da virvigen.

Hano an Autrou a dle bepret

Gant ar bed oll beza meulet

Adal sao-eol en Orient

Bete ciz-eol en Occident.

An Autrou so huel meurbet

Dreist qement pobl a so er bed,

Hac ar gloar eus e vajeste

A so dreist an envou ive.

Piou so hénvel ouz au Autrou

Hon Doue a chom en envou,

Hac ac'hano a gonsider

Qement a so humbl ha dister?

En eus ar fanq hac an douar

A denn an ezomec, pa gar,

Hac a ra d'ar paour-qez sevel

Divar an teil da lec'h huel.

Evit e laqat assambles

Gant ar brincet eus e bales,

Gant ar brincet eus e bobl qer,

Da

Da azeza en o c'hever.

En eo a rejouis ivez

An hini a oa hep lignez,

Ouz e renta mam en he zy

Da forz bugale bet dezi. Enor ha gloar.

In exitu Israël de Agypto.

Pa sortias pobl Israël

Eus a Egypt ar vro gruel,

Pa oue ty Jacob delivret

Eveus a greis ar barbaret.

Neuse oue ar bobl a Judee

Consacret da servich Done;

Israël a deus da veza

Dindan e rên sujet dezà.

A hent ar bobl-mà e tec'has

Ar môr neuse; pa er guelas;

Ha var e c'his rivier Jourden

A redas varzu e sourcen.

Neuse gant spont o deus lammet

Ar meneziou eguis maoutet;

Lammet o deus an torguennou

Eguis ma lamm oanedigou.

Môr ruz, petra oa ho sujet

Ma zoc'h bet evelse tec'het?

Ha perac oc'h bet, c'houi, Jourden,

Retornet var-zu ho sourcen?

Perac oc'h eus-u bet lammet,

C'houi, meneziou, evel maoutet?

Perac, evel oanedigou,

Oc'h eus-u lammet, torguennou?

Presanç an Autrou oa a rea

Evellen d'an douar erena;

Presanç an hini so Doue

3

Da Jacob ha d'e vugale.

Ar mean so-gen en deus chenchet
En ul lenn vras a zour carguet;
Hac eus ar roc'h en deus ouспен
Laget da redec ur sourcen.

Autrou an eê hac an douar,
N'en dê get deom-ni eo ar gloar :
Roit ar gloar a zeu ac'hano,
Nonpas deom-ni, mes d'o hano.

Ma c'henevo pep nation
Oc'h trugarezus ha guirion,
Ha na rebechint get deomp-ni :
Peleac'h e mâ o Doue-i?

Mes na gomzent get evelse,
Rac hon Doue-ni so en eê,
Pehini en deus grêt bepret:
Qement en deves desirêt.

Hoguen Doueou ar re vechant
Ne diut nemet aour hac arc'hant,
Pere so ouvrachou forget
Gant daouarn an dud abuset.

Guenou o deves da brezeg,
Ha gouscoude ne gomzint get;
En o fenn e zeus daoulagad,
Pe gant re ne velint berad.

Diou scouarn o deves ive,
Ha ganto ne glêvint banne;
Diou frount o deves en o fri,
Ha ne santint c'huez dre hini.

Gant o daouarn ne douchint get,
Ha gant o zreid ne guerzint get;
Hac evito da gaout gouzoug,
Ne allint crial morse tout.

Ra deuy par memes da veza
Hénvel outo an dud o gra,
Gant qement o deves fizianç
E traou gen dign a zisprianç.

Fizianç bugale Israël
Zo en Autrou celestiel :
En o zicour hac o zouten
A enep o adversourien.

Bugale Aaron a laqa
O esperanç ivez ennâ :
En o zicour hac o zouten
A enep o adversourien.

Ar re a vev en e zoujanç,
A laqa ennâ o fizianç
En o zicour hac o zouten
A enep o adversourien.

An Autrou, gant truez ouzomp,
En deus bet memor ac'hano mp,
O rêi deomp e brotection
Coulz hac e venediction.

E venediction santel
En deus roet da Israël :
Ar memes benediction
En deus roet da dy Aaron.

Roet en deus an abondanç
Da guement o deus e zoujanç;
E venediction a c'hraç
D'ar re vian ha d'ar re vras.

Plijet gant Doue hon Autrou
Ajouti c'hoas calz a c'hraçou
Dêc'h-u e oll servicherien,
Ha d'hô pugale so-muigen.

Ra viot atau benniguet

Gant an Autrou oll-galloudec,
Pini en deus evit e c'hloar
Crouet an eê liac an dônâr.

An huella eus an eêvou
A so demeuranç d'an Autrou;
Mes an douar en deus lêzet
Gant an dud bete fin ar bed.

Ne dê get ar re so maro
Dirazoc'h, Autrou, ho meulo,
Na qenneheut qement hini
A ya d'an ifern da lesqi.

Mes ni pere a vev er stad
Eveus ho craç, ho meul ervad,
Hac ho meulo hivisiqen
Eus a vremâ da virvigen. Enor ha gloar.

Chabistr.

Benniguet ha meulet ra vezo Doue, Tad hon
Autrou Jesus-Christ, un Tad a drugarez hac
un Doue a bep consolation, pehini en deveus
ar vadelez d'hor c'honsoli en hon oll boanniou
hac en hon oll afflictionou. *h.* Graçou da Zoue.

Lucis Creator optime.

O Crouer mad d'ar sclerijen,
C'houi evit ober deiz d'an den,
Pa gommancjoc'h croui ar bed,
A grouas genta ar sclerdet.

C'houi a ra guervel un devez
Ar mintin gant ar pardaez,
Endra dosta nos ar maro,
Clêvit hor pedennou bep tro.

Na bermetit e vemp nepret
Eus ar vuez a c'hraç privet,
O coumeti traou criminel,

Hep sonjal en traou eternal.

Grit ma pigno betec ho tron
Dreist an eêvou hon orêson,
Evit eus ar vuez eternal
Ma c'hoptenimp ar pris huel.

Hac evit e aquisita,
Roit deomp ar c'hraç da evita
Qement so noasus d'hon ene,
Ha d'e netât diouz droug ive.

Hon exaucit, Doue an Tad,
Ha c'houi, egal dezàn, e Vab,
A rên gant ar Speret-Santel
En ur memes gloar eternal.

Evelse.

Magnificut.

EUS a galon hac a c'henou
E c'hlorifiàn va Autrou,
Hac ec'h admiràn bepret
E vadelez em andret.

Gant ur joa vras eo va ene
Ravisset oll en e Doue,
Pehini eo. va Zalver
Trugarezus em c'hever.

Abalamour m'en deus prijet
Sellet ouzin ha me displet,
Galvet vezin a vremen
Eürus bras gant peb-unan.

Rac an hini a ell peb tra
Zo e hano ar santela,
En deus ennôn operet
Traou pere so bras meurbet.

E drugarez a scuill e c'hraç
En abundanç a raç-a-raç
Var nep a zeu gant fziang

Da veva en e zoujañ.

Disquezet en devezs ivez
Eus e vreaç'h ar galloudeguez ;
Ar re superb a speret
En devezs humiliet.

D'an ñep a voa bras hac buel
En devezs grêt disgen izel,
Hac en devezs enoret
Ar re vian ha displet.

Ar re naonec a vertuzion
En deus c'arguet a faveuriou,
Ha pinvidien ar bed
En deus goullo dilezet.

Ha pa zê bed e volonteiz
Caout memôr eus e drugarez,
E zeo en em disclêryet
Un Tad mad en hon andret.

Hervez ar bromessa fidel
En deus bet grêt d'hon tud santel
Da zigaz deomp er bed-mâ
E Vap propr d'hon redima.

Enor ha, gloar da Zoue an Tad,
Ar memes gloar da Zoue ar Mab,
Ha d'ar speret-Santel ive,
Tri ferson distinct en un Doue.

Ar gloar a so bet a viscoas,
Ravezo rentet bremâ c'hoas,
Hac atau, ha da virviquen
D'an Drindet en un Doue hepquen. Evelse.



 ANTIENOU D'AR VERC'HEs SANTEL.

Alma Redemptoris, etc.

Mam garantezus demeus hon Redemptor, c'houi pehini a so d'or an Eê, atau digor, ha stereden ar m'or, prestet un dorn secourabl d'ar bobl-mâ pehini a zezir en em sevel deus e gouez er pec'het, c'houi pehini en devezs an natur estonet guelel o tont da yeza Mam d'ho Crouer santel ; Guerc'hes q'ent ha goude ar guinevelez, recevit salutation an æl Gabriel, hac ho pezit truez diouzoamp, ni pere a so pec'herien.

Ave Regina, etc.

Ni ho salud, ô Rouanes an Eêvour ; ni ho salud, ô Rouanes an Aêlez ; ni ho salud, grizien santel ; ni ho salud, d'or celestiel, dre behini ar sclêrigen a so deut da sclêrigenna ar bed, en em rejouissit, ô Guerc'hes glorius, eus a behini al Iufr a dremen ar garantez eus an oll grouadurien. Bezit beanniguet, ô Guerc'hes meurbet caer ha meurbet par, ha pedit evidomp Jesus-Christ ho mab.

Regina cæli lætare, etc.

Rouanez an Eê, en em rejouissit, meulit Doue ; rac an hini hoc'h eus meritet douguen en ho creiz, meulit Doue, a so ressuscitet, evel m'en devoa lavaret ; meulit Doue. Pedit Doue evidomp ; meulet ravezo Doue da James.

Salve Regina, etc.

Ni ho salud, ô Rouanes, Mam a visericord, hor buez, hon dougder, hon esperanc ; ni ho salud, crial a reomp etrezoc'h-hu, ni pere a so exilet en draouyen maleurus-mâ, e qalite a vugale da Eva. Ni a ra pignat etrezoc'h-hu hon huanadennoù, hon hirvoudou, hon glac'harou, hac an dælou a scuillomp en draouyen-mâ a vizer. Deut eta d'hon sicour, c'houi pehini eo hon advocades ; distroit varnomp ho sellou, ar sellou-se q'en tener ha q'en douç, ha grit, goude ar termen demeus hon exil, ma velimp Jesus, pehini eo ar frouez benniguet en devezs hoc'h entraillou douguet, ô Guerc'hes misericordius, ô Guerc'hes tener ! ô Mari douç ha carantezus !

Santez MARI,



Pedit evidomp.

IMITATION

AR

VERC'HES SANTEL.

QENTA LEVR,

E pehini e considerer buez ha vertuziou ar Verc'hes Santel, adalec e C'honception dinam, bete Guinevez e Mab divin e Bethleem.

CHABISTR QENTA.

Demeus a imitation vertuziou ar Verc'hes Santel.

Eürus an hini a imit Mari, pa zeo guir en eur imita Mari, ec'h imit Jesus, ar Roue hac ar c'henta squer demeus an oll vertuziou.

Buez ar Verc'hes-se a so ur guentel universel. Desqi a rear dreizi e pezh feñon e ranqer en em gomporti ebars ar brospérité hac en drouc'hraç, ebars er beden hac ebars el labour, ebars en enorioù hac ebars en humiliationou.

Na erruimp bigen d'ar perfection a roe d'e oll actionou; mes an hini a bella outo eus an nebeüta, eo ar parfeta.

Servicherien ha servicherezet da Vari, grit adbeva ennoc'h, e gement ha ma vezo possubl deoc'h, ar beoder eus ar feiz, ar broutidiguez

eus e oboissanç, an dounder demeus e humilite, an attantionou eus e fidelite, ar burete demeus e intantionou, allarguentez demeus e c'harantez.

Hep an imitation-se, ho carantez eviti a vez goul dister; ha na dleit qet en em depord da vercou bras demeus e frotection.

Bemdez, evit guir, e recitit pedennou en e enor. Douguen a rit a hend all mercou exterior demeus ho questl. Membr oc'h demeus a unan benac eus ar breuriezou-se, pere a so particulieramant consacret dezi. Qementse oll a angach anezi da c'houlen evidoc'h graçou a zilvidiguez.

Mes ma na za qet gant se ho tevotion betec imitation e vertuziou, ho tevotion na savetai qet ac'hanoc'h.

Ar Filistanet a bossedas arc'h Doue. E binvidicât memes a rejont demeus o fresantchou. Gouscoude ne voe qet evito ur sourcen a venedictionou; rac, gant an arc'h, e carent c'hoas o idoliou.

O Rouanes ar vertuziou! ha ne deo qet just penaus, mar carer ac'hanoc'h, e raet evidoc'h ar pez a ra ar mignonet a elfet caout er bed? Clasc' a rear en eur formi var o c'haracter, ha da guemer o inclinationou.

Ho calon, qen humbl, qen chast, qen soumetet da urzou Doue, ha qen ardaent evit interest Doue, hac en em unani a rai a affection da ur galon superb, lischer, pêhini a so hep resination da volonte Doue, hac hep oaz evit e c'hloar?

Mar carit ac'hanon, a lavarit-hu deomp, *bezit va imitatoret, evel ma edon bet eus a*

Jesus (1). Mar doc'h va bugale, en em vouisqit demeus a speret ho Mam.

Speret bugale Mari a dle beza, evel hini o Main, ur speret a charite, ur speret a beoc'h, ur speret a vortification, ur speret a oaz hac a garantez Doue.

Guerc'hes santel; laqat a rin eta consista hivisiquen va devotion en hoc'h andret da imita ho vertuziou!

Ar parfeta hommach eo a ellàn renta deoc'h, hac ar merq brassa a garantez a ellàn rei deoc'h.

CHABISTR II.

Demeus an estim a dleomp da ober eus ar c'hraç santifiant.

Ar grac a recevas Mari adalec ar c'henta moment demeus e c'honception, a voe d'e daoulagad ar pez ma zoa ar furnez da zaoulagad Salomon, ar sourcen demeus an oll vadou.

Doue en devoa possedet anezi adalec ar gomançamant demeus e ouvrachou (2). Ar c'henta moment demeus e c'honception a voa bet un amzer a favor hac a c'hraç. Cetu eno ar pez a istimas muioc'h eguet oll curunennou ar bed.

E oll buez a voe un testeni continuel demeus e anaoudeguez eu andret Doue, evit ar mad-ober notapl-se, da nonpas beza bet, memes ur moment hepgen, an objet demeus e gassoni.

(1) 1. Cor. 4. 16. — (2) Prov. 8. 22.

Ene christen, en recevet oc'h eus er Vadi-
ziant, ar grac santifiant-se a recevas Mari er
c'henta istant eus e c'honception.

Dreizi, dent *participant an natur memes
divin* (1), e c'honezit ar guir precius da henvel
Doue ho Tad, ha Jesus-Christ ho Preur.

Dreizi, great *heritourez* da Zoue, ha ge-
taeres da J.-C. (2), e zoe rouantelez an Ee me-
mes a voe destinet deoc'h.

Compren a rit-hu ervad an oll brasser hac an
oll verit demeus ar privilachou puissant-se? Mes,
compren a rit-hu ivez an oll obligation a gom-
mandont deoc'h?

Allas ! e mez ar Gristeniez, peguen nebeut a
Gristenien a sonch en se, ha pere, dre santelez
o actionou, a labour da zouten dignite o ele-
vation !

Peguen nebeut en em laqa e poan da gonservi
ar zae a innocanc-se, symbolen a simpldet, a
burete hac eus a zevotion bugale Doue !

Tenna rear ur gloar faus demeus a avantajou
vean ar bed ; ha dre an injusta partach, e roer,
er speret, an diveza renq da ur grac, pehini,
evit guir, a verit hepgen hon estim.

En em vanti a rear da nonpas en em diligneza
demeus a ur famil tiemenet evit puissant, her-
ves ar c'hig, ha dre ur vuez oll a aneval hac off
charnel, ne zeus qet aoun da ziligneza demeus a
ur guinidiguez spirituel hac oll divin.

Ober a rear pompad demeus a un disepandac
faltaziuz ; ha dre un alianc monstruus gaut an

drouc-speret, na rusier qet da antreal a nevez
dindan e zomination, ha da guemer e livreen,
d'en em angaji a nevez en esclavach e pehini e
zoat bet ar maleur da henei.

Redec a rer gant hastidiguez varlerc'h madou
hac heritachou ar bed ; ha dre an dallidiguez ar
muia goelvanus e negliger, e tispriser memes,
en ur seurt fseon, an heritach celestiel demeus
a vadou an Ee.

Eneou ingrat, victimou discür eus ar pec'het,
piou benac e vec'h, *na galedit qet ho calonou
d'ar vouez divin* (1) pehini ho calv.

Un eil Badiziant a chom deoc'h c'hoas, evit
gounit a nevez ar grac a adoption pehini oc'h
eus collet : hini ar binigen eo.

Recourit sinceramant dezàn. Ho Tad celestiel
na zezir netra muioc'h eguet renta deoc'h e ga-
rantez. Mes ho pezit recours dezàn ar c'henta
possubl ; souden marteze na ellot mui en ober.

Guerc'hes pur hac hep souilluren, pedit evi-
domp, evit ma paonezimp da veza pec'herien ; evit
ma vezimp constant er resolution e pehini ez
oump da rapari ar c'hollou disestimapl hon eus
grêt evel pec'herien.

Ho protection a obteno deomp ar c'hrac d'en
em retablissa parfetamant e carantez Doue, ha
dre eno ec'h ellimp ho penniga, goude Jesus ho
Mab, evel ar sourcen demeus hon silvidiguez.

(1) Ps. 64. 8.



CHABISTR III.

*Demeus ar soign a dleomp caout da gonservi
ar grac santifiant.*

Mari, concevet ebars e grac Doue, hep nep souilladur a bec'het, hep nep inclination d'ar pec'het, ne devoa nep sujet da gaout aoun, evel-domp-ni, nep cuez er pec'het.

Lavaret e vije gouscoude, en eur examina e c'hundù, e devoa qement da gaout aoun evel-domp-ni, ha muioc'h eguedomp-ni.

Beilla rê hep heana var e c'halon, evel pa o devije ellet ar grouadurien obten an affectionou eus anezi.

Beilla rê var e oll c'homzou, evel pa e devije bet d'en-em disfizia demeus e muzellou.

Concevet gant an oll privilachou demeus an innogañç, e selvezas atau dezi beva ebars ar binigen.

Evidomp-ni, peguement benac ma zomp encernet eus a adversourien fals-meulerien ha tromplerien, pere na glascont nemet laqat e profit hon sempldet naturel, n'hon eus nep aoun, na veillomp qet.

Anzav a reomp e zomp ar sempldet memes; gouscoude en em exposomp alies d'an occasionou, pere o devez grêt trec'hi ar re nerzussa.

Ar sempldet, pa zêo presumptuus, na verithi qet coll e souten?

Douguen a reomp *tenzor* ar grac, *en ur ves-*

sel goul bresq (1), pehini a ell en em bruzuni pa sonjimp an nebeuta.

Beza e vezemp-ni bet, evel S. Paul, ravisset *betec an drivet Eê*, e tleomp bepret caout aoun da veza precipitet e founç calon an abymou, gant an eal rebel.

David a gollas carantez Doue dre ar sell. Un Dalila a ellas coll ur Samson.

An hini pehini, en eur gonta var e resolutionou tremenet, na evesa qet aoualc'h varnezan e-unan, na zaléo qet da vancout.

Pa c'hoantaer mont var ur môr rust ha leun a guerrec, hep qen an oll eves neccesser, e tleer en em depord da ober souden an trista pence.

Fachus eo, en anzav a rân, tremen ar vuez da evessât var an inclinationou evit o c'hombatti; mes nep den n'en deo en em c'hrêt sant hep acqed hac hep combatjou.

Va Doue, *treantit va c'hig demeus ho toujanç* (2). An doujanç a servicho d'am renta acqedus, ha va acqed a obteno din ar boncur da sortial victorius demeus va oll gombatjou.

CHABISTR IV.

*Demeus ar soign a dleomp da gaout da gresqi
en grac hac en perfection.*

Mari e devoa recevet al leunder eus ar grac adalec ar moment qenta eus e c'honception.

(1) 11. Cor. 4. 7. — (2) Ps. 118. 120.

Mes n'en em gontantas qet da jouissa en peoc'h demeus an tenzor-se. Hed e oll buez e laqas e oll soign d'e laqat da brofita.

Ar grac pehini a ra avançou el lec'h ma vel effortchou, a binvindicae hemdez anezi; ebars en douar-se bepret labouret mad, an disterra greunen a zougue frouëz hep niver.

Pegument benac e voa ganet gant ar santelez, ar santelez gouscoude na voa qet naturel dezi; mes dre e soignou hac e labour, e rentas anezi propr ha familier dezi.

Poulset e deveus brench evel ar palmès. O sqignet e deveus eus a bep tu; hac e zeo brench a enor hac a c'hrac' (1).

Felvezout a ra dec'h-hu laqat cresqi ennoc'h ar grac-se pehini ho rent mignon da Zoue, buguel da Zoue, ar breur hac ar c'hetaer eus a Jesus, templ ar Speret-Santel? tec'hit ouz ar bed, carit ar beden, frecantit ar Sacramanchou, en em roit d'ar vertuziou a gonven d'ho stat.

Ur voyen dreist-oll da gresqi ennomp ar grac santifiant hac habituel, e zeo beza fidel da vou-vamantchou ar grac actuel.

Evit gouzout petra da ober evit en em renta bepret agreaploc'h da zaoulagad Doue, ne zeus nemet selaou ar vouez interior-se pehini a gomiz, hac en em lezel cundui ganti.

Seulvui e selaouer ar vouez-se, seulvui ec'h instru. Dre ma rear ur avanç benac, e tesq ober re nevez ha re vrassoc'h.

Calz a dud, goude beza baleet en hent ar vertuz,

en em repos, contant demeus an hent o deus grêt. Mes ar grac na lavar james: *aoüalc'h eo.*

An esperianç a zeqs penaus, en hent ar vertuz, nonpas avanç, e zeo arguila; nonpas gounit, e zeo coll.

Pa en em gommander ur poent da servicha Doue, Doue a laqa ivez ur poent d'e vadelezou.

Mes, seul-nebeutoc'h e contomp gantâ, seulvui en em rent generus ha larg en hon andret, memes adalec ar vuez-mâ.

Evit nebeut a vez eus a vadou ar bed-mâ, ez eus bepret aoüalc'h; mes evit ar pezh ma zeo eus a vadou ar grac, na eller qet caout re.

Perac en em arrêtit-hu, goude beza commencet qer mad? Doue hac én ne deo qet ur mestr atau qer bras ha qer carantezus evel diagent?

Ar mestr en deveus confiet ennoc'h madou bras: neglija rit d'o laqat da dalvezout. Servicher infidel, meritout a rit beza punisset.

Lavarat, evel el lavarer avichou, en em gontanter da gaout an diveza plac e ty an Tud celestial (1), e zeo en em exposi da nonpas caout nicun.

Protectourez puissant hac oazus, ô Mari! sicourit ac'hanomp da santifica ur vuez n'en deveus Doue roet deomp nemet evit e implija d'e servicha ha d'e garet.

Hor sicourit da veritout ur gloar e pehini na ellomp arruout gant sicour ar grac, nemet dre hon œuvrou, hac eus a bere ar meritou a vezo estimet herves ar fervor hor bezo bet en eur ober anezo.

(1) Eccl. 24. 18. 22.

(1) Yan. 14. 2.

CHABISTR V.

Het eo en em rei' abred da Zoue.

Selaouit, va merc'h, gant attantion, ar pezh e zûn da lavarad deoc'h : Ancounac'hait ho pobl ha ty ho tad, hac ec'h assurot calon ar Roue, pehini hoc'h eus gouzzet gounit, Ho Toue eo e-unan (1).

Mari, evit güir, a selaouas abred ar vouez diyin pehini a c'halve anezi d'ar retret; quittä a eure adalec e c'henta yaouangis, ty e zad, evit en em gonsacri da Zoue en e dempl.

O merc'h Roue an Eëvou, peguen nobl ha peguen gloriüs e zeo ho genta demarchou (2)!

An offrand-se demeus ho calon, demeus ho liberte, diouzoc'hen oll, a vezo un fiommach parfet rentet da vajeſte Doue; hommach, sourcen eus a venedictionou eus a bere e zoc'h bet carguet ctro pad hoc'h oll buez.

Pegument en em drompl an dre-se pere na sellont qet ar yaouangis evel oc'h appärchanti ouz ar vertuz!

Mari hac ar Zent o deveus bet santet pegument e zeo avantajus d'an den da veza bet douguet, adalec e yaouangis, yeaug an Autrou (3).

Hac én eo trëti Doue en Doue, nonpas destina dezàn hepgen nemet ar restajou miserabl demeus a ur vuez pehini ne deo bet roet deompli nemet evit beza implijet e servich Doue!

(1) Ps. 44. 11. 12. — (2) Cant. 7. 1. — (3) Thren. 8. 27.

Lavarat a rear en em root da Zoue, pa vezot avancet d'avantach en oad. Mes hac én e zoar certain e parvenot d'an oad-se a esperer? pe, mar parvener d'ar poent-se, hac en em reformi a reot qen ézet evel ma er creder?

An experianc a zisqez penaus un oad avancet a rent muioc'h instruet, mes na rent qet furroc'h.

Eürus an hini en em brepar, adalec ar c'henta oad, da vont da barissout dirac ar Barner souveren, pehini a laqayo renta cont demeus a bep oad!

An hini na ro qet da Zoue ar gommancamant eus ar vuez, a dle caout aoun penaus, Doue, evit en punissa, na hermetfe ma velle soudan ar fin.

Mé ho trugareca, ô va Doue! demeus ar misericord infinit eus a behini oc'h eus grët usach em andret, en eur gonservi din va buez en un amzër e pehini e tremenen anezi en eur ofransi ac'hanoc'h.

Felvezout a ra din, gant ar sicour demeus ho crac, ho servicha bete fin va buez, gant gement a fideliteëguet ma emeus commancet divezatoc'h.

CHABISTR VI.

Demeus a avantajou hac eus a zouçder ar retret.

AR SERVICHER.

Tleout a rejot, Guerc'hes Santel, tremen, e templ an Autrou, derveziou tranqil bras ha meurbed douc.

Ar Muia-caret a voa oll deoc'h : c'houi a voa oll dezàn. Ar bed ha qement a so eus ar bed, ne doant netra d'ho taoulagad.

MARI.

Va mab, un ene en dezert, e pelec'h e zeo pell diouz ar bed hac eus a draou ar bed, a dremen en effet deizioù eurus.

E-unan emedi, gant Doue e-unan. Peseurt brassoc'h boneur da zezirout! Caout a ra hy er gomzou bêr-mâ pere a repet hep heana : *c'houi eo Doue va c'halon* (1), e oll gloar; e oll madou, e oll blijadur.

Azezet, evel ar pried sacr (2), e *sgeud ar Muia-caret* (3), e sonch gant compassion en tracassou en em ro an dud evit dont da veza bras ha pinvidiq. Ne gompren qet ec'h allet carout nep tra all nemet an hini a gar.

Qement a dremen var an douar a douch nebeut anezi. An hini a gar a so atau ar pez e zeo bet; beza e vezo bepret ar pez ez eo, qer santel ha qer carabl. Caout a ra, er songeson-se, ur sujet a laouenidiguez bepret nevez.

Pa fellez da Zoue rei e guenteliou divin da un ene, ha *comz d'e galon*, e cundu anezi *d'an dezert*.

Goulennit digantâ, va mab, ar c'hoant-se eus ar retret, ar speret-se eus a zastum enno o-unan o devoa ar Zent. Carit beva pell diouz ar bed, ha na barissit ennàn nemet dre necessite.

Pa forco an necessite ac'hanoc'h da barissout er bed, imitit ar goulm, pehini a voe con-

(1) Ps. 72. 26. — (2) Cant. 2. 3. — (3) Os. 2. 14.

traignet da sortial demeus an arc'h, mes pehini a zistroas hep dale, rac ne gavas ermeas eus an arc'h nep andret e pehini ec'h elje en em reposit.

Ma na dec'hit qet diouz ar bed gant soign, e gemerot souden an habitujou; ha qerqen tevel ma'ho pezo tânvaet eus a draou ar bed, na garot mui traou Doue.

Pried Cantic ar Scriptur a glasqas e muia-caret e creiz ruyou Jerusalem, ha ne gavas qet anezàn.

Anzavit ne zoc'h qet nemeur distroet demeus a gonservationou ar bed, nemet gant ar faoutou ho poa en eur antren.

Delicou Doue a so da veza ganeoc'h. Ravezo ho re-hu da veza gantan. Ne gavot qet guelloc'h anezàn egnet en dezert.

Eno eo e tisolot dezàn ho songesonou brassa, gant muioc'h a liberte egnet e nep lec'h all; ec'h Elliot ezetamant lavarat dezàn ho santimanchoù gant oll liberte ur gonfianç respectuus.

Eno eo ivez e laqo da zivoeret facilloc'h en ho speret songesonou pere a zoucao ho poanniou, a appeso hoc'h aoun, a zissipo ho touetou, hac a zisquezo deoc'h hentchou sur, evit ho cundu en oll gant furnes.

Eno eo e comzo d'ho calon demeus ar vouez secret-se pehini ne gonven nemet dezàn; e tal-c'ho e galon deoc'h al langach-se pehini ne deo comprenet nemet gant e vignonet, hac a imprim ebars en un ene ar guirionezou a fell d'e garantez da rei da anavezout.

CHABISTR VII.

Demeus ar burete, ha peguement e tleomp en estimout.

Pa proposas an Æl da Vari da zont da veza Mam da Zoue, na explicas qet dezi hac ar superiorlach bras-se a elle en em accordi gant ar vœu a chastete e devoa grêt; Mari a zepordas da rei e c'honsantant.

Guelloc'h e voe ganti tremen en merit dreist an oll grouadurien dre ar virginite, eguet o surpassi en dignite.

Mes, *n'en em spontil qet, Mari* (1). Ar burete-se memes, eus a behini e zoc'h qen oazus, a lagayo disqen en ho creiz an Doue-se pehini na fell dezàn guenel nemet diouz ur Verc'hes.

O purete! a beseurt pris na dleit-hu qet eta beza d'hon daoulagad, pa zeo c'houi e deveus roet deomp ar Redemptor, ha penaus ar parfeta demeus an oll Guerc'heset e deveus ho cavet preferabl d'ar galite a Vam divin.

C'houi eo hoc'h eus roet da Jesus an disqibl a gare Jesus ar muia; c'houi eo a brepar d'an Oan an eneoù a dle en *accompagni* dre oll (2).

Princ an Ebstel en deveus bet privilachou bras. Mes Jesus n'en deveus permetet nemet d'an disqibl pehini a voa chast, da reposi var e galon epad ar Cenen.

Jesus a roas da Bêr ar soign demeus e Ilis, ha da Yan ar soign demeus e Vam.

(1) Luc. i. 30. — (2) Apoc. 14. 4.

Dre ar burete, e represantomp var an douar buez ar re eurus en Eê.

Ar pratiq demeus ar vertuz a ra deomp acqui-sita ur merit pehini n'o deus qet an æles.

O c'houi pere a sell ar viç control d'ar vertuz-se, evel pardonabl mad d'ar sempldet naturel, bezit sonch e zeus nebeuta viçou en deveus Doue nebeutoc'h pardonet ha muioç'h punisset.

Ar viç-se a bella Speret Doue, *pehini na chom qet, em ar Scritur, ebars an den charnel* (1).

Ar viç-se a zalla. Ret eo ur Profet da David avoultrer, evit ma compreno ar grevusdet eus e grim, ha ma sonch ober pinigen.

Ar viç-se a galeta. Salomon deuet impudiq, a deus idolatr.

Hor c'horfou a so templou ar Speret-Santel. An impurete en eur C'hristen, a so eta *abomination an desolation er plaçou santel* (2).

CHABISTR VIII.

Demeus ar brecautionou da guemer evit conservi ar burete.

Admira a râr ar vodesti-se gant pehini Mari a gomz d'an Æl diouz Doue, pa annonç dezi ar myster a ya d'en em operi en e c'hreis.

En em gaout a ra hi e-unan gantâ hep test. Aoualc'h eo se evit ma ve seziet demeus a ur spont santel.

Allas! ar vez naturel ne deo james hep morc'hed. Fleuren dilicat, e deveus aoun demeus an

(1) Genes. 6. 3. — (2) Cor. 6. 19. Math. 24. 13.

disterra c'huezzen. Ur sell hepgen, ur gomz hepgen, a spont anezi.

Ur Verc'hes pehini a anavez oll pris ar chastete, e deveus aoun eus an occasionou, memes eus ar re bella, d'e c'holl.

Comzou fals-meulabl, offrou oblijus, conversationou pere a seblant memes honest, oll ez int suspet dezi. Elacat a ra da redoubli a vijilanc hac a attantion.

Mes, ma zeo ret qement a surentez evit conservi ar chastete en e oll anterinanc, hac e a eller lavarat e ve var an douar calz a eneoù chast?

Nombr a verc'hed christen a gomz alies, hac hep aoun, gant tud pere ne dint qet zeles.

Ur verc'hes, dreist-oll, pehini a gar beza meulet, na vezo qet pell-amzer indifferant evit an hini a royo meuleudiguez dezi.

E feat a burete, e zeus peb leac'h da gaout aoun, dre ar rêson memes na zeus qet aoualc'h a aoun.

Formet oump oll demeus ar memes fanq, evel qement a dud pere a so bet qen toc'hor; rac, ouz en em gredi crén, na voant qet aoualc'h var o eyes.

Ha pa ho pez trec'het, epad meur a vloavez, victoriou var adversour ar burete, n'en em gredit qet evit se didrec'hapl. Na zeus ezom nemet un occasion maleurus evit ho coll.

Tec'hit gant soign an occasionou bian-se dangerus, ha Doue a royo dec'h graçou a nerz, ebars en occasionou e pere na eller qet sonjal, hac e pere e renqer caout ur vertuz bras evit triumph.

O Guere'hes, Mam da un Doue! obtenit din an disizianc-se diouzon va-unan, ar brudang-se em oll demarchou, ar mortification-se demeus va sqiantchou, necesser evit va c'honservi ebars er chastete.

Na ellân qet en em veuli da veza, evel ma en dezirân, en nombr demeus ho pugale, hep carout spicialamant ur vertuz pehini a so bet unan demeus ar penn-caus deus ho cloar.

CHABISTR IX.

Penaus graçou Doue a so evit ar re humbl.

MARI.

Va mab, felvezout a ra din desqi deoc'h ur secret evit obten ouz Doue graçou bras. D'en em gredi hepret dign diouto eo.

Doue a ro e c'hraçou d'ar re humbl (1). En ur galon leun eus anezàn e-unan, Doue na gav qet a blaç evit e faveuriou.

AR SERVICHER.

Rouanes ar Zent, roet oc'h eus deomp, var ar sujet-se, exemplou bras, pere a so-hon instruction.

Pa annouças an Æl deoc'h e zeac'h da zont da veza Mam da Zoue, ne gomprenec'h qet penaus Doue en devoa teurvezet fixa e choas var-noc'h evit un dignite qen burzudus.

Pa deujot realamant e Vam, na guemerjot nep galite all nemet hini e *Servicherez*.

(1) Jacq. 4. 3.

Eva nevez, beza ez oc'h bet meurbet differant demeus an hini guenta. E orgouill a reas dezi coll e frivilachou; hoc'h humilite a so bet ar sourcen demeus ho re-hu.

An *Oll-Galloudec*, evit operi ennoc'h *bur-zudou bras* (1), n'en devezs bet egard na d'an avantajou naturel, na d'ar guenet, na d'ar santimanchou ho poa demeus hoc'h izeldet (2).

Beza e voa naturel penaus, un Doue pehini a dleye en em humilia betec an *Exces* da en em ober den, en devije madelezou infinit evit an humilite.

MARI.

Va mab, da zaoulagad Doue, muioc'h c'hoas eguet da zaoulagad an dud, an hini en devezs ar muia a verit, e zeo an hini a gred nonpas caout, d'an ampoent memes ma en devezs calz.

Pez seurt grac benac ho pezh recevet digant Doue, a recefac'h brema, pe en amzer da zont, jugit diouzoc'h herves ar pezh e zoc'h demeus ho fond.

N'en em attribuit netra, na demeus an danvez oc'h eus, nac eus ar vad a rit. Doue a lèz ar profit ganeoc'h; na vir dezàn nemet ar gloar.

D'an ampoent memes ma tisit evit ar guella d'ar grac, bezit sonch ne doc'h fidel nemet gant sicour ar grac memes; ha penaus Doue, en eur recompansi ho fidelite, a gurun e zonêsonou e-unan.

Douguit bepret ennoc'h an teir songeson-mâ: Doue a so oll, ha me ne doun netra; Doue a

(1) Luc. 1. 49. — (2) Id. 1. 48.

bosset oll, ha me na meus netra en partach nemet ar vizer; Doue a ell tout, ha me na meus netra hep e sicour.

Neuze, peguement benac ne doc'h netra diouzoc'h oc'h-unan, ha na elfec'h netra diouzoc'h oc'h-unan, e vezot gouscoude un dra benac da zaoulagad Doue; en em blijout a rai da gomunica deoc'h e zonêsonou, ha d'ho renta tre-c'hour va hoc'h oll adversourien.

CHABISTR X.

Un ene humbl a so attantif da guzat da zaoulagad an dud ar pezh e zeo da zaoulagad Doue.

An *Æl*, digasset gant an Autrou da Vari, en devoa roet dezi ar brassa meulodi, hac en devoa annoncet dezi e teue-hi Mam da Vab Doue. Mes den na vezas neuze deus a c'henou Mari, ar pezh en devoa lavaret an *Æl* dezi.

Pez carantez tener benac e devoa evit Joseph e fried, ha peguen alies benac e voa o antretenon assambles, na gomzas get dezàn eus a se.

Pa yas goude da visita Elizabeth, e cavas anezi instruet demeus ar myster; mes na brofitas get demeus an occasion favorabl-se evit instrui anezi muioc'h.

Mari a leze da Zoue ar soign da rei da c'houlzout, d'ar c'houlz ma er c'havje a-propos, se-crejou a voa qen glorijs dezi.

Ret eo cuzat evelse, da zaoulagad an dud, ar pezh e zoar da zaoulagad Doue, ar pezh a receiver demeus e larguentez.

Pa exposer un tenzor dirac an oll, en em exposer d'e goll.

An dud, bepret dall ha *lizcher*, na estimont qet, pe memes *na goncevont qet*, ar pezh a so a uz d'ar sqiantchou, ar pezh e zeo eus a *Speret Doue* (1).

Speret Doue en em gommuniq ebars er secret; hac e fell dezàn e vez oll secret etre én hac an ene favoriset.

Un den *hepgen*, choaset etre mil (2), a ell hac a dle memes anavezout ho pinvidiguez spirituel; evit ma tisgo dèc'h profita eus anezo : An hini a zalc'h er bed-mà en plaç Doue, evit ho cundui en hentchou eus ar silvidiguez hac eus ar perfection.

Evit ar pezh a c'hoarvez demeus ar re all, bezit dirazo, en exterior, ar pezh e zeo an dud honest ha vertuzus; bezit humbl, modest, affabl, demeus a un humor ingal bepret : mes ravezo serret dezo an interior.

Ra gredint ac'hanoc'h memes marteze nebeud speredus, ha dishanvel memes demeus ar pezh e zoc'h; ur bonneur eo a laga e surete ar gragou en deveus grêt Doue deoc'h.

Doue a felves dezàn e vafet gant ardor en e hentchou; mes ne deo qet un avantach distier bale enno, evel a lavarere, sioulic.

Guelet a reomp bepret penaus un ene realamant interior a souffr, hac en deveus ezom demeus e oll soumission da volonteze Doue, pa bermet da ur graç particulier benac, eus a be-

(1) I. Cor. 2. 14. — (2) Eccl. 7. 29.

hini en deveus e favoriset, eclati en diavès.

CHABISTR XI.

Demeus a brudañ ar Feiz.

Pa zougas an Ael ar gomz da Vari, demeus abers an Autrou, Mari a *sonje a barfeted*, eme an Ael. Ar sonjeson-se a deue demeus e humilite; dont a rê ivez demeus e feiz.

Ar Verc'hes-se, *meurbed prudent*, a vouie penaus an ael devaligen en em chench avichou en ael a sclêrigen, penaus speret an errol a imit avichou mouez speret ar virionez.

Interrogi a ra eta an Ael-se, hac e tepord e respont; evit gouzout hac e respont en em accord gant ar pezh o deveus lavaret ar Brofetet demeus ar Messi, ha gant principou e religion.

Beza e zeus ur brudañ pehini a gundu ar soumission d'ar feiz, pell bras da veza control dezi.

Ar brudañ a ra dabord digueri an daoulagad evit en em assuri demeus ar revelation; hac ar soumission a ra o serri evit credi en antier.

Arabat eo credi da bep seurt speret (1). Na fell din credi demeus qement tra oll a eller lavaret din, en matier a religion, nemet ar pezh a so conform gant ar pezh en deveus Doue lavaret, pe dreizàn e-unan, pe dre sqiant e *Ilis*, pehini eo ar golounen hac an harp demeus ar virionez (2).

(1) I. Yan. 4. 1. — (2) I. Tim. 3. 15.

Done en devez roet moyenou da anavezout peur en devez comzet. Mes qergent ha ma zeo certain ar revelation, *malediction da un Æl-memes*, pehini a felvesse dezàn desqi din ar c'hontrol demeure ar pez a anseign din (1).

CHABISTR XII.

Demeus ar soumission d'ar Feiz.

Pa zeo Mari certain en devez Doue comzet dezi dre vouez an Æl, e cred fermamant penaus ar Myster a annonc an Æl-se dezi, en em opero; hac e cred hep clasq compren.

Ne c'houlenne qet ur sign, evel Achaz; na douet qet, evel Zachari. N'eo qet neuze eo e lavar: *Penaus en em rayo gementse?*

Nep interrogation nac eus ar gurioste-se, propr da un ene simpl. Laqat a ra qergent plega e speret dindan yeog ar Feiz.

En e exempl, en em humiliit, ô va ene! soumettit ho rêson da vouirioneou pere a so a uz ho sclêrigennou.

Na glasqit qet compren ar mysteriou a bropos ar feiz deoc'h. Ma comprefec'h anezo, na vent mui mysteriou. Suffisa ra deoc'h gouzout e zint guir.

Adalec an astrou betec ar fleurennic bianna, oll e zeo dêc'h myster ebars an natur. Ar mysteriou naturel-se, na gomprenit qet anezo; hac e felvesse deoc'h compren mysteriou Doue!

(1) Gal. 1. 8.

Follentez notabl credi un dra, evel comz Doue, hep rêsoniou just. Follentez payanet, ha memes demeure a galz a Gristenien.

Mes credi un dra, evel comz Doue, var an abegou ar muia certain, a so furnes bras.

Credi na vel qet an daoulagad, credi ar pez na goncev qet ar rêson, hommach parfet d'ar gurioneou souveren.

N'en deo qet dre va sclêrigen, ô va Doue! e fell din barni deus an traou; mes dre hoc'h ini-u, pehini a gommuniq ar feiz din.

Na c'houlennit qet hepgen diouzon sacrific ar galon; mes c'hoas hini ar speret, pehini en em ra dre ar feiz.

Esperi a ràn parveni d'an Eê, e pelec'h en em zizoloyo peb tra; mes ebars en Eê memes na gomprenin biqen antieramant ho perfectionou, hoc'h operationou; rac beza e vezot bepret hep mizul, ha me a vazo bepret simpl.

CHABISTR XIII.

Demeus ar c'hoant hastif a-dle un ene caout da receo Jesus dre ar Gommunion.

MARI.

Va mab, ur myster e zoc'h o paouez consi-deri a ell c'hoas fournissa deoc'h reflexionou ha sujedou a imitation, da bere na sonjit qet.

AR SERVICHER.

Deurvezit oc'h-unan va instrui, Rouanes an

Eê; comzit : ho servicher a selaou (1).

MARI.

Arauc ma recevis bisit an Æl, em boa alies goulennet ouz Doue, *ar just* dre excellanç, *ar glizen-se eus an Eê* (2), abaoue pell-ainzer prometlet d'ar bed. Mes n'am bije bigen credetson jal e vijen ar Verc'hes-se a roje d'ar bed e salver.

Pa voen assuret e voan gouscoude choaset evit beza e vam, ouz en em humilia d'ar guel eus an degre a c'hloar da behini e van galvet, ô va mab! demeus a béz consolationou ne voen-me get treantet; pebes joa a goncevis-me da bossedi va Doue em c'hreiz!

Ar memes Doue pehini a deurvezas dezàn en em unani din en ur fêçon qen burzudus, dre e Incarnation, a zezir, va mab, d'en em unani ivez dêc'h dre ar Communion. Mes beza oc'h eus nebeut aoiâl c'h a hast d'e receo.

Na selaouit get an digareou a inspir dêc'h ho langour hac ur fals humilite, evit tec'hel ouz an Daul santel.

Digarei a rit an aoun hac ar respet. Mes an aoun hac ar respet a dle beza inferior d'ar garantez hac a dle hepgen, servicha d'en renta muio c'h attantif.

Ho fautou, a lavarit, a so re ordinal evit tostât alies ouz Sant ar Zent. Mes, peguen bresq benac e vez un ene, mar gra e oll effortchou evit en em gorrija, Jesus a deu atau dezàn gant plijadur.

(1) I. Rou. 3. 9. — (2) Is. 45. 8.

Va mab, ho communionou ne dint rar, nemet abalamour ma oc'h eus aoun rac ar gen hac ar c'hontraign.

Aoun oc'h eus demeus ar vuez-se a fervor a c'houlensfet diouzoc'h, evit ho permitti da gommunia alies.

En em glêm a rit demeus a sempldet ha demeus a infirmiteou hoc'h ene; profitit eta demieus ar remed effedus a so offret deoc'h ebars er *Bara a vuez*.

Ur Communion grêt mad, ne deo james hep effet en un ene.

Mar bec'h, dre ho vigilanç hac ho fidelite; en em laqet er stat-se e pehini e zeus c'hoant e vec'h evit ho permitti da barticipa alies d'ar Sacramant, e vec'h dija avancet mad ebars en hent eus ar perfection.

Un ene da behini e tale jouissa demeus a bresanç Jesus ebars en eê, a laqa e oll deliçou da jouissa eus anezàn var ar bed, dre ar Communion, qen alies ha ma ell.

CHABISTR XIV.

*Demeus ar santimanchoù a dle carga un ene,
pa bossed Jesus dre ar Communion.*

MARI.

Va mab, pa oc'h eus recevet Jesus ouz an Daul santel, hac e repos var ho calou, imitit ar santimanchoù am enaoue, pa en douguen em c'hreiz.

AR SERVICHER.

O Mari! nep speret humen na ell concev,
nep teod na ell lavarar, Doue hepgen a anavez
pere vœ neuze ar santimanchou hac an trans-
port demeus hoc'h ene.

Feiz; humilite, zèl, anaoudeguez, carantez,
an oll vertuziou en em bartage ar momentchou
demeus an nao mis e pere Verb Doue a dremenas
en ho creiz chast.

MARI.

Va mab, mar comprenit ervad ar pris eus ar
c'hraç a accord Jesus deoc'h, pa en em rô deoc'h
dre e Sacramant, ha' demeus a bez santimanchou
e zeo carguet evidoc'h, mancout a reot-hu eus
a santimanchou evitan;

Ar c'hrouadur a so bisitet gant ar C'hrouer!
Ur paour, gant Roue ar gloar! Un ene afflijet,
gant ar C'honsolatur celestiel! Un den, pehini
n'en deo nemet pec'het, dre an hini a so ar san-
telez memes!

En em humiliit humblamant meurbed dira-
zàn. Meulit dreist-musule vadelezou infinimant
savet a huz hoc'h oll compreseson.

Detestit hoc'h ingratiiri tremenet. Goulennit
a vouir galon e sicour evit an amzer da zont.
Promettit dezàn ur fidelite eternal.

Em em abandonit d'an transport eus ar pura
joa. Pedit an Eñes hac ar Zent da renta evidoc'h
da Jesus actionou a c'hraç, a resposito, mar deo
possubl, d'an doneson magnific a ra deoc'h.

Desirit ma vezo un Doue qer carantezus ha
qer mad, caret ha glorifiet var an douar, evel
ma zeo ebars en eê.

Digorit ho calon da oll daniou e garantez, ha
dezirit beza consumet ganto.

Offrit dezàn, en anaoudeguez demeus e vad-
oberou, hac evit ajouti d'ho sempldet, an oll
santimanchou demeus a bere ec'h eure din ar
c'hraç da veza carguet evitan, d'ar c'houlz, dre
an Incarnation, ma voe unanet din qer crén.

Cetu aze, va mab, peadra d'oc'h occupi ebars
er Gommunion, hac epad an oll devez e pehini
oc'h eus bêt ar boneur da receo Jesus.

CHABISTR XV.

*Demeus ar sec'hor a sant un ene benac en
amzer ar Gommunion.*

AR SERVICHER.

Me ho trugareca demeus an instructionou a
deurvezit rei din, ô Guerc'hes! pehini a so,
goude Jesus, va recours ha va c'husuil.

Mes, Guerc'hes enorabl, alies en amzer ar
Gommunion, en despet d'ar soignou a zougàn da
antren er santimanchou a inspir an diguemer
demeus a gorf ha demeus a c'hoad an Autrou,
va speret a so qen sec'h, va c'halon qen yen!

Perac ne allàn-me qet neuze participa d'ar
santimanchou-se a garantez tener, d'an douster
sansibl-se pere a dleye beza ho partach, pa
zouguec'h Jesus ebars en ho creiz, ha da bez
seurt madou an eneou devot a barticip en amzer
ar Gommunion!

MARI.

Va mab, pa en em gavit ebars er sec'her,

en amzer ar Gommunion, en em humiliit, en eur anavezout e veritit ar stat-se dre hoc'h infideliteou; supportit gant patiantet ar stat-se, en expiation deus ho fautou, mes n'en em digouragit get.

Mar oc'h eus lec'h da gredi penaus ar stat-se a brivation a so ur hunion, en em gorrijit. Ma ne deo nemet un essaen, grit eus a se ur sujet a verit dre ho resination.

Ur galon a ell beza antieramant ha sincera-mant da Zoue, ha nonpas caout nep c'hoant da draou Doue.

Calz a eneoù, pere a vale gant ardor en hent ar berfection, a so amprouvet gant sec'hder, en orêson, en amzer memes ar Gommunion.

Ar c'hoantchou sansibl ne dint get necesser d'ar vertuz. Beza e vez memes avichou da gaout aoun n'en em stagfe un ene outi.

Ar Fried divin na ignor get ar peza gonven d'e briejou. Rei a ra da zarn douçder ha consolationou, pere na ro get d'ar re-all, evit rêsoniou pere a dle ar re-mâ adori, hep clasq o c'hompren.

Demeus a ur pers, ma na dle get un ene en em deport da larguntez Jesus, demeus a un all ivez un ene fervant na dle get beza fachtet da gaout occasionou da zisques da Jesus er servich evitàn e-unan, calz muyoc'h eguet evit e zônêzonou.

AR SERVICHER.

En em soumetti a ràn, Guerc'hes Santel, da oll bolonteziou ar Mestr divin.

Mar teurvez va laqat e nombr an eneoù da here

bere ec'h accord ar seurt faveuriou-se, ravezo benniguet, ha ravezo er memes tra, mar refus ac'hanon.

CHABISTR XVI.

Demeus ar frouez a renquer tenna deus ar Gommunion evit cundu ar vuez.

AR SERVICHER.

Mam ar garantez pur, c'houi a voe oll santel adalec ar c'henta moment demeus ho puez. Mes abaoe Incarnation ar Verb en ho corf chast, nac a avançamanchou nevez na rejoyt-hi get er santelez?

Présanç Jesus ennoc'h, epad nao mis, a vercas mercou a santelez pere a badas hed ar vuez.

Ar sonjezon demeus ar faveur dreist musur-se en devoa Doue grêt deoc'h, ho talc'has, betec an huanaden diveza, en un encrez santel, evit caout ar voyenou hac evit profita demeus an oll occasionou da zisques dezàn hoc'h anaoudeguez.

MARI.

Va exempl a so ho confusion, va mab. Receo a rit, dre ar Gommunion, an Doue a bep santelez, hac e vanq calz ma vec'h ur Sant.

Ur Gommunion hepquen a vez aoualc'h evit ho cargua demeus a oll fervor ar Zent; hac ho Gommunionou a lèz atao ac'hanoc'h gant hoc'h oll lausqentez.

Clasq a rit bepret digareou en andret Jesus, pehini na glasq nicun en e vadelezou evidoc'h.

E.bresang, evit guir, pa oc'h eus recevet anezàn, a inspir deoc'h santimanchou bras a vertuz : ober a rit memes dezàn promessaou. Mes, promessaou ha santimanchou, oll e tisparissont souden.

Ne deo qet evelse ec'h agisfec'h en andret un den-puissant eus ar bed, pehini en devez hoc'h enoret demeus e visit.

Pa zoar anaoudec da vad-oberou ur mignon, ô! penaus'e zoar prompt da zisquez an anaoudeguez. Ar garantez ne deo qet contant, qen en devez cavel ar voyenou.

Mancout a rit-hu, va mab, demeus an occasionou-se a vertuz demeus a bere e profit ar Zent goude ar Gommunion, evit disquez da Jesus o-anaoudeguez?

Ma evessaec'h gant soign varnoc'h oc'h-unan, goude beza communiet, en em gonsercfec'h en devotion ho poa en eur gommunia.

An eves bras-se goude peb Communion, a so ar guella disposition a elfec'h douguen da ur Gommunion nevez.

AR SERVICHER.

Guerc'hes, sqüer eus a bep vertuz, rusia a ran ouz ho treid demeus va ingrateri ha demeus va lausqentez.

Pedit Jesus ma tenno diganén ar galon miserabl-mâ pehini a zougàn qen indign; ma *crouo ennòn ur galon nevez*; ma royo din unan hanval ouz hoc'h hini; da lavaret eo, ur galon ardant, larg, tener, constant evitàn; evel ma zeo e hini evidomp.

CHABISTR XVII.

Demeus ar garantez en andret an nessa.

AR SERVICHER.

Mam an Doue a garantez, a boan an Æl en devezus disqet deoc'h ar stat e pehini en em gav ho qininterv santel Elizabeth, ma press *ar garantez ac'hanoc'h* (1) da vont da renta dezi ho servich.

Bale a rit *en hast*, a lavar an Aviel; inspirationou ar Speret-Santel a fell dezo ur buander vras enno.

Ar menezioù a ranger da dreñji evit arruout da dy Elizabeth na arrêtont qet ac'hanoc'h. Ar garantez a beur-garg e deveriou gant courach ha generosite.

Quittât a rit evit un amzer an douder demeus ho lec'h dister a Nazareth. Ar garantez e devezus guirioù pere a zo a uz demeus an oll c'hoant-chou eus an devotion.

Ho carantez ne deo qet ur garantez vean. Rei a rit da Elizabeth, *epad tost da dri mis*, hoc'h attantion hac ho soignou.

Pebes effejou eurus a santelez na broduas qet ar visit-se? Elizabeth a voe carguet eus ar Speret-Santel; Yan-Badezour a voe santifiet e creis e vam.

Elizabeth hac e fried a veve e pratiq ar vertuzioù; mes disqi a rejont, demeus hoc'h exem-

(1) II. Cor. 5. 14.

plou, d'o fratica muioch c'hoas parfetamant.

MARI.

Mar carit Doue, va mab, e carrot ho nessa, evit pehini e zeo disgenet demeus an Eêvou, e zeo en em grêt den, hac en deveus roet e vuez var ar groas.

N'en em gontantit get demeus a santiman-chou; ajoutit an eñjeou dezo. Qement a dud afflijet o deveus ezom da veza consolet dre ho comizou! Qement a dud maleurus o deveus ezom da veza soulajet dre ho servichou!

Doue en deveus permettet e vije var an douar calz a dud miserabl, evit ma en em rajent sent dre o faciñtet, ha c'houi, dre hô charite.

Bezit pront da oblija, pa ellit oblija prim. An dale a ra atao coll un dra benac demeus ar merit a c'hounezet, dre ar charite.

Ra vezo larg ho charite. Na evessait get qement a rit, pa ellit en ober.

Beza eveziad er servichou a renter d'an nessa, a so gentoc'h renta dieffet deveriou ar charite eguet o effectui.

Pa na ellit get renta servich d'an nessa, dreizoc'h oc'h-unan, en em interessit evitàn e gever ar re-all; goulennit da viana evitàn madelezou Doue.

Na sellit get an den ebars en nessa; mes Doue. Neuze, piou benac eo an hini a c'houlen sicour diganeoc'h, na refusot netra dezàn, rac na garfec'h refus netra da Zoue.

Ma na rear vad d'an dud nemet herves o merit hac o c'haliteou, na vezo get grêt vad dezo alies.

Carit, va mab, an œuvrou a garantez a goust. Carit exerci ho carantez diyar goust ho-carantez oc'h-unan.

Doue e-unan a zisq deoc'h, dre e exempl, da ober vad d'an oll, memes d'ar re ar muia ingrat.

Roit, en deveus Jesus lavaret, *hac e vezo roet deoc'h* (1). Roit ur madou temporel benac, ha Doue a rayo deoc'h madou eternal.

Roit hocusuil d'ho nessa, eviten ma en em decido ebars en e arvar: hac ho Toue, dre e inspirationou, ho sicouro d'en em denna demeus ho pridiridiguez.

Roit d'ar re afflijet comzou a gonsolation, hac an *Doue-eus a bep consolation*, dre gomzou e c'hrac, ho consolo en hoc'h afflictionou.

CHABISTR XVIII.

Demeus an anaoudeguez a dleomp disquez da Zoue evit e vadelezou.

Doue infinimant mad, c'houi pehini oc'h eus accordet qement a c'hracou temporel ha spirituel abaoe ma zoun var an douar, me a offr deoc'h, evit ho trugarecât, an oll santiman-chou a anaoudeguez en devoe Mari evit ho mad-oberou, epad e oll buez, mes particulieramant pa antreas e ty Zachari hac Elizabeth.

Elizabeth a roe da Vari ar guirra meulodiou; mes Mari a felveze dezi ec'h ancouraje Elizabeth an hini e devoa recevet ar vad-oberou, evit non-pas sonjal nemet er mad-oberour.

C'hoantê e devije e vije en em unanet dezi an oll grouadurien, evit ho peniga, ô va Doue! demeus an donêsonou ho poa grêt dezô.

N'en em selle, *eurus bras*, nemet abalamour m'en devoa an *Oll-Galloudec* teurvezet en em servicha demeus an distera deus e *servichereset* evit disques pегuement e zeo *bras*, pегuement e zeo *misericordius*.

Allas! Autrou, pell bras da velet ar seurt santimanchou ennôn, goude qement a vercou oc'h eus roet din demeus ho carantez, na velit nemet un ingrât.

Receo a rân ar madou diganeoc'h, hac e trugaregân an dud. Va desseignou o deveus iscu vad, hac ec'h attribuân an iscu-se d'an ingin.

Meritout a rân ec'h arretê padelez ho madelezo em andret. Mes teurvezit o c'huntinui d'am ene, a so mêzus demeus e gundu tremenet, hac a vezo muioc'h anaoudec en amzer da zont.

Mes dreist-oll, Autrou, evidôn-me pebes sujet continuêl a anaoudeguez, eguet ar soign a guemerit, evit ma parvenin d'ar vuez eternêl-se, evit pehini oc'h eus crouet ac'hanôn?

Allas! petra oun-me diouzôn va-unan, pe-tra a ellân-me dreizôn va-unan, 'pa vez gestion demeus ar silvidiguez? Ha ne sonjân qet ho trugarecât demeus ar sicouriou a roit din evit caout un iscu mad en affer vras-se!

Mar deus ennôn un dra benac a vez agreabl d'ho taoulagad, en dalc'hân diouzoc'h hepgen; ha n'en deo nemet dreizoc'h hepgen ec'h ellân e gonservi.

Qen-ober a rân, evit güir, libramant d'ho

cracou; mes ar c'hen-ober-se memes a so unan demeus ho madelezo, 'pa zeo güir na-fell din ha na rân ar vad nemet gant ho sieour.

Mizer ha toc'horigiguez meurbed eus va ene! ma abandonse ho crac ac'hanôn, e pelec'h va inclinationou na vent-li qet capabl d'amzreina!

Na yelân a assuranc evidôn nemet er brouvidiguez aznat demeus va sempldet, hac en anaoudeguez a dleân caout evit ar cracou eus a bere ho misericord a souten anezo.

CHABISTR XIX.

Penaus ar vertuz hepgen a ell furmi caranteziou eurus ha constant.

Un ene fidel a so un tenzor a binvidica, eme ar Scritur (1); an neb a zouch Doue, a havô anezân.

Mari hac Elizabeth er c'havas, hac e jouissas eus anezân *epad an tri mis* (2) ma chomjont assambles.

Doue en deveus operet ur burzud e faveur Elizabeth, en eur lacat e sec'henn da achui en un oad dija avancet. Aoüalc'h eo se evit ma placê Mari e c'harantez el lec'h ma vel e-placê Doue e c'hracou.

Mes ur burzud calz muioc'h estonus a so en em operete creiz Mari. Elizabeth hac hi a he-sitas da garout a greiz e c'halon an hini a so caret gant Doue demeus a ur garantez qen spicial?

(1) Eccl. 6. 14. 16. — (2) Luc. 1. 56.

Epad'an tri mis ma tremen an diou vignonez-se assambles, o devezs antretienou frecant; disclêrya reont o secrejou etrezo o diou; en em rei a reont cusuillou an eil d'eben; en em renta a reont servichou; mes ar servichou, ar c'husuillou, ar secrejou hac an antretienou-se, oll e zint diriget dre ar vertus.

Elizabeth a dle ervad en em appercevi penaus e c'halon, abaoue ma zeo unanet da galon Mari, a gonceo evit Doue santimanchou c'hoas crén-voc'h eguet diagent.

Ha Mari, pehini na gav e qever Elizabet neb ampechamant d'ar perfection demeure e santimanchou evit Doue, a ra qement a avanç er santelez, e ty e c'hininterv, evel pa vez bet chommet en e ziic dister en Nazareth.

Ma na deo qet ar vertuz a form evelse ho caranteziou; n'ho pezo nemet *mignonet taul*, evel a lavar c'hoas ar Scritur; nemet *mignonet hervés ar circonstançou* (1).

Beza e vezint mignonet, pa ellint tenna profit demeure ho prosperite. Mar teuit da goueza en ezom, na vezint mui ho mignonet.

Clasq a rint corrija ac'hanoc'h demeure ar vigoù, eus a here an disenor a elfe coueza var-nezo o-unan. E feat ar re a gombat ar griste-niach, mes pere a so favoriset gant ar bed, pe memes a so gantàn en hénor, e vezint ar re guenta d'ho touguen dezo.

Pe-hini a fell dezàn caout mignonet; mes na guemerer qet a eves penaus ar choas eus ur

mignon a so un affer demeure a un importanç qen bras, ma zeo alies affer ar silvidiguez interesset enni.

Gouezit petra e zeo ur mignon güirion. Ar güir vignon a sicour en ezomou, a gonsol er boanniou, a sclêrigenna en douetou, a ali en afferaou, a eüna en egaramanchou, ha dreist-oll a enaou dre e gomzou ha dre e exemplou, da braticou an deveriou.

Mes dibaut eo e vez cavet ur seurt mignon; rac dibaoud eo penaus, er choas a rear demeure a ur mignon, e vez consultet ar vertuz.

Carit hoc'h-unan ar vertuz, hac e laqayo ac'hanoc'h da gaout ur mignon pehini a vezo parfetamant hanval ouzoc'h.

Demeus a betra e tiguez e veler qement a vignoniachou, pere a seblant dahord qen sincer ha qen vif, oc'h achui hep dale, hac en em chench avichou memes en cassoni? N'o devoa unanet nemet vigoù.

Mes ar vignoniach e devezs ar vertuz evit princip n'e devezs qet a dermen. Ur separation necesser eus a chommidiguez hac eus a habitation, na separ qet ar galonou.

Mari hac Elizabeth en em guittäs anfin; mes ar mercou a vertuz e devoa grêt ur galon en un all, a voa re doun evit ma n'em ancounajont biqen.

Bemdez ar beden o unane da dron Doue. Beza e zint hirio unanet ebars en ên.

(1) Eccl. 6. 10. 3.



CHABISTR XX.

Demeus ar gonfianç en Doue.

Doue en devoa roet da Vari, guerc'hes, ur pried chast, Joseph, *den just*, pehini en devoa resolvet, evelti, da viret betec ar maro ar chastete ar muia purra.

Gouscoude Mari a zougue en e c'hreiz *Mab an Oll-Galloudec*. Joseph a ignore ar mystere, hac a sonje quittä secretamant e bried.

Mari, leun eus a gonfianç en Doue; a lezas gantàn ar soign da laqat anavezout e innoçanç.

Na douetas qet penaus ar Brovidanç na roje enfin da Joseph ar sclérigen a zoa necesser dezàn er circonstanç en pehini en em gave, ha Joseph a voe en effet instruet dre un *Æl*.

Carguet demeus a gonfianç en Autrou, disoloit dezàn hoc'h ezomou en exempl Mari; *hac e rayo* qement a ellit da zeport demeus e vadelez.

En em glêm a rit abalamour na ro qet deoc'h a sicour en hoc'h affliction; mes, evit e rei deoc'h, e c'hortos ma er goulennot outàn.

Gouzout a ra hep douet ar stat trist e pehini en em gavit; mes ma na lavar qet ho confianç an dra-se dezàn, e lavarfet na vouise qet.

En ho tangeriou, en hoc'h aounou, en ho morc'hejou, gemerit eves; goulennit cusuillou; mès ra vezo atau Doue, qent oll, ho qenta ressourç.

Ret eo agissa demeus hor pers, evel pa na

c'hortossemp netra eus a Zoue; mes, a hend all, ret eo depord oll ouz Doue, hep sicour pehini ec'h agissemp bepret en vean.

An dud n'o deus a bouvoar, a sclérigen, a volentez evit hon sicour, nemet e qement ma en ro Doue dezo.

An darvoudou o devez lemet ho yec'hed digancoc'h, n'o devez qet dinerzet galloudeguez an hini hepgen a ell er renta deoc'h.

Ar maro e devez ho privet demeus a ur personach, pehini a voa ho souten; mes n'oc'h eus qet collet an hini e c'hundue er pez a rê evit hoc'h interest.

Ar gonfianç en Doue a so unan eus ar brassa hommachou a elfemp da renta d'e perfectionou divin.

Beza e zeo unan eus ar voyenou ar muia effedus evit obten e c'hraçou hac e vad-oberou.

Ar just *en devez esperet ennòn*, a lavar an Autrou; *en delivra*, *en protegi*, *en exauci a rin*. Beza e zoun gantàn *en tribulation*, *hac* e laqin anezàn da sortial gant gloar (1).

CHABISTR XXI.

Demeus an Oboissang.

Mari ha Joseph, pere a voa demeus a famili David a yeas demeus a Nazareth da Vethleem, evit laqat en em inscriya, hervez edit August.

Un tribut edo a ranqet paea da vanite ar

princ-se; mes na examinont qet an intantion. An urz a so roet; an oboissanç a so possubl; oboissa a reont.

Ma anavesse August Mari, e lavarfe dezi evel Assuerus da Esther : *Al lezen-mâ ne deo qet grêt evidoc'h* (1). Mes douguet en deveus e lezen eviti evel evit ar re-all; oboissa a ra eta evel ar re-all; rac en ober a ra gant humilite, gant patiantet, hep murmuri.

Exempl parfet demeus ar soumission a so dleet da lezennou princet ar bed, bete na ordrenont netra n'en em accord gant an oboissanç a so dleet da lezen Doue.

Al levriou santel a so leun eus a breceptou, a vaximou hac a exemplou, pere a zisq deomp da veza soumettet d'hon mistri gant peb seurt respet; nonpas hepquen d'ar re a so mad ha moderet, mes ivez d'ar re a so demeus a un humor difficil (2).

Ar vertuz-se a so bet unan demeus a vertuziou particulier Mari, soumettet en eyaouanqis d'ar re a voa carguet demens ar soign eus e descadurez; soumettet goude da Joseph, enfin, soumettet d'an Ebestel, goude Ascension Jesus; tremen a eure e oll buez ebars en oboissanç.

Jesus e-unan en deveus reduiset d'an oboissanç oll actionou e vuez epad trêgont vloas. An Aviel na lavar deomp cazi nemet ar gomzou bêr hac admirabl-mâ : *Soumettet e voa da Vari ha da Joseph* (3).

Digasset gant e Dad evit *prezegui an Aviel*

(1) Esth. 15. 13. — (2) Pér. 5. 18. — (3) Luc. 2. 51.
d'ar

d'ar re baour (1), e zeo bet oboissant bete mervel, ha da vervel var ur groas (2).

Evelse Jesus ha Mari a gondaon, dre exempl, an digareou a glascomp evit nonpas oboissa, an daleou en em bermettomp arauc oboissa, hac ar c'hlemou a formomp en eur oboissa.

Ma en em habituifomp da sellet Doue er re a gommand ac'hanomp, an oboissanç na vez mui gen poannius deomp.

En eur disoboissa d'ar re o deveus pouvoar d'hor c'hommandi, e tisoboissomp da Zoue, demeus a behini e talc'hont ar guir-se.

Ar mestr behini a ro un urz deomp, na verit qet marteze dreizàn e-unan memes hor soumission; mes ar mestr souveren a represant deomp ha na verit-en qet anezi?

An disterra action grêt dre oboissanç; en guel da oboissa ha da blijout da Zoue, eus a behini hon superiolet a zalc'h er bed-mâ ar plaç, a so demeus a ur merit bras dirac Doue; beza e devezo ur recompanç vras ebars en Eê.

(1) Phil. 2. 8. — (2) Luc. 4. 18.


FIN EUS AR C'HENTA LEVR.



Guerc'hes Santel, Mam da JESUS,



Bezit deomp oll carantezus.



IMITATION

AR

VERC'HES SANTEL.

ERLVET LEVR,

E pehini e considerer buez ha vertuziou ar Verc'hes
meurbéd santel, adalec guinivelez e Mab divin e
Bethleém, betec ar poent ma er guelas o rei e voad
hac e vuez evit silvidiguez an dud var ar C'halvar.

CHABISTR QENTA.

Demeus a voneur ar re baour.

AR SERVICHER.

Consideri a rân gant plijadur, Guerc'hes
santel, ar peoc'h parfet-se eus a behini hoc'h
ene a so carguet e craou Bethleem, e pelec'h e
laqit Jesus er bed.

Ar refuson disprizant a so grêt deoc'h gou-
zanvi e Bethleem, pa oc'h eus goulennet beza
loget, n'o devez qet e chenchet.

Rouanez an Ælez en em vel gant laouenidi-
guez e compagnunez tud paour. Mâm Mestr an
amzeriou a gar en em velet ebars en eur c'hraou,
exposet d'ar goassa amzer eus ar gouân rusta.

Contantoc'h e voac'h mil guech er c'hraou-
se, eus ar stat a vizer e pehini e lezet ac'hanoc'h,

eguet na voa an dud pinvidic a Vethleem de-
meus ar stat a voyen e pehini e vevent.

MARI.

Desqit demeus a se, va mab, an nebeut a gâs
a dleit ober demeus a vadou an douar; ha mar
doc'h privet eus anezo, desqit da estimout
ho stat.

An dud paour, en effet, hac int a ellen em sellet
evel tud maleurus, pa sonjont penaus Jesus en
deveus felvezet e vije paour e Vam, n'en devije
én e-unan d'e c'hinivelez evit cavêl, nemet un
tanic craou dister; penaus *n'en devoa qet* (1)
epad e vuez, *e pelec'h reposit e benn*; ha pe-
naus, en eur vervel, n'en devoa evit guele ne-
met ur groas.

Tleout a raent consideri o situation, nonpas
ar pezh a laqa santout an disterdet, hervez ar
bed, mes dre ar pezh a-ra santout ar brasder hac
ar boneur, hervez an Aviel.

Va mab, ebars en abondanc en em staguer
d'ar bed, ec'h ancouaer an Eê; an tentationou
a so prim, ar guezennou frecant. Desirout ar
madou, e zeo desirout dangeriou bras d'ar sil-
vidiguez.

En vean e zeus dastumet madou epad ar vuez;
d'ar maro n'o c'hasser qet ganeomp.

D'ar maro, ar vertuz eo ar mad hepgen a
chom; hac ar stat a baourentez a fournis calz
a occasionou da bratica ar vertuz.

Ar pinvidic eus a behini e comz deoc'h an
Aviel, a voe *sebeliet ebars en ifern*, e qeit

(1) Luc. 9. 58.

eguet Lazar, pehini en devoa dispriset, a voe
douguet d'an Eê dre zaouarn an Aêlez (1).

AR SERVICHER.

O Guerc'hes! c'houi pehini a so bet *paour
er bed-mâ*, mes pinvidic ebars ar feiz (2),
obtenit din ar c'hrag da nonpas estimout na
desirout, evel doc'h, nemet ar madou a orn an
ene, hac en em rent agreabl da zaoulagad Doue.

CHABISTR II.

*Demeus ar baourentez volonter ha demeus
ar garantez evit ar beorien.*

AR SERVICHER.

Mam da Zoue ar vertuziou, pezh seurt usach
a rejot-hu demeus ar presantchou talvoudec a
reas d'ar Mabic-Jesus ar rouane a deue d'en
adori?

Ar presantchou-se, a dleye, evit un amzer,
ho tenna demeus ar stat a baourentez e pehini
zoac'h; mes unan (3) demeus ho servicherien
bras a lavar deomp e tremenjont qerqent etre
daouarn an dud paour.

MARI.

Va mab, ur Verc'hes, eus a behini Doue a
voa ar mad unig, a fellie dezi beza paour, d'an
ampoent memes ma elle nonpas er beza.

Guelet a ren Jesus, Roue an Eê, mestr ar

(1) Luc. 16. 22. — (2) Jacq. 2. 5. — (3) Sant
Bonav., eus a vuez Jesus-Christ, chab. 9.

bed, pehini o veza meurbed pinvidic, a so en em grêt paour evit pinvidicât an dud demeus e baourentez (1) : laqat a ren va glour d'en imita.

Eürus ar beorien a volonteiz vad, pere, oc'h imita ivez ar model divin-se, en em disc'hra demeus a vadou ar bed-mâ, evit nonpas sonjal nemet da acquisita pinvidiguezou e garantez, ha madou an Eê!

Mes meur a hini demeus ar re a so en em roet d'ar stat-se a perfection, a so pell bras demeus ar perfection a c'houlén o stat.

En em grêt e zoar paour dre choas, evit imita Jesus; mes goude na garer qet santout, gant Jesus, effejou ar baourentez.

Ar galon a so avichou staguet d'ar madou hian a eller en em brocure, evel ma vez d'ar re vrassa, mar possedet anezo.

Hac én a eller lavaret e zoar en em grêt paour evit Jesus, d'an ampoent, hep caout ambarasson madou ar bed, e c'hoantaer caout o eazaman-chou?

Jesus o c'henele e Bethleem, o veva en Nazareth, o vervel var ar C'halvar, cetu eno ar squier o devez sonjet heuilla qement oll a so en em c'hrêt paour a volonteiz vad, evit carantez Jesus.

Ar squier-se eo memes a dle peb christen en em efforci da heuill, ouz en em distaga sinceramant a galon hac a speret demeus an oll vadou.

Jesus en eur dont var an douar, n'en devez qet en em grêt ur stat eürus, hervez ar bed.

Beza en devezs disprizet ha memes milliguet an danvez. Ret eo eta e vent disprizabl hac e vez control d'ar silvidiguez an attachamant a vez evito.

Madou ar bed a so vean; faus ha noazus int; sepet evit ar re a bren madou an eternite.

Prena a rear dreist-oll ar madou eternal dre vadou ar bed, pa sqigner anezo etouez ar beorien, herves ar pouvoar hac ar stat.

Mar en devezs Doue roet calz a zanve (1), ret eo rei calz d'ar beorien; mar en devezs roet nebeut, e zœo ret ober ar possubl m'o devezo ar beorien gouscoude c'hoas un nebeut el lodennic a Jesus.

Ar charite en andret ar beorien a so un œuvr a obligation, nonpas dreist an dever. Doue n'en em gontant qet d'e gonselli, en ordren a ra. Ar mang da ober an dever-se en andret Lazar, a laqas ar bârda gondaonation ar fals-pinvidic.

Mes a hend all, Jesus en devezs lavaret, e selje evel grêt dezàn e-unan, ar pez a vije grêt d'ar beorien. Va mab, hac én a eller gulet hep compassion Jesus o souffr en o fersonach? Mar boar hirio hep compassion evitan, e vezo cavet un deiz hep misericord.

Rei da ur paour, e zœo rei da Jesus. Hac én a so evit ur c'hristen an abeg pressetoc'h da zigueri an daoulagad hac ar galon var ezomou ar paour?

O! nac a gristenien, pere a zigas digareou evit justitia o c'haleder en andret ar beorien, a

gafe, mar carlent, ur fond suffisant evit o son-
lagi, ebars er renonçamant-se d'al lux ha da bom-
pou ar bed, da behini peb christen a so oblijet.

CHABISTR III.

*Demeus an necessite hac an avantajou eus
ar meditation.*

AR SERVICHER.

Petra a reac'h-hu, Mari, eus a betra en em
occupec'h-hu e craou Bethleem?

MARI.

Va mab, gement a dremene dindan va daou-
lagad a voa evidon ur sujet a veditationou hac
a reflexionou. *Na gollen nicun, hac e peur-
dremenen anezo em speret* (1).

Calz a Yuzevien a *glêve gant eston* ha gant
plijadur, *ar recit demeus ar burzudou* arruet
da c'hinivelez Jesus. Ret e vije ouспен ma er
meditjent.

Ar meditation-se en devije, eveldôn-me, en-
tanet anezo eus a garantez Jesus, hac en devije
o c'hunduet da dreid ar c'hraou.

Ha gallout a eller sonjal a barfetet seriusamant
var gement en devezs grêt Doue en faveur an
den, hep beza touchet eus a se, hac hep en em
santout douguet d'e garout eus a greis calon?

Netra ne zeus capaploc'h, va mab, da chench
ho calon, nemet ar veditation : netra capaploc'h

(1) Luc. 2. 19.

d'an dic'houti demeus a draou ar bed-mâ, ha da
rei dezàn ar c'hoant demeus a draou an eê.

Ebars ar veditation eo, dreist oll, e comz graç
Doue : e rejebc an ingratiiri hac an infideliteou,
ec'h anim, dre ar brassa abegou, da servicha
Doue evel ma verit beza servichet.

Abenn ur c'hart-heur e tremenfec'h bemdez
da vedita ouz treid an Auteriou, pe ouz treid
ho Crucifi, var brasder Doue, var e visericord,
var e c'hourdrousou, var e bromessaou, ec'h
alfec'h lavaret ec'h ouzoc'h muioc'h eguet an
oll dud a sqiant-se, eus a bere al labouriou a
zesq'oll, sepet sqient ar silvidiguez.

Da betra e servich d'an den beza pinvidiqêt
e speret demeus an oll anaoudeguezou inutil
hac enorabl, herves ar bed, ma n'en devezs qet
an anaoudeguezou o devezs bet ar Zent, hac a
ra ar Zent?

Na dremenit nep dervez hep sonjal ervad var
interestou temporel ha tremeniad; hac e ne-
gligit sonjal ervad var affer ar silvidiguez hac
ar perfection; an affer pehini heppen, evit comz
ervad, a vez interessant.

Eürus an den, en devezs lavaret ar Speret-
Santel, *n'en devezs nep studi all nemet da
vedita deiz ha nôs lezen Doue* (1)!

*Beza e vezo evel ur vezen plantet var bord
ur voaz, pehini a zoug bepret frouez ebars er
sêzon, a gonserv atau e zalvoudeguez hue e
c'huerdet* (2).

Goulennit gant ardor ouz Jesus ar graç da

(1) Ps. 1. 2. — (2) Ps. 1. 3.

drec'hel ho tic'hout evit un exerciç eus a he-
hini an drouc-speret na glasq ho tistrei, nemet
dre na ignor qet demeus a bez seurt impor-
tang e zeo e usach.

Nonpas hepgen ma tenfot ar brassa avan-
tachou evit ho cundu hoc'h-unan; mes ivez evit
cundu an dud a so confiet particulieramant d'ho
soignou.

CHABISTR IV.

Demeus a observation Lezen Doue.

Ar Verc'hes santel, en eur observi lezen ar
Purification, pehini na voa qet grêt eviti, en
em humilie betec en em reduisa da urz commun
ar graguez, eus a bere Doue en devoa distinguet
anezi qen gloriusamant.

Mes Doue, en eur ober al lezen, n'en devoa
qet laqet a exception. Evelse Mari a obois hep
dale hac hep menajamant.

Seblantout a ra ivez penaus, en eur bresanti
e Mab ebars en Templ, herves al Lezen, e vesqe
anezan gant bugale all an dud.

Mes al Lezen a lavar penaus, ar vamou a
offro da Zoue ebars en Templ, o bugale genta
ganet. An Tad celestiel a zisquedo pa er c'havo
a propos, gloar Jesus. Mari na sonch nemet
oboissa.

Exempl, pehini a gonfont ervad an oll diga-
reou-se a glascomp hac a zougomp evit hon
dispansi demeus un oboissanç prim ha strivant
da lezen Doue.

Mes neus fors petra e vent, an digareou-se,
na ziminuint bigen petra demeus hon obliga-
tionou.

Ma en em gonsultomp hon-unan, pe mar con-
sulter ar bed, qent eguet en em determina da renta
da Zoue an oboissanç a dleer dezàn, na obois-
simp qet; pe da viana ne vezo oboisset nemet
gant imitation, rac lezen Doue a so control
d'hon inclinationou ha da lezennou ar bed.

Hac e vez torret, evel er grear qen alies, gour-
c'hennou Doue, ma sonche seriusamant e
brasderar mestr a gommand, hac an den a gredte
disoboissa dezàn?

Disputi a reomp da Zoue ur buander hac un
acqet a oboissanç, hac en exijomp demeus ar
re a vev dindan hon urzou.

Bemdez, evit plijout d'an dud, e sujer da
gapriçou an dud, d'e gustumou ar muia frou-
dennus; ha pa zeo qestion da blijout da ur
mestr qen carantezus ha c'houi, ô va Doue! dre
un oboissanç antier d'ho polontez, e caver atau
ar sujidiguez re galet.

Mestr souveren, c'houi pehini hepgen en
deveus ar güir da felvezout, hep n'hor bez
güir da c'houlen perac e felvez deoc'h, *digorit
va c'halon d'ho lezen* (1).

*Ho comzou a so ar justic hac ar moder
memes* (2). *Grit dezo cueza em c'halon eguis
ur glizen* (3).

Ho touja, Autrou, hac observi ho courc'he-
mennou, se eo oll güir verit un den (4).

(1) II. Mach. 14. — (2) Ps. 118. 142.

(3) Eccles. 12. 13. — (4) Deuter. 32. 2.

CHABISTR V.

Demeus an Exempl vad.

Mari a observ lezen ar Burification, evit nonpas rei ur sujet a scandal d'ar juzevien, pere na vouient qet e voa Guerc'hes.

E observi a ra, evit rei da Joseph, e fried, an exempl eus a un oboissanç antier ha generus, er memes tra evel d'ar re en deve Dous instruet, eveltàn, demeus ar myster.

Na vangit qet un action da behini, ne doc'h qet oblijet, mar deo capabl an ancounac'ha-se da scandalisa.

Hac e vez ret memes evit se quittä douder ho contemplation, na valancit qet. Quittä Doue evit Doue eo.

Pa garer Doue, e clasqer gounit calonou dezàn; mes n'er gear james muioc'h, nemet en eur disquez d'ar re-all, dre exemplou vad, penaus e carer anezàn.

An exhortationou d'ar vertuz a ra estimout ar vertuz; mes, pa bratiquer anezi e-unan, en eur exhorti, e laqer e fratica d'ar re-all. Exempl ar zent a ra sent.

An actionou a vertuz a rea an Ebstel hac ar c'henta tud fidel, a voa qer puissant, evit convertissa an eneou, evel o discoursiou hac o miracloù.

Qement hini, dreist oll, a so carguet demeus a un autorite benac, a dle beza attantif da rei exemplou mad; rac an dud a so dindan o urz, na vangont qet d'en em gonformid'o c'hundu.

Ar

Ar soign-se a sell muioc'h c'hoas particulieramant ar re vras. Mar dint hep religion, hep respet evit lezennou an Ilis, o deus souden imitatoret; rac en em imagina rear e zeo glorius dont da veza libertin, herves ar seurt patronou-se.

Hac int-hi a so brassoc'h eguet Mari, pehini e devoa, evel Mam da Zoue, an oll ditrou a buissanç a ell da gaout, dindan Doue, ur grouadurez dister? Ra zisqint diouti d'en em servicha demeus ar renq huel e pehini en em gavont, evit gloar an hini en devez o savet eno.

CHABISTR VI.

Demeus ar garantez ha demeus a bris an humiliationou.

Un humiliation vras, ô va Doue! a dleye beza evit ho Mam santel, da observi Lezen ar Purification, Lezen pehini na voa grêt nemet evit ar vamous ordinal.

Allufreus ar guerc'hdet-se eus a behini e zoa qen oazus, pa annonças an Æl dezi ar Myster demeus hoc'h Incarnation, a voe, en eur seurt fêçon, tevallêt dre ar ceremoni-se deus a religion.

Mes selvezout a rê dezi, ô va Zalver! imita an desir ardent-se ho poa-hu, da c'hlorifia ho Tad, dre an humiliationou hac ar souffrançou.

Penaus, goude ar seurt exemplou, estim an dud, enoriou ar bed-mâ, ec'h ellont-i c'hoas beza d'am daoulagad objedou a zezir?

Ne zeus qet er bed oll nep gloar all evidon nemet an hini da veza hanval ouzoc'h, ô Doue

grêt den, pehini a velân var an douar bepret
paour, souffrus hac humiliet.

Gueachal an humiliationou a elle seblant it
cassonus; mes, en eur choas anezo evidoc'h,
oc'h eus o noplêt, hac evel diviniset.

Pa zigassit din anezo, e tleân o receo gant ar
memes anaoudeguez gant pehini ec'h acceptfen
un tam demeus ar groas veritabl.

Evelse o deveus o sellet ho Sent, pere a dru-
garecâe anezo demeus an dismegançou a andu-
rent, evel demeus a ur grac vrâs.

Ma na meus qet ar memes santimanchou, e
zeo dre ma zoun c'hoas un den oll terrestr hac
oll charnel, ha na garân qet sinceramant evel
va Doue.

Ah! qentoc'h achui da veva, eguet achui d'ho
carout eus a greiz va c'halon.

Hivisigen, Autrou, en esperân, gant sicour
ho crâc. Seulvui e vultiplioc'h evidôn an humili-
ationou, seulvui e venigûin ac'hanoc'h abala-
mour ma perfectionit ennôn hoc'h imach.

CHABISTR VII.

*Penaus e tleomp ober da Zoue ar sacrificiou
a c'houlén diouzomp.*

AR SERVICHER.

An offranç a rê ar vamou da Zoue, en e dempl,
demeus o bugale genta ganet, a gouste nebeut
dezo. Mes an hini a rejot eus a Jesus, a voe evi-
doc'h, Guerc'hes santel, ur sacrific guirion.

Gouzout a rêc'h etleye un deiz rei evuez evit

silvidiguez an dud, ha dija en offrec'h da Zoue
en victim.

Hoc'h ene a gommenças adalec neuze da veza
treantet eus ar c'hleze-se (1), eus a behini e
comze Simeon; o terc'hel Jesus etre e zivrec'h.

Mamou ar bed a gar o bugale; mes o bugale
no deus qet o affectionou oll. Pegement a vi-
ront-hy a vanite evito? Pegement evito o-
unan? mes c'houi, c'houi a garie Jesus; e ga-
rout a reac'h eus a greis ho calon; na garec'h
nemetân.

*Gouscoude, qerqent ha ma zeo deut an
deiz* (2) da vont d'en offr d'e dad, e partiit.

Merc'h dign eus a Abraham, hac heritoures
demeus e feiz, etouffi a rit an oll santimanchou
a vour vam, evit nonpas selaou nemet mouez
Doue, pehini a c'houlén ar sacrific demeus ar
pez oc'h eus a guera er bed.

MARI.

D'am exempl, va mab, bezit ferm ha generus,
pa c'houlén Doue, ha pescurt tra a c'houlén.

Na examinait ar pez a goust dec'h er sacrificou
a c'houlén, nemet evit renta anezo dezân agre-
aploc'h dre ar bromptidiguez demeus hoc'h o-
boissanc.

Pa ordren Doue, ha d'an den eo da examina
hac én a ordren gant justic?

An dud a exich demeus e servicherien ar sa-
crificou ar muia rust; mes suffisa ra e comze
evit ma oboisse qerqent hac antieramant. Doue
hac én eo ar mestr heppen evit pehini na vezo

sacriet netra, na vez examinnet arauc hac én na exich qet re?

O va mab! na peguen nebeut e carer u. Doue, pa en em verquer hon-unan un terme en drugarez a garantez a felvezer rei dezàn!

Rusyt d'en em velet qen lach evit ho Tote. Rusyt da ober qen nebeut evitàn, goudé qement oll en deveus grêt evidoc'h.

Caout a rite ro deoc'h avichou urzou dies da executi. Ah! va buguel, rei a royo c'hoas deoc'h; rac ret eo meritout e recompañou.

Fortun, repos, yec'hed, reputation, ar vuez memes; n'en deveus qet c'hoas goulennet an dra-se diganeoc'h.

Doue a so-ur mestr a c'houlén atau muioc'h, dre ma roer dezàn; rac én hepgen a voar ervad pris ar gracoù a ra adalec ar vuez-mâ, ha demeus ar madou a brepar en eben, d'an neb a vez accordet dezàn.

CHABISTR VIII.

Penaus e tle un ene en em gomporti, ha pez santimanchou a dle en occupi, pa zalc'h Doue en e andret ur c'hundu pehini a so digompren dezàn.

Doue a laça dionc'h-tu da c'houzout da Vari, dre voyen Joseph, pehini a so bet én e-unan instruet gant an Æl, e zeo ret tec'hel Jesus buguel ouz a furor Herodes, ha partial evit an Egypt.

Mes Doue hac én n'en deveus qet en e c'hal-

loud infinit moyenou evit chench calon ar pring-se? N'en deo-én qet indign ouc'h Doue cedi da grizder un den?

Mari na glasq qet compren desseniou Doue ebars er c'hundu a zalc'h en e andret.

Bolonteziou Doue a verit er memes tra hon respet, pe e comprenimp, pe na gomprenimp qet ar reñoniou.

Caout a rayo-hi peadra da veva epad ur veach hir, e creiz desertchou, hac en douar estranjour-se e pelec'h e casser anezi? Na examin qet se.

Ar memes Doue pehini en deveus ordrenet dezi partial, a so puissant aoualc'h evit laqat anezi da gaout moyenou da veva, e pelec'h na vel qet e zeus.

Chom a rayo-hi pell-amzer en Egypt? N'en em inform qet eus a se. Distrei a rayo, pa royo Doue dezi da c'houzout e zeo poent distrei.

Doue a rose dezi urzou c'hoas muioc'h digomprenabl, na gosse qet e ene netra demeus e beoc'h.

Demeus a betra ec'h ell beza morc'hedet an hini a sonch e cundu Doue anezàn? Hac én a so ur brotection surroc'h eguet hini ar Brovidanç?

Ordren a rit din, Autrou, bale dre hentchou a so disanaveabl din. Aoualc'h eo se: ho polontez am resolv da vont.

Na ouzòn qet pelec'h e zàn. Mes certain oun penaus, m'en em lezàn cundui gant un hentcher gen fur ha c'houi, ne rin qet a fals camejou.

En em abandoni a rës agreññ da gundu un

den a seller evel aviset mad ha sclêrigennet; hac em bez-ur sujet benac a zisfizianç, ô furnes eternal, pa zeô c'houi am c'hundu!

Ho prudanc en em blich alies da vont d'e finvezou dre voyenou a seblant beza control dezo.

Rac-se, peguen estonus benac e vez ho te seniou varnôn, en em gontantân d'o ador. Gallout a rit ober muioc'h eguet na ellàn compren.

Disposi a rit atau evit ar guella, pegument benac n'er gomprenomp qet bepret.

Me a fell din caout evit hoc'h urzou, d'an ampoent memes ma comprenfen an nebeuta an abec, ar soumission ameus evit ar virionez oc'h eus disclêryet.

Petra-benac na gomprenân qet ar guirioneou-se, en em dalc'hân gouscoude muioc'h certen eguet ma velfen sclêramant anezo, rac c'houi eo, Autrou, oc'h eus comzet.

CHABISTR IX.

Pegument e zeo maleurus un ene, pa en deveus collet Jesus.

Ar c'holl innocent a eure Mari eus a Jesus, un dervez e zoant eat assambles da Jerusalem, a goustas calz a zaelou dezi.

Mari, ô va Zalver, n'e devoa qet ho collet dre e faut, hac ec'h hirvoude c'huêro. Demeus a bes glac'har treantus na dleân-me qet beza penetret? ho collet ameus dre va iniquiteou.

Mari ne devoa collet nemet presanc corporel Jesus; conservi a rê e oll garantez. Ha me ameus collet qement a eller da gaout a gaera er bed, grac ha carantez Jesus.

Ar bed hac e blijadurezou, pere ameus caret muioc'h eguet Jesus, hac int o deveus peadra d'am dedommagi demeus ar c'holl ameus grêt?

Piou benac en deus collet Jesus, a rose, evit e gavout, ma anavesse e valeur, an oll vadou, an oll enoriou, an oll blijadurezou eus ar bed.

Ur yreg, anes beza hep santimant, hac hi a ell beza tranquil, pa e deveus collet an tenerra demeus ar priejou?

Ur mab, anes beza dinatur, hac én a ell beza hep glac'har, pa en deveus collet ar guella eus an tadou?

Tad a visericord, rentit ho carantez d'ho puguel. Pried divin eus hon encou, rentit d'am hini ho carantez.

En em lezit touch d'an daelou a ruill demeus va daoulagad: redeç a reont en abondanc, rac santout a rân qement oll ameus collet.

O! peguen bian eo va c'halon evit detesti er vad va ingratiri! Nan, ar galonou unanet demeus an oll dud, na vent qet aoüalc'h-evit furmi, a enep va iniquiteou, cassoniou crén aoüalc'h evit beza ingal d'ar maleur a meus bet d'o c'houmetti.

Dre ma zoun ar brassa demeus an dud ingrat, ez eo ivez ho prassa misericord a implorân. Fournissa a rayo d'ar peñ a vang din, hac a garfen da gaout, demeus a gostez va glac'har.

Meritet ameus an toliou rusta demeus ho

justiç. Castizit ar rebel-se : mes rentit dezàn ar plac en deveus collet ebars en ho calon.

Ô Jesus! qemerit diganén gement a ell plijout din er bed-mâ, avantajou temporel, estim an dud, sepet ma ho carin hivizigen.

CHABISTR X.

*Penaus e renquer clasq Jesus, goude ma zeu/
bet ar maleur d'en coll.*

Alies e tiguez penaus, en eur glasq Jesus, goude beza bet e gollet, na gaver qet anezàn; rac n'er c'hlasqer qet evel ma renquer e glasq.

Seblantout a ra, er fêçon ma en clasqer, e vet fachet d'e gavout.

Alies na gaver qet anezàn, rac en clasq a rear el lec'h e pelec'h n'en em gavo bigen.

Mari a glasq e Mab Jesus, qerqent m'en em appercev ne medi mui en e c'hichen : e glasq a ra gant hast. Evit e gavout, e yelo, mar deo ret, betec ar penn pella deus ar bed.

En em informi a ra a hep costez : distrei a ra da Jerusalem. Dre na gave qet anezàn er guêr, er c'hlasq en templ, e pelec'h e cav anfin anezàn.

Collet oc'h eus Jesus, ô va ene! Goude ur seurt coll, mui a repos. *Clasqit d'ar buanna, clasqit gant ardor, hac e cavot anezàn* (1).

Na glasqit qet Jesus e creiz ar bed; beza ezeo an adversour disclêryet dioutàn.

Consultit oraclou an Aveli; interrogit ar

Zent; goulennit ouz ministret an Autrou : lavarat a rint deoc'h e pelec'h ec'h ellit en caout.

Caout a reot Jesus ebars en templ, ebars en ty a beden hac a sonjeson en Doue.

Pa ho pezo cavet anezàn, ô va ene, peguen contant e vezot! heptàn ha gallout a eller tanva ur peoc'h benac, ur boneur benac?

An hini en deveus cavet Jesus, a gompren souden penaus un tenzor qen bras a dalveze ar boan d'en clasq.

CHABISTR XI.

*Ar peza dle un ene da ober, pa en deveus
collet Jesus, mar fell dezàn e gonservi. Ha
demeus ar fidelite en traou disterra.*

AR SERVICHER.

*Cavet ameus, eta, ar muia-caret eus va
ene.* Er possedi a ràn. Mes, allas! n'er gollin-me bigen mui?

P'eur ec'h ellin-me, Guerc'hes meurhed cùrus, er possedi ganeoc'h ha gant ar Zent, hep caout aoun d'en coll?

Evit conservi ar boneur eus a behini e jous-sàn breman, ec'h imitin an attantion-se ho poa da dec'hel ouz gement a elle disprizout da Jesus, da ober gement a elle plijout dezàn; rac na goller Jesus nemet dre vanq a vigilanç.

An dud, an drouc-sperejou a ell lemel oll diganeomp, sepet Jesus; n'er c'holler nemet dre hor faut.

MARI.

Collet am boa presañ corporel ha sansibl Jesus; mes n'em boa qet collet e garantez. Evidoc'h, va mab, ho poa evit güir merit, dre ho neglijançou, da goll Jesus hac e garantez.

Hep dale e reot adare ar memes coll, ma na guemerit qet a brecaution hac a attantion.

Neglija a rit da bellât ouz an defautou scanv; hac e lezit bemdez occasionou da bratica ar vertuz, occasionou eus a bere Jesus a inspir deoc'h da brofita.

AR SERVICHER.

Sqüer eus a hep justic, refuch ar bec'herrien; selaou a rân gant anaoudeguez ar rebech a rit din. Teurvezit rei din hoc'h instructionou, evit na veritin mui ho rebechou.

MARI.

Va mab, an hini a gar un dra benac gant Jesus, pe na gar qet anezàn evit Jesus, na gar qet Jesus evel ma tle beza caret; en em exposi a ra d'an danger d'e goll.

Ar fautou bian-se, pere en em bardonit facilant, hac a bardon evelloc'h qement a eneon lach, ho pella nebeut a nebeut ouz Jesus, hac er pella nebeut a nebeut diouzo'h.

Jesus a so pried hoc'h ene; mes ur pried *ja-lous*: felvezout a ra dezàn beza caret e-unan.

An afflictionou, evito da veza scanv evit un objet all benac, a zisplich dezàn. Ne dint qet droucrañ gantàn; mes disposi a reont da se.

Sellet a ra al lezireguez da ober ar pezh a c'houlén, da dec'hel ouz ar pezh a zifen, evel

mercou a yender, hac ar yender-se a ziminu e c'hraçou.

N'en em heaner en traou a obligation-se; nemet dre ma zoar en-em gontantet epad un amzer da ober evit Jesus ar pezh na ellet refusi dezàn hep coueza er maro eternal.

Ma na roit da Jesus nemet ar pezh so ret rei dezàn necesseramant, e veritit na royo deoc'h ivez en hoc'h ezomou spirituel nemet an necesser.

Ebars er vuez humen, an dleou considerapla; an distruch demeus ar fortunioù brassa, na ziguezont alies nemet demeus an traou dister e zeus-neglijet. Qementse a so c'hoas guirroc'h ebars ar vuez spirituel.

Ne deo qet eta evidoc'h, va mab, un dra dister beza fidel en traou dister. Guelet a rit ar gonscanc eus a se.

An disterra comz a deu demeus a ur personach a garer, a-so recevet mad. Recevit eta, gant disposition ur galon fidel ha soumettet, an disterra inspiration eus a Jesus.

CHABISTR XII.

Penaus an ene fidel na dle qet en em digou-raji er sec'hder hac er c'hrintet, ha pa seblant dezàn en em bella Jesus dioutàn.

Jesus en devoa sonch mad aratic ar boan a occasionje e zivoered da Vari; mes felvezout a rê-dezàn eprouvi e c'harantez er memes amzer ma vije el lec'h ma c'houlénne e dad anezàn.

Ene christen, Jesus a seblant en em bellât diouzoc'h. Gortozit gant patiantet e zistro. *N'en em digourajit qet : gemerit nerzou nevez (1) : supportit en peoc'h e gundu en hoc'h andret.*

Pegument benac e zeo bepret tost deoc'h, evit accordi deoc'h e sicour, pa er goulennit, e zeo mad gouscoude e seblante avichou en em bellât diouzoc'h, evit ma comprenot ervad pegument e vec'h maleurus, ma colfec'h agreñn anezàn.

Digass a ra e gonsolationou da un ene, evit e souten en e hoanniou, hac e permet goude e vez troublet, evit ma n'en em orgouillo qet demeus ar vadelezou en deveus evitàn.

E oll vignonet o deveus santet ar chenchamanchou-se a laouenidiguez hac a dristidiguez, a beoc'h hac a dentation.

Pa soutene e c'hraç ac'hanoc'h dre vadelezou sansibl, e valeec'h gant plijadur ha facilitate; mes na c'hounezec'h qet, marteze, meritou qen bras evel a-sonjec'h.

Bremâ ec'h ellit acquisita re vras meurbed; rac, ne deo qet ur vertuz dister supporti, gant patiantet ha soumission, ar seurt abandon-se, e pehini en em gav ar galon avichou.

Depedit eta en peoc'h ha gant humilite, ma vezot bisitet a nevez gant ar pried divin.

Hirio memes, marteze, er guelot-hu qen carantezus evel diarauc. An essaen na voe qet pell evit Mari.

Na vurmurit qet. Jesus na die petra deoc'h. Pe ma furmit ur c'hblêm benac, imitit Mari, eus a behini ar galon, muioc'h calz egnet ar muzellou, en em glême d'e Mab demeus e ezvezanc, pa e devoe e gavet.

Va mab, a lavare-hi, perac oc'h eus-hu agisset er guis-se em andret? En desolation e voamp (1).

Va Doue, a lavarot-hu, perac oc'h eus-hu laqet va c'halon da un essaen qen rust? Gou-zout a rit pegument e souffren.

Hac én a vez ur faut benac demeus va fers en defe hoc'h angajet da bellât evelse diouzin?

Mar a meus coumettet unan benac, ar c'heus guirion a meus, gant sicour ho craç, a ra din esperi e vezo an diveza.

Mes petra benac e vez an abec deus ho cunda em andret, én em soumettàn da veza amprouet er fêçon a guerrot, hac hed an amzer a guerrot, sepet ma conservin atau ho carantez em c'halon.

CHABISTR XIII.

Demeus ar vuez cuzet.

AR SERVICHER.

Perac, Guerc'hes santel, e chomjot-u epad gement a vloavesiou, cuzet ha disanav ebars en ho ti a Nazareth?

N'ho poa nemet en em disqueus ha comz, evit tenna da Jesus calonou hac hommachou, en eur laqat admira d'an dud mysteriou a ignorent.

(1) Ps. 26. 14.

(1) Luc. 2. 48.

Va mab, laqat a ren va gloar da imita Jesus e-unan, pehini a so selvezet dezàn beza pell-amzer var an douar *un Doue cuzet* (1).

Deut e voa er bed-mâ evit desqi, dre e zoc-trin, da dec'hel ouz al luf, da veza humbl. Dre e vuez cuzet e Nazareth, e ro an exempl, qent eguet instrui.

Carit, va mab, da veza cuzet, ignoret, ancounac'hêt. Petra e zeus evidoc'h a interessant er bed hac e qement à zeus deus ar bed? Ar bed a dremen, ha qement a so a dremen gantàn.

Ur c'hoignic eus ar bed, e pehinie vec'h dishanav antieramant, elec'h n'ho pezevit oll vad nemet ho crucifi, a dlese plijout infinimant deoc'h.

Eno eo e cafec'h sourcen ar glac'har guirion, evit ho coale'hi demeus hoc'h iniqiteou.

Eno eo, ouz en em unani davantach da Jesus, e cafec'h en e garantez ar c'hoant dre avanç demeus an Eê.

Ur vuez cuzet a seblant deoc'h trist; rac noc'h eus qet tanyetan douder eus anezi. Mar ho pez commancet d'e santout, e cafec'h e zeo goal vean plijadurezou ar bed, hac e zeo meurbed insancet an neb a glasq anezo.

Nebeut a dud so a vev en peoc'h, nebeut a so spirituel hac interior; rae nebeut a zeus a gar en em denna demeus ar foul evit chom o-unan gant Jesus.

E Nazareth e posseden Jesus; e garantez amboa; beza en devoa va bini. Va mab, petra a fell davantach evit beza eürus?

Ebars en eur seurt buez e recever alies aoualc'h goapèrez ha disprizanc an dud, peré a gav estonus na vez nep c'hoant evit o divertissaman-chou; mes o disprizanc memes hac o goaperezou a so demeus a un avantach bras; rac servichout a reont d'en em staga c'hoas muioc'h ouz Jesus, pehini hepgen a glasqer.

Goulennit digantàn unan demeus ar sclêrigennou beoec-se en deveus roet d'e Zent, hac o deveus sclêrigennet anezo var ar boneur demeus *ur vuez cuzet en Doue gant J.-C.* (1).

CHABISTR XIV.

Demeus ar vuez interior.

Servicherien da Vari, unan eus ar mercou principal eus a squer a santelez, pehini a gavit ebars er Vere'hes-se; hac a dleit tachout da exprima ennoc'h, e zeo e buéz interior.

Ar pez a ouzomp demeus e actionou exterior ne deo netra e pris eus ar pez a dremene ebars enni e-unan.

En em representit Mari ebars en e zy a Nazareth. En em benetrit a speret ebars en e interior evit studia anezi.

Guelit gant pez attantion ec'h eyessa var oll mouvamanch e c'halon; evit ma vezint oll evit Doue.

Guelit penaus ar grouadurien, pell bras da zissipa anezi, a servich da sevel e speret varzu ar C'hrouer.

1) Js. 45. 15.

(1) Coloss. 3. 3.

Beilli varnomp hon-unan, var hor c'halon, evit ma vezo an oll affectionou da Zoue; var ar speret, evit ma servicho oll da sevel ar sonje-sonou da Zoue: se eo ar vuez interior.

Ar sourci bras-se a so evel ul lagad bepret digor, a ziffaranc ar pez a deu demeus an natur evit e vrida, hac ar pez a deu demeus ar grac evit respont dezàn.

Hep ar sourci bras-se e rear fautou ha collou bras alies; mes ganti, hep ober netra a z'reist-ordinal en exterior, e rear actou mad a vertus alies.

Pet a Ermitet Santel hac a Guerc'hased Santel a so parvenet d'ar c'henta renq eus ar Zent, dre verit ur vuez interior!

Na danvaot biqen *ar peoc'h-se hac ar joa-se a deu demeus ar Speret-Santel* (1), qen a vezot un den interior.

Laqit ho teligou da sonjal en Doue, da glasq Doue en oll, da rapporti oll da Zoue; hac e cavot *en ho tiabars oc'h-unan Rouantelez Doue.*

An darn-vuia eus an dud a so bepret ebars en troublen, atau er c'hlemou; rac cundui a reont ur vuez dissipet, oll exterior.

A hend all, ar vuez interior a so ur vuez propr eus a bep amzer. Ebars er c'hlenvejou memes hac ebars en implijou ar muia ambarasus, ec'h eller pratica an exerciçou.

Ne zeus nep situation demeus ar vuez e pehini na eller antreal ennomp hon-unan evit guelet ar pez a dremen ennomp.

Mes dreist oll, en em roit d'ar vuez interior,

(1) Rom. 14. 17.

ma c'halv Doue ac'hanoc'h da fonctionou oazus. Hep se, en em sqignot re en diavèz, hac en em glasqot muic'h oc'h-unan eguet na glasqot Doue.

Hep se, Doue n'en em servicho qet diouzoc'h evit contribui d'an avançamanchou ebars er vertuz; rac na eller qet laqat pratica d'ar re all ar pez a anavezet hon-unan a boan.

CHABISTR XV.

Demeus a zeveriou ar stat.

Doue a c'houlen raramant e rafemp anavezont dezàn hor c'harantez dre actionou eclatant. Ar garantez-se a veler ebars ur fidelite constant d'an deveriou disterra demeus ar stat.

Dre ar fidelite-se, Mari e deveus acquisitet meritou pere o deveus savet anezi a uz d'an Ælez.

Chomet e zeo bet trêgont vloas cuzet e Nazeret gant e Mab Jesus. Eno e soign principal a voa da elevi ar Mab divin-se, da veritout bepret muic'h confianç e fried, ha da fournissa d'e famill, dre ul labour hervez e nerz, ar pez a zoa necesser.

Disqit demeus e exempl da betra e fleit particulieramant en em applica, mar fell deoc'h parveni d'ar santelez.

Ar re-ont en em drompl calz, pere a neglich an occupationou propr demeus ar stat e pehini en deveus Doue placet anezo, evit en em applica da re-all, m'en em imaginint faussamant tleout beza muic'h agreabl da Zoue.

Nc deo qet qement an traou a reomp, a blich da Zoue, evel ar speret gant pere e reomp anezo, hac an henvelidiguez o deveus gant bolontez Doue.

Doue a fell dezàn diganeomp ur guntinuite a actionou bian, hac e fell deoc'h ober re vras. Diguezout a rai demeus a se na reot ervad nac an eil nac eben.

Martha, Martha, en em droubli a rit (1) drouc a propos, hac en em dromplit, o felsezout ober muioc'h eguet na c'hoanta Doue.

Un dra hepgen a so necessary. Da ober ar peza a so a zisterra eo, ha pere a c'houlenn Doue diouzoc'h, gant ar meines fervor evel ho peza, en eur ober ar peza a so a vrassa, ma er goulenn Doue.

Beza en His, ober orèson, bisita ar re glàn, œuvrou excellent. Mes mar grit anezo, pa ne deo qet an amzer d'o ober, na ellit qet lavaret e rit bolontez Doue.

Meur a zen pere na seblantont qet deoc'h acquisita meritou bras e vit an eê, a vezo goucoude savet luelloc'h eguet a sonch deoc'h, abalamour d'ar fidelite o deus, ha pere na velit qet, d'an disterra deveriou demeus o stat.

Ar Mestr demeus a behini e comz an Avel, ne lavar qet d'e servicher : *Antreite e joa hoc'h Autrou* (2), rac grêt oc'h eus traou bras; mes *abalamour e zoc'h bet fidel e nebeut a dra.*

(1) Luc. 10, 14. — (2) Maz. 25, 21.



CHABISTR XVI.

Penaus e ranger santifia al labour hac an occupationou differant demeus ar vuez.

MARI.

Va mab, deveriou ho stat a ro deoc'h calz a sourci; mes occupi a reont qement ho speret, qen na sonjit qet ur moment en Doue.

AR SERVICHER.

Teurvezit disqi din, *Guerc'hes* bepret fidel hac eveziant, da imita an anvouies-se ho poa gant Doue, epad ho labour hac epad pep seurt occupationou propr demeus ho stat.

MARI.

Va mab, labour an daouarn, an occupationou meines ar muia poannius, ne dint qet capapl da zibaoues, en un den spirituel hac interior, e unvaniez gant Doue.

Ra deuyo bolontez Doue d'ho cundui e qement tra oll a rit; bezit intantion da blijout da Zoue ha nonpas d'an dud; neuze e sonchot ennan alies.

Mar en em lajit d'al labour dre c'hoant, dre gustum, dre contraign, dre humor, dre un abec benac humen hepgen, hac en so surprenus penaus dre na deo qet Doue ar princip pehini a ra deoc'h agissa, n'en deveus qet, epad meur a heur antier, unan hepgen demeus hoc'h affectionou?

Na lavarit qet na ellit sonjal en diou dra

assambles. Ur galon e deves souden lavaret da Zoue qement e deus c'hoant da lavaret dezàn.

Martha, pehini a labour e vit Jesus, na voa get dibarlet demeus e labour, pa gomze dezàn demeus a se.

Epad hoc'h occupationou, en em antretenit demeus hoc'h occupationou, memes gant ar re a so endro deoc'h. Na elfec'h-u qet ivez en em antreteni gant Doue, pehini a so presant e gement tra oll a rit?

E conversation (1), meurbed differant deus a guement a conversationou humen, *n'e deus netra a zisplich hac a scuitz*. Beza e deus memes an avantach-se penaus e pep seurt labour hac occupation, ec'h eller tãveza e douçder.

Lavarit dezàn, en eur labourat, e rit ho plijadur da ober e volonte.

Offrit dezàn ho labour en union demeus an oll boanniou en deves anduret Jesus evit ho silvidigez.

Mar en deves al labour un isçu mad, trugarecaif an hini a ro an isçu. Ma n'en deves qet a isçu mad, en em soumettit d'ar vortification-se, a hermet Doue evit eprouvi ho paciantet.

Dre an unvaniez-se gant Doue, en hoc'h oll actionou, ar re vianna, ar re distera en apparanc, a vezo savet bete da ober deoc'h meritout un avançamant nevez a c'hloar ebars en eê.

(1) Furn, 8. 16.



CHABISTR XVII.

Demeus ar garantez a dleomp da gaout evit Jesus.

An dud noc'h anavezent qet, ô va Zalver! pa vévec'h e Nazareth. Ho ti-prisa a rent memes, hac ec'h abandonet ac'hanoc'h; mes beza ho poa ar gonsolation da veza sinceramant, ardam-mant, constamant caret gant ho Mam santel.

O hanavezout ho tivinite, ho santelez, ho perfectionou infinit, e carrie ac'hanoc'h demeus ar garantez vrassa, an tenera, muic'h eguet o deves an Æles hac ar Zent ho caret biscoas.

E c'harantez evidoc'h na voa qet hepgen ur garantez produet dre an unvaniez eus ar goad, ha dre henvelidigez an inclinationou; beza e voa ur garantez demens a un-urz divin, evel o sellet ouz ur Mab, pehini a voa Doue ha den oll assambles.

Ho carout a rê; hac ar garantez-se a brodue enni hep heani daou dezir ardent: unan, ma ho carrie bepret muic'h; eben, ma carrie an oll grouadurien résonabl ac'hanoc'h ganti, ha gement hac hi.

O Jesus! ho conjuri a ràn, dre ar garantez e deves bet Mari evidoc'h, da accordi diñ un eleyen benac demeus an tã sacr a entane anezi.

Ho carantez hepgen a rent ar galon contant ha tranquil. Netra na ell plijout pell-amzer hep ar garantez-se.

Petra a ell da danvea a agreabl er bed-mâ an

hini na sant get peguen carantezus eo Jesus?

Seulvui e carer Jesus, seulvui e santer ar blijadur a zeus o carout an hini a so veritablament hac infinimant dign demeus hor c'harantez.

Qement tra oll a affection a bresant ar vuez, a dremen evel bleuen ar yeot (1). Mes, c'houi, Jesus, na chenchit get. Chom a reot atao ar memes tra (2), qer carantezus en amzer d'an amzer evel e zoc'h hirio.

Me a fell din un objet a garantez na berisso get; ha pehini, pell bras da veza tennet diganén da heur ar maro, a deuyo, da heur ar maro, va fossession eternel.

Jesus hepgen eo ar mignon fidel ha constant; pehini na vanq get pa abandon ar re all oll ac'hanomp.

Ur gomz hepgen demens ar mignon-se a garg a joa, pa zoar en affliction. Ar mignonet all neuze ne dint nemet *consolaturien importun* (3).

Pez dic'hout, pezh chagrin a ellan-me eprouvi, ha pezh anui a ell noazout din, mar ameus carantez Jesus ebars va c'halon?

Ma ren Jesus ebars va c'halon, ha mar en deveus e dron enni, e zon puissantoc'h eguet an oll rouane.

Carantez Jesus a so un tenzor, gant pehini, e a em dremener demeus an oll vadou. Jesus ha n'en deveus-én get peadra da gontanti ur galon a gar anezàn?

Va Doue, ra garin eta ac'hanoc'h; mes ma ho carin en hevelep seçon, ma na garin netra

(1) Is. 10. 6. - (2) Ps. 101. 28. - (3) Job. 16. 2.

a uz deoc'h, netra qement ha c'houi, netra nemet evit ho carantez!

CHABISTR XVIII.

Demeus a exempl Jesus.

MARI.

Va mab, n'en doc'h-hu get demeus an dud-se eus a bere ar gomzou a so admirabl, mes hep dale rebechet dre ar c'hundu?

E certen momentchou a fervor, ar santiman-chou a so oll a galoun; mes goude, pa renquer agissa, netra a guen lach eguet an action.

An testeni bras a garantez a zepord Jesus diouzoc'h, ez eo m'en em appliqot da gonformi ho puez d'an exemplou a vertuz en deveus roet deoc'h.

AR SERVICHER.

Rouanez ar vertuziou, da se eo en em appliqot er bloaveziou a dremenjot gantàn e Nazareth.

An Aviel a lavar deomp penaus, epad an oll amzer-se, Jesus *a edo soumettet deoc'h ha da Joseph. Hac ec'h ajout: Evit e Vam, hi a gonserve an traou-se oll en e memor* (1).

Da lavaret eo, e studiec'h an oll gomzou, an oll actionou demeus ho Puguel; e veditec'h anezzo hep cess, evit conformi ho cundu dezo.

MARI.

Ia, va mab, ar studi-se a voa va brassa oc-

(1) Luc. 2. 8.

108 IMITATION AR VERC'HERS.
cupation. Ravezo ivez hoc'h hini da vedita buez
Jesus evit e imita.

Evit imita Jesus *douç hac humbl a galon* (1),
n'en em glêmit qet demeus ho souffrançou, ha
rentit ar vad evit an drouc; tec'hit ouz enoriou
ar bed-mâ, ha carit beza dispriset.

Jesus *n'en deveus qet clasqet d'en em gon-*
tanti e-unan (2). Ravezo gloar Doue hac ac-
complissamant e volonteaz ar princip hac ar fin
demeus hoc'h actionou.

Jesus eo *an hent, ar virionez hac ar vuez* (3).
Na ellit cavout nemet en e exemplou *an hent*
e pehini e tleit bale, *ar virionez* pehini a dleit
selaou, hac ar voyenou da antreteni ar vuez
demeus hoc'h ene.

CHABISTR XIX.

Demeus. ar Beden.

Ar güin a vang e fest eured Cana, e pehini
en em gavas Mari gant Jesus hac e Zisqibien.
Mari, touchet demeus ar gonfusion e zea an
daou bried da souffr, a represant o dienez da
Jesus.

Doue a so mestr demeus e zongesonou. Gal-
lout a ra laqat anezo d'ar pris a blijo dezàn, ha
nonpas o accordi nemet e qement ma c'houlenner
digantan.

Re yad eo evit selvezout rebuti den; ha pin-
vidic aoualc'h evit rei d'an oll. Lavarat a ra
deomp en e-unan penaus piou benac a c'houlen

(1) Maz. 11. 29. - (2) Rom. 15. 3. - (3) Yan. 14. 6.
a receo

a receo (1). Penaus eta e zoar qen lach da c'houl-
len outàn graçou evidomp pe evit ar re all?

Peden Mari a so bër. Doue na c'houlenn qet
diouzomp pedennou re choaset. Na ignor nicun
eus hon ezomou.

Ar pez a exich evit hon exauci, e zeo m'en
em dalc'himp da c'houlenn outàn ar pez a ou-
zomp beza demeus e c'hloar ha demeus hor san-
tification; pe autramant ar pez n'en deveus ne-
tra a gontrol pe d'an eil pe d'eben; sepet ma
er c'houlennimp gant soumission d'e volonteaz.

Ur beden bër, mes humbl ha fervant, un
elevation simpl eus ar galon varzu e vajeze
souveren, a obten avichou ar faveuriou pre-
ciousa.

Jesus a respont da Vari demeus ur fêçon da
nonpas rei dezi, a seblant, nep ésserang. Gous-
coude na les qet da esperi.

Carguet eus a gonfiang en madelez Jesus, e
lavar *d'ar re a servich*: *Grit qement a lavaro*
deoc'h (2); Jesus a oper enfin ar miracl a c'houl-
lenne-hi.

N'en em digouragit qet d'an ampoent na ob-
tenit qet ar pez a zezirit, qerqent ha ma ho pez
er goulennet.

Peguen fervant benac e vez ho peden, Jesus
a seblant lavarat deoc'h, evel da Vari, *ne deo*
qet arruet e heur (3). Mes ma na ziminu qet
ho confiang, an heur-se a erruo.

En em renta a rear indign demeus a vadelez
Doue, pa selvezer orden un amzer, evit hon
laqat da santout e effejou.

(1) Maz. 7. 8. — (2) Yan. 2. 5. — (3) Yan. 1. 4.

CHABISTR XX.

*Demeus a c'halloud Mari e qever Doue,
e faveur an dud.*

Ar c'henta miracl a santification, hac hervez Sant Yan, ar c'henta miracl exterior ha public en devez operet ar Zalver var ar bed, a so bet operet dre hanterouañ Mari: unan er visit a rentas-hi da Elizabeth; eguile, en eured Cana.

Ebars er visit a rentas Mari da Elisabeth, *er moment ma eure Mari clêvet e-mouez* (1); Elisabeth a voe *carguet eus ar Speret-Santel*, ha Yan-Badezour, santifiet e côm e vam, a reas dija ar servich a brecursor, en eur renta da Jesus-Christ, *dré e dridterezou*, un testeni na elle qet c'hoas e deot renta dezàn.

Ar graçou dreist-ordinal-se staguet da verit Mam Doue, a zisq deomp peseurt graçou a silvidiguez a ellomp hac a dleomp depord demeus an eê, dre e mediation.

En eured Cana, e reas ar peza ra c'hoas hirio evit e servicherien, eus-a bere na ell qet anavezout ar viseriou hac ar boanniou, hep beza touchet eus a compassion.

Seulvui e zeo ar Verc'hes-se dreist ar Zent en meritou, seulvui e zeo a uz dezo en carantez hac en madelez evit an dud.

Jesus a ziarangas var ar bed, d'e feden, amzer e viraclou, evit ober deomp compren ar

respet en devez eviti, hac evit etabliissa hor c'honfiang enni.

Abaoue ar c'henta testenion hac an disclartionou guirion-se demeus a bouvoar ha demeus a c'halloud e mediation, an oll hobliou o devez alies santet effejou nevez eus anezo.

Penaus n'en em interesfe qet Mari evidomp, d'ar c'houlz ma vel e zeo evidompen devez mab Doue qemeret en e c'hreiz ur c'horf henvel ouz hon hini?

Mam da Jesus, ancounac'hat a rae-hi breudeur Jesus, memprou ha qetaëred da Jesus?

E peza stat benac ec'h elfet beza, pe en egard ar madou spirituel, pe memes en egard ar madou temporel, Mari a vezo evidomp ur voyen divanq; rac misericord ar Verc'hes-se en sqign da guement a so.

Salomon a lavare da Bethsabée, e zoa just selaou anezi favorablant, pa zoa-hi a voa e mam (1). Mari hac hi a ell, pa c'houlen evidomp, receo ur respont all en un tribunal en pehini e devez droajou mil guech santeloc'h ha galloudussoc'h?

Guerc'hes beniguet demeus an eê ha demeus an douar, en em laqat a ràn antieramant dindan ho protection; protection assuret pehini na vanq james; protection oll-galloudus, a diromph demeus an oll ampechamanchou; protection universel, demeus a behini den ne deo pellët.

Buguel coupabl en andret va zad, hac indign dreizon va-unan e selaoufe Doue ac'hanon, me

ho choas evit va mediatourez en e guever.

Mam d'am Doue, teurvezit evessât var va c'hundu, ha regli va c'hundu e peb amzer ha dre oll; rac an oll dangeriou, nonpas hepgen an dangeriou temporel, mes calz c'hoas muioc'h an dangeriou spirituel, a so dre oll present.

Goulen a ran ouzoc'h principalamant hoc'h asistanc evit an deiz a donqadur-se; goude petra ne zeus mui a amzer da zepord, nac a c'hrac da esperi evit an heur terrubl ha resolvus-se, pehini a dle achui va buez ha commanç va eternite.

Nonpas ma pretandfen var an esperanc beoec ameus en ho protection, en em gousquet hivi-siqen ebars en un oesder criminal. Ne deo qet se eo speret ho servicherien.

Mes sicouret demeure a c'hrac Jesus, pehini ho pedan da obteni din, e sicourin ho soignou, hac ec'h agissin a-unan ganeoc'h, evit ma ellin parveni d'an demeuranç-se demeure a zeliçou eternal, e pelec'h e fell deoc'h cundui qement hini ho car hac ho servich.

CHABISTR XXI.

Peguen douc eo clêvet mouez Jesus, ha demeure an hust a dle un ene da gavout da receo e instructionou.

Mari e devoa jouisset demeure a bresanç Jesus, ha demeure a zouçder e antretienou, epad an trêgont vloas e voa het chommet gantân e Nazareth.

Seblantout a rê ne devoa mui nemet da dremen ebars silanç ar retret, ar guentelliou e devoa recevet, hep na vije ret en heuill e meur a andret, epad e vuez a galoun.

S. Yan gouscoude a lavar deomp, *e chommas un dervez benacgant Jesus e Capharnaüm* (1), evit profita demeure e zissoursiou.

An Aviellerien oll a represant deomp anezi, pehini, *dre na elle qet tostât ouz Jesus abalamour da un niver bras* eus a dud a voa en dro dezân evit selaou e zoctrin, a c'hoûlen e velet ha da gomz outân (2).

Un ene pehini en deveus ur vech tanvaet Jesus, na ell mui beva hep Jesus.

Dija, en mil occasion, e deveus clêvet e vouez, ha mil guech adare e fell dezi e c'hlêvet. E oll joa eo clêvet mouez ar pried (3).

Peb demeuranç a zisplich dezi, ma na gueb e muia caret. Qement mouez so a importun anezi, ma ne deo mui én a gomz dezi.

O, peguement e tisplich discoursiou an dud dezi! caout a ra *na antretenont qet anezi casi james nemet eus a draou vean* (4). Ar c'homzou hepgen eus a Jesus a so eviti speret ha buez (5).

Jesus hepgen a ell desqi din e pelec'h en em gav ar boneur giirion, hac e petra e consist ar furnes giirion.

Heuill a rin eta ac'hanoc'h, va Mestr divin,

(1) Yan. 2. 12.

(2) Maz. 12. 46. Marc. 3. 31. Luc. 8. 20.

(3) Yan. 3. 29. — (4) Ps. 118. 85.

(5) Yan. 6. 64.

dre oll elec'h ma zeot (1). Ma na glêvân mui
ho mouez e Nazareth, e zin d'e selaou da Ga-
pharnaüm, da Jerusalem.

Mes neus fors e pelec'h e vezin, ho mouez a
ell en em lagat selaou d'am ene. Comzit dezân,
va Salver. *Selaou a rin gant attantion ar pez*
a lavar an Autrou din e fong va c'halon (2).

Eürus an hini a deurvezit instrui ha furni
e sçient ho lezen! caout a rai ennân peadra da
zouçât e boanniou en amzer an affliction (3).

Ho ministret a gomz din alies demeus ho pers.
Calz a levriou, pere a lennân gant meurbed a
blijadur, a gomz din diouzoc'h. Mes ma na gom-
zit get din er memes amzer hoc'h-unan, peseurt
effet a reont-int varnôn?

Ar pez a lavaront din a so güir; ar pez a lava-
ront din a so touchant; mes ma na lavar ho craç
netra ganto; ar virionez n'en em engrav get er
speret, hac ar galon neo get touchet mad.

CHABISTR XXII.

Ret eo supporti an nessa en speret a garantez
hac a zouçder.

AR SERVICHER.

Guerc'hes, *pehini a so dreist an oll grou-*
adurien pura, en douçder, desqi a rit din, dre
ho cundu en andret ar judevien indocil hac in-

grat, penaus a tleân supporti defautou ha vi-
cou an nessa.

Jesus a voellae o zud clân, a sclêrigenne o
zud dall, a ressuscite o zud maro; ha na fel-
veze get dezo en anavezout evit o Zalver. Lens-
qel a rent memes a enep dezân ar falsentezou
grevussa, hac e c'houlennent e varo.

Test e zoac'h demuis an excejou-se; ha dre
exempl ho Mab divin, n'ho poa gouscoude e-
vito nemet santimanchou ha *sonjesonou a*
bêoc'h (1).

Eveltân, ho poa en horrol ar pec'het; mes
carout a rec'h atau ar pec'her.

Touchet heppgen demeus a offaç Doue ha
demeus a gollidiguez an eneoù, n'en em ber-
mettec'h a heñd all na clêm na murmur, a euep
tud incredul ha tud insansibl.

Mont a rêc'h memes bete da en em interesti
evito e qever Jesus, en eur goulenn grac evito.

Agissa rêc'h en o andret, evel ec'h agissit
abaoue qement a vloaveziou en andret.

Allas! me a so ar muia infidel hac ar muia
ingrat demeus ho servicherien; hac em sup-
portit hepret, hac ec'h obtenit atau digant
Doue faveuriou nevez.

Mam *Doue ar peoc'h* (2), obtenit din ar grac
da *nonpas afflija bigen den dre gomzou fâ-*
chus (3).

O c'houi, a behini an hano heppgen hac an hen-
velidiguez a ra guenel ebars en ene santimanchou

(1) Maz. 8. 19.

(2) Ps. 84. 8.

(3) Ps. 93. 12.

(1) Jer. 29. 11. — (2) Phil. 4. 9.

(3) Eccl. 18. 15.

a zouder, goulennit evidon ar vertus-se a zouder, ar speret-se a beoc'h, pehini a ra deomp meritout an titr gloriüs eus a *vuguel da Zoue* (1).

MARI.

Intercedi a rin evidoc'h, va mab. Mes ret eo, demeüs ho costez, respont da c'hraç Doue, pehini a obtenin deoc'h.

Rac ar c'hraç na denn qet an difficulteou; sicour a ra d'o drec'hi.

An nessa a so ayichou e carg bras evidoc'h, dre e humor inconstant, dre e feñconniou special, dre e ideou froudennus; mes ar c'hraç, mar doc'h docil dezi, a zisco deoc'h profita eus a guementse oll, evit acquisita meritou.

Ar Zent n'o devoa qet alies occasionou da ober actou harosus a vertuz; mes acquisita a rër bemdez meritou nevez dre support an nessa.

Buez ar C'Christen a so ur vuez a sacrificou; hac an nessa, dre e zefautou, a ro cazi hep heana occasion da sacrifica un dra benac da Zoue.

An oll dud o deus pec'het, hac a bec'h c'hoas e meur a occasion (2). Hogueu, supporti an nessa e speret a binigen, a so ur voyen vras da expia ar pec'hejou.

A hend all, va mab, peb den en deveus defautou. Ar parfeta eo an hini en deveus nebeutoc'h eguet ar re-all.

Caout a rit defautou en ho preudeur; int a gav ennoc'h. Ho supporti a reont evel ma zoc'h; supportit ivez eta anezo evel ma zint.

Implijit da supporti ho nessa ar baciantet-se oc'h eus bet ezom evit en em supporti hoc'h-unan.

Abaoue pell-amzer e labourit d'edem gorrija demeüs ho tefautou, hac hoc'h eves en deveus bet nebeut a iscu. Penaus eta e teutot-hu abenn da reformi ar re-all d'ho crat?

An oll glê mou a furmit var ar boanniou oc'h eus anduret demeüs a certen tud a zisplich deoc'h, na gorrijint qet anezo, ha na bare da netra.

Ebars er seurt poanniou-se, ar parti heppen a chom deoc'h da güemer, e zeo da c'houlennou Jesus e sieour evit profita eus anezàn ha da brofita en effët evit en em eprouvi hoc'h-unan, hac evit en em affermissa ebars er vertuz.

CHABISTR XXIII.

Demeüs a vercou ar güir santelez.

Ur vreg a grias un deiz e presañ ar Zalver : *Eurus ar c'hôf en deveus ho touguet, hac an divron o deveus ho maguet* (1).

Lavarit qentoc'h, a reprenas Jesus : Eürus ar re a selaou comz Doue, hac en-laqa en pratig!

Jesus a ra entent dre ar c'homzou-se, penaus ne deo qet an dignite a Vam a zisting Mari ar muia, hac e zeo calz muioe'h distinguet dre e

(1) Maz. 5. 45. (2) Jacq. 3. 2.

(2) Luc. 11. 27.

fidelite constant da oll deveriou ar religion; penaus, ar pez a ra e merit, ne deo qet brasser e c'halite a Vam, pehini a zalc'h ouz Doue, hac ens a Zoue hepgen, mes e santelez, pehini a deu dezi goude Doue, demeus e rapport ha demeus e œuvrou.

Ar pez a ra Doue evidomp, ne deo qet d'ar just ar pez a verit e recompançou; mes ar pez a reomp evit Doue.

Ar servicher mad, eus a behini e comz an Aviel, na ra qet consista e verit da veza recevet pemp talant, mes d'o beza laqat da brofita.

Ar brassa gloar demeus ur c'hristen e zeo da anavezout ha da observi lezen Doue.

En em c'hlorifia rit gant rêson demeus ar galite a vuguel da Zoue, pehini oc'h eus recevet er vadiziant; mes laqit eves na rose qet ar galite-se deoc'h ur renq etouez ar Zent, ma na soutenit anezi dre santelez ho puez.

Etouez ar Zent, e zeus pere o devez bet ravissamanchou, extasiou; ne deo qet dre eno e tleit anvia o stat. Mes beza e zint bet fidel, ha constamant fidel da volonte Doue: cetu eno ar pez a dleit d'en em efforci da imita.

Judas, herves an apparanç, en devez grêt miracloù, hac e zeo reprouvet. Na lennomp qet penaus Yan-Badezour en devez grêt; gouscoude mab Doue a ro dezàn, ebars en Aviel, ar brassa meleudiou.

Ebars istim an dud, ec'h eller beza un dra benac hep santelez ar vuez; mes ebars en estim Doue, ne zoar mann, nemet e gement ha ma zoar santel; ha na zoar santel, nemet e gement

ha ma pratiqer œuvrou santel. Se eo ar pez a vezo, evidomp evel evit Mari, ar güir fondamant demeus hor gloar.

Concevit eta penaus Doue, n'en devez qet staguet hoc'h eürusdet eternal da avantajou dreist-ordinal, pe demeus an natur, pe demeus ar grac; mes penaus en devez ho rentet, evit comz er guis-se, mestr demeus ho testinadurez, en eur ober dezi, en e c'houde, depandi diouzoc'h.

Ennes, ô va Doue, a vezo dign da chom en ho tabernacl eternalamant, pehini a vale ebars en innoanç, hac a beurgarg e oll deveriou (1).

(1) Ps. 14.

FIN EUS AN EILVET LEVR.





INVOCATION D'AR VERC'HES SANTEL.

Ni a laqa hor fizianç,
Guere'hes, en ho sicour;
Accordit hoc'h asistanç
Enep an adversour.
Pa deuy hon heur diveza,
Ni bed ho madelez
Da obteni deomp beza
Placet gant an Ales.



IMITATION AR VERC'HES SANTEL.

TRIVET LEVR,

E pehini e considerer buez ha vertuziou ar Verc'hes
Santel, adalec ma velas e Mab' divin o rei e hoad
hac e vuez evit silvidiguez an dud, var ar C'halvar,
bete deiz e Assomption.

CHABISTR QENTA.

An hini a gar Jesus, a dle pignat d'ar C'hal-
var gant Jesus, ha souffr gant Jesus.

MARI.

Jesus a bign d'ar C'halvar. Deut, va mab;
hor c'hounvia a ra da bignat gantàn. Mar carit
anezàn, n'en abandonfot qet.

Ho carantez evit Jesus hac hi a vez dign
dioutàn, mar tilesec'h anezàn en e angenñiou,
hac e qeit ha ma tisanav ha ma outrach an oll
anezàn!

Na ellimp rei dezàn nep sicour; mes da viana,
qemer a rimp pers d'e souffrançou, en eur vesca
hon daelou gant e hoad; hac e roimp dezàn ar
gonsolation da velet e zomp prest da souffr,
evit e garantez, qement a ordreno.

AR SERVICHER.

Guere'hes generus, ha na vez qet ellet temoigni da Jesus e garantez, nemet e qement ha ma heuillet anezàn d'ar C'halvar, hac e vez souffret gantàn?

Ebars er peoc'h eus a behini e jouissàn, na ellàn-me qet servicha Doue gant fidelite?

MARI.

Jesus en deveus lavaret : An hini na zoug qet e groas, ha na heuill qet ac'hanòn, na ell qet beza va disqibl (1).

Beza e zeo facil temoigni da Jesus e garantez en amzer ar peoc'h; mes na eller qet assuri nerz ar garantez-se, nemet en un amzer a dregaç.

Ar Scritur a gomz demeus a ur c'hreuset ebars pehini eo eprouvet ar garantez, ebars pehini ar garantez a so purèt. Ar c'hreuset-se a so var ar C'halvar (2).

Na vezit qet, va mab, demeus ar re a lavar e caront Jesus demeus a greis o c'halon, ha pere goude n'o deveus qet ar gourach da *veilli hep-ken un heur* gantàn, e jardin e angoni (3).

Jesus *ne deo antreet en e c'hloar nemet dre hent ar groas*; na barvenot d'ar gloar-se, nemet e qement ma valeot dre ar memes hent.

Bebet en deveus ebars en daelou. Gallout a raec'h-hu en em resolvi da veva ebars en de-licou!

Na dleit qet en em estimout eürus er vuez-mâ, nemet pa velit e laqa Doue ac'hanoc'h, dre ar souffrançou, en nombr demeus ar re en

(1) Luc. 14. 17. — (2) Eccl. 27. 6. — (3) Naz. 26. 40.

deveus predestinet evit beza conform da imach e Vab (1).

Ur güir Gristen a so un den *furnet var Jesus souffrus*, o vervel ha *maro* er Groas (2).

Jesus a seblant deoc'h menrbet carabl, pa sonjit en oll souffrançou en deveus anduret dre garantez-evidoc'h. Carit eta ar pez en rent qen carapl, e souffrançou memes eus a here e ra pers deoc'h, evit goude en beza heuillet d'ar C'halvar, ma en heuillot d'an eë.

CHABISTR II.

Demeus an hevelidiguez da volonte Doue.

AR SERVICHER.

Ebars er stat trist e pehini en em gavàn, emeus recours deoc'h, *Consolatoirez ar re affliget*.

Teurvezit disqi d'an demeus a bez seurt santimanchou e tleàn beza occupet, dreist oll er boanniou a anduràn, ha d'ar guel demeus ar re a c'hourdrous ac'hanòn.

MARI.

Caout a reot ho nerz hac ho consolation ebars en ur gonformite antier ha parfet da volonte Doue, pehini a ordren hac a regl oll evit e c'hloar hac evit ho silvidiguez.

Pa dosta an affliction, pa zeo arruet, pa guntinu, pa gresq, pa zeo heuillet demeus a *unan all benac*, lavarit ha repetit alies : Va Doue, *ra vezo grêt ho polonte santel*.

(1) Rom. 8. 29. — (2) Philip. 3. 10.

Ar sonjerson demeus ar volonte divin-se, am c'hénvâs hac am c'honsolas, ebars templ-Jerusalem, pa annonças Simeon din e vije Jesus *en but d'ar gontroliachou*; hac em bije vanan va ene treujet demeus a ur c'hleze a c'hlac'har.

Va c'honsoli a eure, dreist-oll, ha va c'hénvât var ar C'halvar, pa velis Jesus staguët ouz ar Groas, hac o renta e huanad diveza e creiz ar c'hruella tourmanchou.

Dre ma voa va c'harantez evit Jesus hep musul, va glac'har a voa ivez; mes va resination a voa qen bras evel va glac'har ha va c'harantez.

Pellait er guis-se demeus ho speret en ho tronc'braçou, hep oll reflexionou all nemet an hini a so ranfermet ebars er bêr gomzou-mâ : *Doue er fell dezân.*

Peb reflexion all, nemet ounnes, na ell nemet goassât ar chagrin, ha laqat c'hoas muioc'h da santout peguement e zoar maleurus.

Penaus, va mah, pa sonjit e fell da Zoue, credi a raec'h-hu lavarat na fell qet deoc'h?

Ma na fell qet da un den pehini a so cunduet gant ar furnes, gallout ober nêtra na vez mad, petra a dleit-hu lavarât demeus a un Doue infinimant mad?

Doue, evit güir, na fell qet dezân pec'het ar re a gontribu d'hoc'h affliction; mes felvezout a-ra dezân an affliction-se.

Permetti a râ pec'het hoc'h adyersourien; mes felvezout a-ra dezân ar suitou, evit ho santifiâ.

David na selle qet eta en Semeï ur sujet pehini

a outrage anezân; mes Doue, en em serviche demeus an instrument vil-se evit en humilia hac e laqat da expia e bec'hejou (1).

Jesus e-unan, o comz d'e Ebêstel demeus a galir e bassion, na gomze qet dezo demeus a ingratiri ar Judevien, pere en prepare dezân; mes demeus a volonte e Dad, pehini en devoa en ordrenet evelse.

Lavaret a rê, er jardin an Olivès, da Bêr, n'en devoa qet c'hoas comprenet e tle ur c'hristen combati gant ar batiantet, ha nonpâs gant an armou : *Penaus! na évin qet ar c'halir en deveus roet va Zad din (2)!*

Ne deo qet na elfec'h goulén beza delivret demeus ho poanniou; mes mar fell gouscoude da Zoue e vez evet ar c'halir, e lavarot : *Va Zad, ravezou, nonpas evel a fell din, mes evel ma er fell deoc'h (3).*

Ia, va Zad, en em soumetti a rân, pa zeo felvezet deoc'h e vije evelse (4).

N'ho pezit nep egard d'ar boan estranchameus evit souffir, nemet e qement a ma ello ho cloar hac execution ho tesseniou en permetti.

CHABISTR III.

Demeus ar Batiantet.

Petra a dleye beza souffrançou Mam ar *Verb incarnet*, pa er guelas rentet an den a c'hlac'har livret da buissançou an tenebrou, treïnet

(1) II. Roüan. 16. 12. — (2) Yan. 18. 11.

(3) Maz. 29. 39. — (4) Maz. 11. 16.

dirac an tribunaliou, trêtet a drompler, scôet gant soudardet insolant!

Pa er guelas cruellamant scourgezet, curunet a spêrn, condaonet d'ar maro, preferablament da Barrabas, sammeteus a instrument e varo, accablêt dindan e bouez!

Pa glêvas an tolliou morzol, pehini a anfonce an tachou ebars treid ha daouarn Jesus; pa er guelas savet er groas, placet er groas-se etre daou dorsetour, insultet gant e adversourien, a driomphe demeus e varo, ha n'o devoa nemet *gün mesget a vestl* da bresanti dezàn evit stànca e sec'hed (1)!

Anfin, pa velas anezàn o renta var ar groas an huanaden diveza demeus ar vuez-se en devoa qemeret en e c'hreiz; pa velas ur soudard o tiguêr dezàn e gostez gant un tol lanc, evit en ein assuri demeus e varo!

Mes petra a opposas Mari d'ar seurt souffrançou cruel? Ar batiantet ar muia burzudus. Na glêvjot qet anezi o furmi an disterra clêm.

Imita rê, var ar C'halvar, ar silanc en devoa miret Jesus e ty ar Béleg-Bras. Encernet a fals accusatoret, *na lavare guêr* (2), rac inutilamant en devije comzet evit en em difeñ, ha penaus a hend all na felveze qet dezàn distrei an arrêt a varo da behini e zoa en em resinet dre garantez evidomp.

Ene christen, brêtañt ho pen-caus gant doucder a enep hoc'h adversourien, pa zeo n'ecesser comz; mes, ma n'en doc'h qet selaouet,

ravezo ar batiantet, hac ar batiantet christen ho ressourc hac ho consolation.

Beza e zeus tud a so patiant, rac ar guella parti eo o deveus da guemer, ha penaus hep sé, e tennint varnezo brassoc'h nec'hamanchou. Ur batiantet oll humen eo.

Mes beza e zeus a so patiant; rac adori a reont dorn Doue a sco dre dorn an dud; ec'h ouzont penaus disqibien Jesus *a brodu dre ar batiantet frouez* evit an eternite (1); e fell dezo imita Jesus patiant er boanniou a rê e adversourien dezàn da souffr. Ur batiantet christen eo, hac e tle beza hoc'h hini.

Penaus mar touguet ho croasiou gant impatiantet, e reñtoc'h anezo pounneroc'h; hac en em rentit hoc'h-unan er memes amzer criminal ha maleurussoc'h.

Ar groas eo hent an eê. Evit se eo o deveus *an oll dud just calz* a dribulationou (2).

Mes beze zeus christenien heñvel ouz ar c'hriminel-se, pehini a varvas a gostez d'hor Zalver, en eur vlassêmi var e groas, ha pehini, demeus ar C'halvar memes a zisqennas d'an isfern!

Pa vurmuronp demeus ar groasiou a zigas Doue deomp, e veritomp, evit hor punissa, e lemfe Doue diganeomp ar voyen-se da zont da veza-Sent bras.

Ar Sent o deus sellet ar C'halvar evel ar plac ar muia propr da acquisita meritou.

Gallout a rêr acquisita muic'h a veritou en nebeut dervezion, dre ar batiantet, eguet na

acquisiter en meur a vloavez, en eur vuez consacret d'an exerciçou a zevotion.

En actionou a zevotion, ar vanite hac ar garantez evidomp hon-unan en em sil facilamant, hac a ziminu ar pris eus anezo; mes en eur vuez a affliction supportet gant patientet, oll eo hepgen evit Doue.

Seblantout a ra avichou e supportfet gant muioc'h a batiantet ur groas all benac, eguet an hini en deveus digasset Doue deomp.

Mes, credit ac'hanon, ene christen, neus fors pezh croas all benac, na vez qet an hini a gontvenfe deoc'h.

Ma ve deomp da choas hor c'hroaziou, en em dromplfemp ebars er choas.

Ar Mestr divin a voar guelloc'h eguedomp ar pezh a so necesser deomp. Ar groasiou a ra deomp douguen, a vuzur d'hon ezomou, d'hon nerz, d'an desseniou en deveus varnomp.

CHABISTR IV.

Beza ez eus alies souffrançou bras evit servicherien bras Doue.

Ne doa qet aoualc'h evit Mari, ô va Doue! da veza bet douguet, epad tri bloas ha trêgont, ebars en e speret, imach an tourmanchou a dleze un deiz e Mab da anduri! Hac én a voa c'hoas ret e vije test eus e varo?

N'ho poa qet exiget e vije presant Sara er sacrific a dleze Abraham da ober, dre hoc'h urz, demeus e vab Isaac.

Mes e gompren a ràn, Autrou. Ret e vije da Vari, pehini a dleze un deiz beza Rouanez ar Zent, antren en ur fêgon crénvoc'h eguet an oll Zent ebars er *societe-se a souffrançou* (1), eus a behini e comz hoc'h Abostol, pehini hoc'h eus etablisset etre Jesus hac ar re choaset.

Ne dleân qet eta beza surprenet o velet afflictionou ar re just o crespî gant o fidelite en ho servich.

Tleout a ràn sellet ar souffrançou bras a anduront avichou, evel graçou bras a rit dezo, evel mercou bras a faveur.

Recompansi a rit ar pezh a reont evidoc'h dre souffrançou pere a rent anezo bépret muioc'h hanval ouz ar model divin a bresant ar C'halvar dezo.

Ur boneur bras eo beza cavet dign da barti-cipa da souffrançou Jesus en ur fêgon particulier.

Peb disqib a vezo parfet, mar deo evel e vestr (2). Jesus hor mestr, da berfection pehini e tleomp en em efforci da dizout, a zo tremenet dre ar brassa tribulationou.

Dibaut a vech e zeus guelet tud demeus a ur vertuz huel, na vez bet laqet da un amprouf crén benac.

Mar deo oll calm hac en peoc'h, en exterior, evit hon mignonet fidel, alies an exterior a so oll en brezel.

Ma n'o deveus qet da souffr deus abers an elemanchou, e vezo demeus abers an dud; hac

(1) Philip. 3. 10. — (2) Luc. 6. 40.

en default eus an dud, sperejou an tenebrou a laqayo scuilla calz a zaelou; mes er memes amzer, e reont avançamanchou bras meurbed ebars er berfection.

Doùe a vajeste, o feiz a gresq en eur adori ho polonteziou gant ur soumission bepret parfetoc'h, hac en eur anavezout ennoc'h un Tad fur, pehini na *gastis qet e vugale*, nemet abalamour ma car anezo (1).

O esperanç a deu bemdez crénvoc'h. Accablet a boanniou, petra o deus-int da zezirout en ee, ha petra a ellont-int *carout var an douar*, *ma n'en deo c'houi*, ô va Doue (2)!

O c'harantez a so muioc'h animet. Ar bed a zispris anezo, evit güir, hac o mignonet o dilez; mes c'houi eo *Doue o c'halon hac o fartach evit bigen* (3).

Va Doue, lavaret ameus avichou em afflictionou, e seblante ne garéc'h qet ac'hanon, hac em abandonéc'h; mes hivisigen e lavarín : Rentomp graçou da Zoue; an drouc'hraç-se a so ur presant demeure e garantez.

E servicherien fidel, e vignonet, e Zent o deus souffrançou da anduri brassoc'h calz eguet va re-me; rac beza e zint calz dignoc'h eguedon demeure e attantionou ha demeure e c'hraçou.

Souffromp gant patiantet ha resination ar Zent, evit obten ar c'hraç da souffr c'hoas muioc'h.

(1) Hebr. 12. 6. - (2) Ps. 72. 25. - (3) Ps. 25.

CHABISTR V.

Penaus an aoun da souffr ne deo qet ur merq e vanqer d'ar batiantet ha d'ar resination; nac arabat eo coll courach, pa zeus coumettet ur faut benac.

AR SERVICHER.

Rouanez ar Verzerien, santout a ràn bepret ennon un aoun bras evit ar souffranç. E certen occasionou, dreist oll, va santidiguez a so bras meurbed.

MARI.

An aoun naturel na rent qet ac'hanoc'h criminal da zaoulagad Doue. Beza eo memes evidoc'h ur sujet nevez a verit, mar chommit bepret soumettet d'e volonte.

Pa lavarar e carie ar Zent ar souffrançou, ne ententer qet e carient anezo naturelament.

Enno an den a hirvoude, mes ar c'hristen en en em rejouisse; an natur a resiste, mes ar gristeniaç a drec'he demeure an natur.

Sonjal a rit-hu ne voe qet va zeneridiguez meurbed bras var ar C'halvar?

Mar deo peb mam sansibl d'ar boanniou a andur e buguel, pegument e tleye Mam Jesus er beza pa er guele accablet a zismeganç hac a outrach!

Ret e vez bet caret Jesus qement ha ma carrien anezan, evit compren petra voe neuze an esces demeure va glac'har!

Jesus e-unan, e jardin an Olives, a lezas

agissa var e galon an aour demeure an tourmanchou hac eus ar maro.

Na fellezas qet dezàn e teujé e zivinite, pehini a roe ur pris infinit d'e souffrançou, da lemel ar santimant digantàn.

Va mab, sepet, en hoc'h afflictionou, ma fellezot ar peza a fell da Zoue, evel a fell dezàn, qement ha ma fell dezàn, n'en em droublit qet demeure ar peza a dremen ennoc'h en despet deoc'h.

D'an enipoent memes ma tiguez ganeoc'h da gonsanti d'ar buander naturel, n'en em digouragit qet. Se a vez ajouti, da impatientet an humanite, impatientet carantez hon-unan.

Un orgouill secret eo d'en em droubli, abalamour ne doar qet parfet.

Simpl oc'h, ha Doue a anav ho simpldet. Un den oc'h, nonpas un *Æl*.

An den ne deo qet evit tremen e vuez hep ober d'an nebeuta ur faut scanv benac, pegue-ment benac na zeus nicun e particulier na ell ha na dle da evita.

Ne doc'h qet bet concevet evel d'ou, en innoçanç, na delivret dre se demeure a bep panchant d'an drouc, demeure a bep simplidiguez propr d'an den.

Pa diguez deoc'h ober ur faut benac, goulennit pardon ouz Doue demeure hoc'h infidelite; promettit dezàn ar guellaen; implorit sicour e c'hrac, hac anfreit en ho peoc'h, en eur redoubli a vigilanç varnoc'h oc'h-unan.

Ret eo, pa zeus ur faut benac d'en em reprochi, imita grac Jesus, pehini a rebech, nonpas hepgen gant nerz, mes c'hoas gant douçder.

Ar

Ar c'hrac a fell dezi en em anavesser cou-pabl, hac e labourfet d'en em gorrija; mes na fell qet dezi e credfet e zeo disesperet oll, dre ma couezer c'hoas.

Va mab, pa vezot e demeurenç ar Zent, na bec'hot mui.

AR SERVICHER.

O! Rouanez ar Zent, pegue-ment e tale d'ou da veza eno, ha da veza delivret eus a bep aoun da zisplijont da Jesus, aoun qer spontus en draounien-mâ evit ur galon pehini a gar anezàn.

Mes pa zeo ret chom c'hoas var ar bed miserable-mâ, e pelec'h eo carguet eus a adversou-rien hac a zangeriou, assistit ac'hanon demeure ho protection em oll demarchou hac em oll gombatchou.

CHABISTR VI.

Penaus consideration Jesus crucifiet a anim da souffr gant fermder.

AR SERVICHER.

An douar a grèn da varo Jesus, an eol a guz, ar reyer a fraill, an natur oll a so digoncertet.

Mes beza e zeus var ar C'halvar un objet am- sco muioç'h eguet an oll burzudou-se.

C'houi eo, ô Mari! ô Mam vèrtuzus! a velàn e *qichen ar Groas*, a fell deoc'h beza test de- meus a dourmanchou ha demeure a varo Jesus, evit ober, betec ar moment diveza, ar sacrific d'an Tad eternal.

Penaus ec'h aljot-hu souten un herelep ar-

vest? eus a belec'h e teuas deoc'h un bevelep
fermder a gourach? Teurvezit en desqi da un
ene discaret gant an affliction, qerqent ha ma
zeo un nebeut glac'haret.

Allas! conseilli mad aoualc'h a ràn ar re-all,
pa edont en tribulation; mes pa en em gavan
va-unan, e collan courach, ha ne doun mui
nemet simplidiguez.

MARI.

Pebes stabildet, pebes constanc na voa qet
capabl da inspira din'ar guel hac an exempl eus
a Jesus crucifiet, pehini, goloet a c'houlou,
na lavare var ar Groas nemet comzou a beoc'h,
hac a c'houlenne pardon evit e vourrevien!

E gonsideri a ren gant attantion var ar Groas.
Treanti a ren a speret ebars en e galon adorabl;
hac e clasqen da guemer e oll santimanchou.

Desqi a ren eus a Jesus crucifiet, pehini a
sacrific qen generusamant e vuez evit an dud,
e creiz ar supplicou terrupla, da ober da Zoue,
gant generosite, ar sacrific demeus ar pezh am
boa a vuia talvoudec er bed, deus a Jesus e-
unan.

Va mab, imitit ho Mam; rac beza oun ho
Mam, abaoe ma roas Jesus qent mervel ac'ha-
non da Vam d'an oll gristenien e personach e
Zisqibl muia caret.

AR SERVICHER.

Ah! va Mam, va ingrateri am rent indign
da veza hanvet ho mab.

Re c'rusus oun e felle deoc'h souffr ac'hanon
en nombr demeus ho servicherien.

Teurvezit gouscoude caout evidon, dre vi-
sericord, ar vadelez eus a ur Vam pehini a gous-
serv bepret evit e buguel santimanchou tener,
d'ar poent na verit qet memes anezo.

MARI.

Va mab, selaouit gant attantion ar guen-
telliou e za ho Mam da rei deoc'h.

Pa edoc'h en affliction, dreist-oll pa santit
ho courach o semplât, qemerit ho crucifi en
ho torn.

Pellait demeus ho speret peb reflexion all nemet
an hini a zigass deoc'h an objet touchant-se.

Sellit var ar Groas-se an Tad ar muia ou-
trajet, ar mignon ar muia abandonet, ar mestr
ar muia dispriset, ar just ar muia persecutet.

D'ar guel-se, surprenet e vezot-hu, hac en
em glêm a reot-hu demeus a guement oc'h eus
da souffr eus abers an dud?

Mar oc'h eus da souffr demeus abers an drouc-
sperejou, guelit Jesus var ar Groas en preiz
d'o oll furorion.

Done, en punition demeus ho pec'hejou,
hac én a zigass deoc'h ur bunion temporel
benac? guelit e pezh stat e zeo en em laget Jesus
evit appesi coler e Dad, pehini, anes meritou
e varo, en devije punisset ho pec'hejou dre
bunionou eternel.

Pa reot reflexion, en eur velet ho crucifi, e
zoc'h bet prenet dre boanniou cruel eus a un
Doue memes, e concefet e zeo just en deve an
ene adprenet dre ar souffrançou, un heur
lidiguez benac gant e Redemptor.

Va mab, qen nebeut e zoc'h henvel ouz Jesus dre ar vertuziou, ma lavaro deoc'h ho crucifi, ebars en affliction, e zeo consolant da viana beza henvel un nebeut outàn dre ar souffrançou.

Mes n'en em gontantit qet da zerc'hel ar crucifi en dorn, ha d'en consideri; stardit anezàn var ho calon.

Sonjit ervad e zoc'h var ar C'halvar, hac e zeo permettet deoc'h poqat da dreid ho Toue souffrant hac o vervel evidoc'h.

Poqit d'e c'houliau sacr, ha goulennit outàn, dre veritou e hoad, an nerz hac ar gonstanc pere a so necesser deoc'h.

Ah! va mab! ma heuillit ar c'husuil-se, peguen vil benac ec'h elfe beza ho chagrinou, pe ho poanniou, e santot souden peguement int saluder.

CHABISTR VII.

Demeus a Garantez an adversourien.

Mari na elle caout a vrasoc'h adversourien eguet ar Pharisianet hac ar Judevien, pere o devoa conspiret a enep Jesus e Mab, hac o devoa grêt e gondaoni d'ar maro.

Mes unanet a santimant gant Jesus, pehini a garrie e adversourien, bete rei e vuez evit o silvidiguez, e lavare, gant gement a sincerite eveltàn: Va Doue, pardonit dezo (1).

Gallout a eller ivez lavaret e zoamp oll e ad-

(1) Luc. 23. 34.

versourien, pa zeo hon pec'hejou ar pen-caus eus a varo e Mab.

Gouscoude e zeo var ar C'halvar memes, hac e treid ar Groas, e qemerar evidomp ar santi-manchou-se a Vam, eus a behini e santomp bemdez an effejou.

Jesus ha Mari, ha d'o exempl an oll Zent, o devez laqet o c'hloar da bardoni an offançou. En em drompla rent-int er varnediguez a zouguent demeus ar gloar güirion?

C'houi so, ô va Doue, *leun a vadelez en andret an dud mechant hac ingrat* (1). Ar blijadur da ober drouc d'hor breur en deus hon offanset, hac en a ell ingali an hini da imita ar brasder demeus hon Doue?

Pa meus ar maleur da zont da veza hoc'h adversour, e rit usach demeus ho misericord em andret. Fleout a ràn-me caout distervez da ober evit va nessa ar pez a rit evidon?

Carout an nep am c'har, a so ur vertuz n'am laqa qet a uz ur payan. Ar pez a zisting ar c'hristen, eo un affection güirion hac effectif evit ar re a c'hoanta ober pe a ra drouc dezàn.

Mes, ô va Doue! se eo ivez ar pez na dhe beza nemet ar frouez demeus un doctrin oll celestial, hac an effet demeus ho craç, pehini a c'houlennàn ouzoc'h dre veritou Jesus ha Mari, a bere ar galonou a voa qen douç en andret o brassa adversourien.

Calon adorabl a Jesus, Calon carabl a Vari, ô Galonou qen mad ha qen generus en andret gement oll a so bet caus d'hoc'h eneres qen

(1) Luc. 6. 28.

cruelt laqit tremen em c'halon an oll brasder eus ho santimanchou.

Hiyisigen, pa santin ennon mouvamanchou ar gassoni hac ar venjanç, qerqent ec'h unanin a speret va c'halon d'ar c'halonou sacr-se; ha ne heanin d'e delc'hel unanet evelse, qen e devezo qemeret ar santimanchou a zouçder eus a bere e zint carguet.

CHABISTR VIII.

Demeus ar Feiz crén ha demeus an esperanç. beoec ebars ar circonstançou a seblant ar muia control d'an esperanç ha d'ar Feiz.

An Disqibien o devoa anavezet Jesus evit *Mab an Doue beo*; mes en amzer e bassion, infidel da gôvession o Feiz, e tissimuljont anezi, *hac e tec'hjont* (1).

Na voc qet evelse demeus a Vari; heuilla reas Jesus betec ar C'halvar, e pelec'h ec'h anavezaz anezàn evit e Redemptor, er gortos certen deus e resurrection, pa zeo guir en devoa lavaret e ressuscitje.

Goude maro Jesus, an Disqibien, daou da viana eus a bere e comz S. Luc, n'o devoa qen nemet ur restad a esperanç da velet en em accomplissa ar pezh en devoa Jesus diouganet (2).

Mes Mari, hep santout nep troublen, a guen-delc'has da gredi ha da esperi fermamant penaus Jesus, pehini e devoa gullet o vervel ebars en

(1) Maz. 26. 56. — (2) Luc. 24. 21.

dismèganç, a ressuscitje, evel en devoa lavaret; ha penaus, goloet a c'hloar, e soumetje ar bed antier d'e Aviel.

Ar feiz-se eus a Vari, ferm en e frincipou, ha soutenet ebars en e essaou, a dle beza ar sqüer eus hoc'h hini.

Grit, en e exempl, ur brofession güirion, ha bezit prest, evelti, da rei, mar bes ret, madoù, enoriou, ar vuez memes.

Ma ne ro qet deoc'h an dud impi, a bere e zeo ar bed carguet, an occasion d'en em disclèria franchamant evit ho Feiz, da viana adversour ar silvidiguez a glasq alies ho tinerza dre douetou pere a laqa antren ennoç'h, var ar güirioneou revelet.

Crén ebars er feiz, resisit gant courach, ha tad ar guevier a dec'ho pell diouzoc'h (1).

Na examinint qet e inspiramanchou; mes qerqent disansavit, en presanç Doue, an oll douetanç a deu deoc'h en imagination, hac a deul ar speret mechant-se.

Dre an dianzav prompt-se, generus, sincer, ar feiz a gresco ennoç'h hac en em grénvao.

En em broposit er memes fêçon evit reol an esperanç, generus ha perseverant eus a Vari, e pezh stat a dentation, a sec'hder, a c'huervder, a zezolation ec'h elfec'h eueza.

En amzeriou-se a drubuill, radeuyo hoc'h ene, pell da blegà ha d'en em lezel discar, d'en em souten dre an esperanç, a behini ar fondamant, pehini eo fidelite Doue, en e bromessaou, da subsista atau eviti.

(1) 1. Pér. 5. 9. Jacq. 4. 7.

Implorit sicour Doue, ha va douetit qet penaus e visericord na denno ac'hanoc'h demeus ar pridiridiguez-se ha demeus an dangeriou-se; pe n'ho protejo betec ar fin, evit e c'hloar hac evit profit hoc'h ene.

Doue a hermet n'en em gafet ur vech benac en un extremite derrubl, evit laqat da anavezout guelloc'h ar pezh a dle un esperanc ferm ennàn, ha da zisqeus ar garantez a Dad a zoug deomp.

Ur vertuz eprouvet a c'hounit calz muioe'h calon Doue eguet un devotion dener.

CHABISTR IX.

Penaus e tleomp supporti ar c'holl a reomp demeus an dud a so qer deomp.

Jesus a voa maro. O! peguen hir e tleas beza da Vari an amzer a dremenas, etre maro Jesus hac e resurrection!

Jesus a voa maro. Mari e devoa collet ar Mab ar muia carabl hac ar muia caret.

Tristidiguez David, da varo Absalon, hirvoudou *Rachel e deveus collet e bugale* (1), netra na ell rei un ide just demeus ar stat trist ha glac'harus e pehini en em gav Mari, pehini na vel mui Jesus, ha ne gleo mui o comz!

Mes Mari n'e devoa netra collet demeus e vertuz en eur goll Jesus. E feiz, e esperanc, e resination, a voe e souten hac e c'honsolation.

O c'houi! pere a vouel ar c'holl oc'h eus grêt

(1) Jerem. 31. 15.

demeus a ur mab, demeus a ur pried, demeus a ur mignon tener ha sincer, na meus gard da gondaoñi ho taelou.

Joseph a vouelas var bez Jacob e dad. Augustin a leusgas daelou da varo Monica e vam.

Mes disqit deus Mari, pehini e deveus collet Jesus e Mab, hac ennàn e oll denzor hac e oll c'honsolation, penaus e tleit supporti hac appesi ho chagrin.

Carout a rec'h ar personach-se, a anlev ar maro diganeoc'h. Mes ober a re-hi hoc'h oll joaüstet var ar bed?

E c'harout a reoc'h-hu muioe'h eguet Doue, pehini en deveus permettet ar separation-se evit résonniou pere a dleit adori?

E c'harout a rêc'h re; hep douet. Ho taelou qen c'huero, qen abundant; pere na zizec'hont qet, a so ur breuven eus a se.

Marteze e voa un ampechamant vras d'ho perfection, pe memes d'ho silvidiguez. Ouz er lemel diganeoc'h, Doue en deveus tennet an ampechamant-se.

Beniguit qentoc'h e visericord; profitit demeus an affection-se, evit n'en em stacoc'h mui da netra a guement a vezo deus ar bed. En em staguit hepgen d'an hini *a behini ar bloaveziou na echu qet* (1). Pe, en amzer da zont, mar carit eure benac gant Doue, n'er c'harit nemet abalamour ma permet Doue deoc'h carout anezàn. Carit Doue ennàn, ha carit-àn en Doue.

Pa garer evelse, e zoar atau disposet, petra benac ma coust d'an natur, d'en em separi de-

(1) Hebr. 1. 12.

meus an objet legitim eus an affectionou, pa en ordreno Doue.

Da zeiz ar sacrific ar galon a hirvoud, guir eo, hac an daoulagad a deu da scuilla daelou. Felvezout a rêr gouscoude ar pez a fell da Zoue; hac ar sonjeson demeus ar volonteiz divin-se, pehini en em accompis, a voder an daelou hac an hirvoudou.

CHABISTR X.

Ar gonsolation a deu goude an dribulation; hac e zeo ret gouscoude gouzout souffr hep gonsolation.

AR SERVICHER.

En em rejouissit, Rouanez an eê, demeus ma zeo ar Mab oc'h eus meritet da zouguen en ho creiz, hac eus a behini ar maro en devoa coustet deoc'h qement a zaelou, a so ressus-citet, evel n'en devoa er promettet.

Jouissit en peoc'h demeus an hentadurezou a galon en devezo ganeoc'h, betec an dervez e pehini e pigno d'an eê.

Just eo e participec'h muioch eguet peb all d'e joa en e Resurrection, rac ma oc'h eus partajet muioch eguet hini all ebet e zismegançou ebars en e bassion.

MARI.

Va mab, Doue a so gant e vignonet ebars en tribulationou (1), evit o c'hrénvât dre oie-

(1) Ps. 90. 15.

tion e c'hrac hac evit laqat succedi ar gonsolation d'ar glac'har, ar peoc'h d'ar brezel, an dougerd d'ar c'houervdet.

Selaouit ar Profet, pehini a lavar penaus Doue en deveus scuillet e gonsolation en e ene, e proportion eus an afflictionou en deveus digasset dezàn (1).

An Autrou, a lavar en c'hoas, a abandon ur vech benac ar just d'ar fourgas; mes ober a ra dezàn erfin caout ar c'halm (2).

AR SERVICHER.

Guerc'hes meurbed eurus, anavezout a rit ar hoanniou a anduràn abaoe pell-amzer, mes n'o guelàn qet heuillet qet gonsolation.

MARI.

Va mab, na santit qet consolationou sansibl; mes beza oc'h eus ar gonsolation solid da sonjal penaus an tribulation a rent ac'hanoc'h hanval ouz-Jesus, hac ho talc'h en hent an eê.

Ar gonsolation goude an tribulation ne deo qet a-hend all en urz ar Brovidanc; n'en devez Doue avichou lezet e servicherien da souffr, hep ober dezo tãva an dougerdiou-se eus a bere e comzit.

Beza e zeus Sent o deus tremenet dre desert-chou sec'h bras, hep cavout hepgen ur strill demeus ar glizei-se.

Mignonet Jesus na dleont qet hevelebecat da vignonet ar bed, pere na fell dezo qemer nep poan evit o mignonet, nemet e qement ma es-petont da veza recompanset evit ar c'henta-

(1) Ps. 93. 19.

(2) Ps. 54. 23.

En em reposit eus a oll var ar Brovidanç. Pa vezo ar gonsolationou nesser deoc'h, pe memes util, ho pezo anezoi.

Beza ho peus en ho poanniou graç Jesus, pehini a souten ac'hanoc'h; *hac e c'hrac a suffis deomp* (1).

Ar Sent a so bet lezet gant Jesus da souffr hep gonsolationou sansibl, a gave gonsolationou da nonpas o c'haout, rac gouzout a rent penaus o c'harantez neuze a voa brassoc'h ha purroc'h.

Gortozit c'hoas ur pennad amzer; gortozit an effet eus ar bromessaou en deveus grêt Jesus d'ar re-a souffr.... Prepari a ra deoc'h ehars en eê an abundanç demeus an oll douger ha demeus an oll madou.

A hend all, vâ mab, ur pec'her eveldeoc'h hac én a ell goulén beza consolet?

Tleout a ra beza ur gonsolation evit ur pec'her penitant, da sonjal penaus, en eur souffr hep gonsolation, e satisfi muioc'h e bec'hejou.

CHABISTR XI.

El lec'h ma edo hon tenzor, eno e mâ ivez hor c'halon.

Goude m'en devoe Jesus quittêt an douar, sonjesonou Mari, e sellou, e affectionou en em dougue hep cess varzu an eê.

C'hoantât a rê stat an Elez hac ar Zent, pere a jouisse demeus a bresanç e muia-carez (2).

(1) II. Cor. 12. 19. — (2) Cant. 5. 8.

hac

hac e *conjure* anezo da lavarèt dezi pegument e *languisse* hi en e absanç.

Petra a elle ar bed da bresanti dezi, hac a elje plijout dezi? Pa na garer nemet Jesus, na c'hoantaer mui nemetàn.

An hini a ra var an douar e denzor demeus a c'hrac hac eus a garantez Jesus, n'en deveus guir chagrin nemet d'en em vèlet privet demeus ar boneur eus e bresanç.

Da c'hortos ar maro, a dle hon unissa d'an objet divin-se, cassomp dezàn continuelamant, èvel Mari, an aspirationou demeus ur galon pehini a glasq anezàn; a zezir anezàn, hac a languis da nonpas e vèlet.

Perac na meus-me qet diou-esqel, evel ar goulm (1)? *Qemer a raen va nich, hac e yefen da guemer va repos* en ho qever, ô va Zalver!

Ar boneur-se hac én a vezo pell-amzer c'hoas differet? Pried va ene hac én a zaleo da lavarar dezàn: Cetu aze ma teuàn (2) da echui da viseriou?

Ar *Pried a lavar*: *Deuet*. E hirvoudou, e huanadennoù a lavar hep heani: *Evelse bezet grêt*. Deuet, Autrou Jesus (3).

Ma na ellàn ho quelet soudén, da viana, me ho caro atau. Va c'harantez a vezo va c'honso-lation etro pad va exil.

Pell demeus va c'halon pep carantez all nemet an hini a excit ho crac. Graç eus va Doue, al-lumitatau davantach em c'halon an tân divin;

(1) Ps. 54. 7. — (2) Apocal. 22. 22.

(3) Apocal. v. 17. hac 20.

hac an tñn divin-se ra ello souden va c'honsumi!

Beza e zeus gouscoude, Autrou, ur garantez all pehini a ellàn hac a dleàn laqat em c'halon gant hoc'h hini. Nan, n'en deo qet partagi va c'halon, e rei ive da Vari.

Mar caràn ac'hànoc'h, e tleàn carout ar pez oc'h eus caret; hac e tleàn carout spicialamant ar pez hoc'h eus spicialamant caret. Hogen Mari a so bet muioc'h eguet an oll Ælez hac an oll Zent, objet ho faveuriou.

Rei a ràn da Zoue va c'halon hac e oll affectionou; én eo ar Mestr ar muia carapl, ar muia dign da veza servichet: va Zalver ha va Doue eo.

E rei a ràn goude Jesus da Vari; hi eo Mam va Doue; hi eo ar Guerc'hes santela, hac ar muia dign demeus ar bed oll.

CHABISTR XII.

Demeus ar voyen da laqat disqen varnomp ar Speret-Santel.

Jesus en devoa promettet digas ar Speret-Santel. Mari, evit e receo, en em dennas gant an Ebestel er Cenacl.

Er silañ ar retret eo e car ar Speret-Santel en em communica.

Mari a voa *leun a c'hraç*, a so guir; mes peguen abundant benac e vez en un ene an nerz eus ar Speret-Santel, an ene-se a ell c'hoas receo re nevez.

Recevet oc'h eus digant Jesus un niver bras

a c'hraçou, rac beza e zoc'h bet fidel en e servich. Perseverit en ho fidelite; miret a ra c'hoas deoc'h un niver bras. Tenzor donezonou Doue n'e deo james disec'h.

Mari hac an Ebestel a bede er Cenacl. *Pedi a rent hep cess* (1). *Pedi a rent gant ardor.*

An Tad celestiel a royo ar speret mad d'ar re er goulenn digantàn (2). Mes ur mad qer bras a verit hep douetanç er goulenset gant ardor, ha ma vez grêt, evit en obteni, poursuou alies.

Speret divin, anavezout a ràn gant qeuz penaus va infideliteou d'hoc'h inspirationou am rent indign demeus ho tonâsonou.

Mes hirio ec'h unissàn ar beden a ràn deoc'h d'o accordi dîn d'an hini a rê Mari deoc'h ebars er Cenacl. Va feden a vezo agreapl deoc'h, hac e teuot favorabl dîn.

Deuit, Speret a Garantez; mouguit ebars va c'halon an tñniou divoder am rent insensibl d'ar flammou eus ar garante divin; ra vezo ar garante-se evidon, evel evit Mari, ene an oll actionou eus va buez.

Deuit, Speret a zêl; roit dîn an ardor-se e devoe Mari da ober anavezout, adori ha carout e Mab Jesus.

Deuit, Speret a nerz, Speret a gonsolation, pehini a soutenas hac a gonsolas Mari er hersecutionou o devoe ar Gristenien guenta da anduri.

Crénvait va ene pehini en deveus aoun rac ar

(1) Act. I. 14. — (2) Luc. II. 13.

souffrançou; disquit din santifia poanniou ar vuez-mâ.

Treantit ac'hanon demeus ar vouirioneou bras-se; penaus hep souffrançou, ne zeus qet a garantez nerzus evit Jesus, hac e zeo absolutamant ret souffr ha combatti evit trec'hel ha beza curvnet.

CHABISTR XIII.

Demeus an daou exerciç principal eus an Devotion solid.

Al Levriou Santel na gomzont qet deomp a Vari. Na ouzer diouti, abaoe an amzer-se, nemet ar pezh o deus scrifet un Tad Santel benac.

Na rapportomp qet amâ ar pezh a lavaront deomp demeus e orêson cuntinuel, demeus e mortification, demeus ar c'helennadurezou a roe d'an Ebêstel, demeus a occupationou e devotion.

Mes sonjomp demeus an degreou nevez a perfection da bere e fleas en em sevel betec an huanaden diveza, dre ar vertusioù burzudus hon eus consideret enni bete vrema.

Sonjomp enno dre c'hraçoù ha donesonou ar Speret-Santel, pehini a recevas deiz ar Pantecost. O receo a eure en calz muioc'h a abon-danç eguet an Ebêstel memes, rac beza e voa muioc'h disposet egueto oll assambles.

An Avel a lavar deomp penaus Anna, merc'h da Phanuel, o veza intanvez, na sortie qet de-

meus an Templ, hac e serviche Doue nôs-deiz er yun hac er beden (1).

Petra eta lavaret eus a Vari, an Templ-se eus a Zoue, beoc hac animet!

Petra lavaret demeus an actou a vertus a braticas betec ar maro; dreist oll evit ar pezh a sell an orêson hac ar vortification eus ar sqiantchou, eus ar Speret, eus ar galon, diou vertus pere a so evel an daou benn var bere e tro an devotion!

Ar Scritur a unan anezo alies assambles; ha marcavomp gementa zifficulte en pratic an daou exerciç-se, e zeo peurvuia dre na ouzomp qet o unani.

Ar mortification a zigach ar speret, hac en rent propr d'ar beden. Ar beden a obten an nerz necesser evit delc'hel ar sqiantchou dindan yeog ar mortification.

Ma n'en doc'h un den mortifiet, penaus e tistrujot-hu an ampechamanchou a oppos an natur ennoc'h da operationou ar grac?

Ha ma na rit un usach frecant demeus ar beden, penaus ho pezo-hu sicourioù an eê, eus a bere oc'h eus ezom evit antrepreni combatjou a enep deoc'h hoc'h-unan, evit en em souten er gombatjou-se, hac evit perseverienno!

Ma fell da eure benac bale var va c'hamejou, a lavar Jesus, ma renonço dezàn e-unan, ma tougo e groas bemdez, ha ma heuillo ac'hanon (2).

Mar en deveus unan benac, emezàn, dre

(1) Luc. 3. 36. (2) Luc. 9. 23.

c'henou e Ebestel, ezom eus a furnez, ma c'houlenn digant Doue, pehini a ro d'an oll en abundañ, hac e vezo roet dezàn (1).

Ar stat-se eus a vortification hac a grucifi-mant, a hirvoudou hac a beden eo, a ra ar güir devotion; rac se eo a ranferm an obligationou essantiel d'ar gristeniañ. Peb devotion na dis qet eno, a so ur fals apparañ, rac ar fount eus an devotion na gonsist qet da santout certen consolationou, certen c'hoantchou dre rapport da draou Doue.

An devotion essantiel a gonsist en ur voutez determinet d'ar vad, prim ha fidel da bratiq ar vertuziou; ha dreist oll, demeus ar re a c'houlenn Doue diganeomp muioc'h spcialamant.

CHABISTR XIV.

Demeus ar breparation d'ar maro.

Oll buez ar Verc'hes Santel a voe ur breparation cuntinuel d'ar maro.

Nac a veritou na c'hounezas-hi qet ebars en eur vuez a dri-uguent vloas hac ouspen, tremenet en oll ebars en exercic ar garantez divin!

E c'harantez evit Doue a gresqe bep moment, hac en em gavas qen parfet d'e maro, ma varvas calz nebeutoc'h dre ur fillidiguez naturel eguet dre un transport a garantez violant.

Imitit ar Verc'hes-se, en eur gonsacri da Zoue oll momentchou ur vuez n'en deveus qet

(1) Jacq. I, 5.

roet deoc'h evit dont da veza pinvidic var an douar, evit beza enoret, estimet, meulet; mes evit e servicha, hac acquisita en e servich ar gurunen a immortalite.

Possedit-oll madou ar bed-mâ; rënit var oll bobliou ar bed antier: da boent ar maro, petra a chommo ganeoc'h-hu? quittä a reot oll dre fors, ha qement a vezo ho quittäyo.

Na chom da heur ar maro evit oll vad, nemet ar pezo bet grët evit Doue epad ar vuez.

Deuit da veza fur divar goust qement a gristenien, pere na sonjont qet er maro reservet e fin ar vuez, hac a varv gant ur c'heuz da nonpas beza roet nemet un dervez benac, nemet un heur benac, marteze, da affer bras ar silvidiguez, evit iscu pehini ne deo qet re labourat epad ar vuez oll.

An niver eus an dud disqiant a so infinit (1). An darn-vuia eus an dud a so henvel ouz an hini a sonchfe d'en em brepari evit ur veach; pa vez erruet an amzer da bartial.

Henvel int ouz ur c'hriminal a outrache e varner, var ar poent da veza barnet, pe a furme sonjesonou a zivertissamant, var ar poent da veza cunduet d'ar chaffaud.

Ret eo tremen ar vuez en eur sonjal ec'h echuo; ha n'en em stagot qet diouti.

Ret eo tremen ar vuez en eur sonjal en eternite a heuill anezi, hac e vezo tremenet e guir Gristen.

Calz a dud a zioual da sonjal er maro; rac aoun o deus outi. Mes ar voyen da nonpas

(1) Eccles. I, 15.

caout aoun outi, eo da sonjal alies enni, ha d'en em brepari dezi cuntinuellamant.

Sonjit ervad penaus ar pez a ra hirio ho plijadur, a rayo d'ho maro ho chagrin, nemet ho plijadur a vez hirio e pratiq ar vertuz.

Proffit et a ervad demeus an deizioù a ro Doue deoc'h c'hoas, evit ma ho pezo, d'ho maro, sujedou a gonsolation.

Na ellit qet guervel an amzer dremenet; mes ellout a rit er repara. Ar vuez ne deo nemeur hirrê deoc'h nemet evit se.

Pedit Rouanez an cê da renta graçou da Zoue evidoc'h demeus an amzer-se a les c'hoas ganeoc'h evit en em brepari d'en em disquez dirac e dribunal. Pedit-hi da obten deoc'h ar c'hraç da ober un usach santel eus anezi.

Ober a reot un usach santel eus anezi, ma rit hoc'h oll actionou, evel pa dlefe peb-hini beza an diveza demeus ho puez.

En em exercit, dreist-oll, alies, ebars en actou a feiz-se, a esperanc, a garantez, pere a dle anima buez ar c'hristen.

Da heur ar maro e rêr goulactou fall a vertu, ma ne zoar qet en em exercet dezo epad ar vuez.

CHABISTR XV.

Demeus a zouçter maro ar re just.

Ret e ve compren peguement Jesus a garrie Mari, evit en em furmi un ide benac demeus an deliçou digomprenabl eus a bere e cargaz e ene en heur ar maro.

Ret e ve compren peguement Mari a garrie

Jesus, evit en em furmi un ide benac demeus an transport nerzus ha santel demeus e ene, en eur dostât eus ar moment eürus a dleze e unani, evit un eternite, d'an objet unig demeus e c'harantez.

Petra a ellie beza an aoun eus ar Verc'hes santel-se, pa sonje penaus an oll momentchou demeus e buez a voa bet evit Doue; penaus n'e devoa clasqet var ar bed joa all ebet nemet an hini d'en em renta bepret agreaploc'h da zaoulagad Doue!

O va ene! mar fell deoc'h, d'an deiz ma quit-taot ar vuez-mâ, participa d'an deliçou, d'an douçder, d'ar gonsolationou a voe d'ar maro partach Mari, na laqit qet brema ho poneur e madou ar bed-mâ.

Ra varvin eus a varo ar re just (1). Se eo ar beden a ra an oll Gristeniën. Mes, ra vevint evel ma vev ar re just, hac e varvint evelto.

Stat meurbeed terrubl hini ar pec'her a varv! Poanniou ar c'horf a souffr ne dint qet ar re, o zourmant ar muia. E speret a ra dezàn souffr poanniou meurbeed grevussoc'h.

Pebes maleur! pebes disesper! collet en deus, evit satisfactionou passager, evit plijadurezou ur moment, madou infinit a elle gounit, hac e ya da guez a ebars en un abim a boanniou, pere a elle da evita.

Mes stat meurbeed consolant hini un den just, pehini, goude ur vuez carguet a zangeriou hac a souffrançou, a jous demeus a desteni ur goustianç tranqil.

Pec'het en deus epad e vuez, grevusamant marteze, hac alies; mes n'en deus qet gortozet ar maro evit ober pinigen demeus e bec'hejou.

Ar sacrific memes a ra demeus e vuez gant larguentez, sacrific pehini a unan-en speret d'an hini a eure guechal an Doue grêt den var ar groas evit e silvidiguez, a so evitan ur sujet da esperi er visericord infinit a Zoue.

N'am bize bigen sonjet, a lavare da heur ar maro ur servicher bras da Zoue, e vije qement a zouder o vervel.

Pa zeus bet dalc'het al lampr prest clos, na zeus qet aoun da glêvet lavaret : Cetu amâ ar pried o tont; hit d'en diarben.

Da heur ar maro e starder gant plijadur ar crucifi var ar muzellou ha var ar galon, pa zeus tremenet ar vuez oc'h imita Jesus crucifiet.

Jesus a so da heur ar maro an objet unig eus an oll desirieu, d'an ampoent ma zeo bet etro pad ar vuez an objet unig eus an affectionou.

Mar qirit mervel gant confianç en Doue, bevit e doujañ Doue hac e carantez Doue.

Bevit en eur souffr, mar qerit mervel en eur garout. Bevit gant fervor, ma fell deoc'h mervel gant douçder.

CHABISTR XVI.

Demeus an desirieu santel eus ar maro.

AR SERVICHER.

Mani dener demeus ar muia-carez eus ar vugale, ho muia-carez en em rentas enfin da hastidiguez ho carantez.

O, c'houi, pehini so caret gant va ene, a lavarec'h-hu dezân, bep moment, abaoue ma en devoa quitiêt ar bed, grit din guelet de-meurañ ho repos eternal (1).

An demeurañ eürus-se en em digoras enfin evidoc'h. Hoc'h hirvoudou redoublet a obtenas fin hoc'h exil; hac e rentjoc'h, etre daouarn Jesus, an huanadennou diveza demeus a ur galon treantet deus ar garantez ar muia ardant.

Allas! pa zeo carguet ur galon a garantez evit Jesus, petra e deus-hi da zezirout var an douar, nemet heqen possession Jesus memes?

En em gonsoli a rêr un nebeut demeus e ab-sanc, en eur sonjal e zeus lec'h da gredi e vever ebars en e garantez; mes peguen hir e seblant deizioù ar vuez; pa songer penaus boneur e bresañ a zo c'hoas daleet evit pell-amzer!

Ha pa en em bresantse din oll madou ar bed evit va renta an eürussa demeus an oll dud, e seblant din e lavarfen bepret : *ar guella evidon e zeo da vervel, ha da veza gant Jesus-Christ (2).*

Beza gant Jesus-Christ, an Tad qer mad-se, ar mignon qer tener-se, ar mestr qen larg-se, ar Zalver qer carabl-se; jouissa demeus e bresañ, e garout da vigen! ô Rouanez ar Zent! an douar, ar bed hac int a ell oll offr din madou a vez comparabl?

Ah! ra deuyo evit ar c'henta evidon *rên va Zad, pehini so en eê!* Goulennit evidon, Rouanez majestuous, ma vezin evit ar c'henta test demeus e c'hoar.

Güir eo penaus, demeure a ur pers, mar tesiran ar maro, evit beza eurus gant Jesus, demeure a un all e toujan an effortchou repetet a ra adversourien ar silvidiguez d'ar maro evit coll ac'hanomp.

Mes esperi a ràn en misericord ar Redemptor; hac ec'h esperàn en hoc'h intercession.

MARI.

Ia, va mab, esperit, hac esperit fermamant. Ma deo Jesus ur barner redoutabl, e zeo ivez ur barner leun a vadelez.

Conservit muioc'h an aoun rac e varnediguez, mes ma trec'ho an esperanc hac ar garantez var an aoun.

Doujit, mes carit c'hoas muioc'h; ha na ellit get temoigni muioc'h ho carantez da Jesus, eguet o souheti d'er guelet souden e creize d'riomphou, ha da guittat ur bed e pehini e zeo qer facil d'en em bellat demeure ar fidelite a dleer dezàn.

Mar doc'h carguet demeure ar santimanchou-se, va mab, bezit certain penaus Jesus ho tifenno a enep d'hoc'h adversourien en amzer ar maro.

Implori a rin va-unan neuze e sicour evidoc'h; rac beilli a ràn e peb amzer var va bugale, mes dreist-oll en heur ar maro.

CHABISTR XVII.

Demeus a c'hloar an Ee.

AR SERVICHER.

Renit, Mari, ebars an eêvou, a uz ar Batriarchet, eus a bere oc'h eus surpasset ar fidelite,

lite, ouz ar Prophetet hac an Ebestel, eus a bere ho poa surpasset an oaz.

Cetu c'houi eta, Guerc'hes santel, en possession demeure ar gloar a brepare ar remunerator souveren d'ho vertuziou ha d'o meritou!

Oh! peur e ellin-me, test demeure ar gloarse, contempli, gant an Ælez hac ar Zent, hac admira ar stat eurus-se!

Ar renq huel e pehini e zoc'h savet ebars en eê n'e deo qet ur faveur hepgen e zeo felsezet da Jesus ober d'e Vam; dleet e voa da guement oc'h eus grêt evit respont da choas ha da zeseignou Doue.

Nan, na vijec'h qet placet eno, ma vije bet ar galite a Vam divin un titr van ennoc'h; ma n'ho pije bet gant ho Mab divin, dre un imitation fidel eus e vertuziou, ar brassa henvelidiguez.

Ar santelez demeure ho puez a so bet ho merit principal dirac un Doue a bep santelez.

MARI.

Va mab, na antreer ebars en eê nemet goude ma zoar en em santifet var an douar.

N'en deo na d'ar renq, na d'ar madou, na d'an talanchou, ec'h accord Doue an antre en demeuranc eelestiel; mes d'an usach santel e zeus bet grêt eus anezo, d'ar meritou e zeus acquisitet epad ar vuez.

Doue a varn calz differamant eguet an dud. Ar re-mâ en em arrêt ar peur-liessa en diavès eus an apparanc. En hepgen eo an appreciatour just demeure ar merit ha demeure ar vertuz.

Destina a ra deoc'h recompançon bras; mes felsezout a ra dezàn e veritec'h anezo.

Menagi a ra deoc'h, evit ma veritot anezo, graçou ha sicouriou; ma rit usach vad eus anezo, ec'h effectuo e bromessaou.

Güireo e curuno ennoc'h e zonesonouprop; mes recompansi a rayo er memes amzer ho vertuziou hac hoc'h œuvrou mad.

Delc'hel a ra ur gont fidel demeus a guement a rear evitan. *Ha na-vez nemet ur banne dour roet en e hano*, ar banne dour-se e devezo e recompañ.

Peguer consolant e tle beza evidoc'h, va mab, da labourat evit ur mestr qen mad, qen liberal ha qer magnifiq!

Ar bed, da behini e clesqer qement carout, a recompañ fall e servicherien; mes c'houi, c'houi a ell lavaret: *Gouzout a rân (1) da biou e zoun-en em adreset, hac e zoun-certen penaus depot va meritou na berisso qet etre daouarn ar mestr a servichân.*

Depord a rân demeus e visericord ur gurunen eternal, hac ur gurunen pehini a vezo seulvui eclatant, ma vezo bet va fidelite muioch'ac-qedus ha muioch' constant.

En em examinit bremâ oc'h-unan, ha guelit petra a rit evit ramporti hac obteni ar pris en deveus proposet deoc'h.

Pelec'h e mâ ho victoriou? Petra eo hoc'h œuvrou mad? Peseurt vertuziou a bratiqit-hu? da lavaret eo, peseurt meritou ho pezo-hu da bresanti da dribunal Doue?

AR SERVICHER.

Allas! na ellân qet, hep ar brassa confusion,

(1) 2. Tim. r. 2.

sonjal en nebeut ameus grêt bete vremâ evit meritout recompañ an eê.

MARI.

N'en em digouragit qet, va mab. Emedi c'hoas en ho pouvoar da obteni anezo.

Ar graç a gomz ouzoc'h; ho pressi a ra; bezit fidel d'e mouez.

Pedit, gouelit, labourit, souffrit, sacrificit, baleit var trejou ar Zent, hac ec'h erruot, evelto, en termen an eürusdet.

AR SERVICHER.

Sortial a rân anfin dindan ho protection demeus ar stat a inaction e pehini emeus bevet bete vremâ.

Tachout a rân, gant ho sicour, da zizomagi, dre va fervor, ar bloaveziou a sec'hor ameus da zeplori.

Eves bras, daelou, humilite, mortification, patiantet da supporti an tribulationou, oh! peguement e yez an dra-se recompanset dre ur moment benac heppen demeus ar boneur-se a bartach ar Zent da james gant Doue!

Mes dreist-oll, ar mestr ameus da servicha, peguement na verit-én qet dreizân e-unan ma clasqin e garout!

Ah! me fell din e servicha, me fell din en em efforci da blijout dezân, muioch' c'hoas evitan e-unan eguet evit ar vad-oberou infinit a brepar d'am fidelite.

FIN EUS AN DRIYET LEVR.



Guerc'hes Vari, Mam a druez,
 Refuch an oll bec'herien,
 Chom a rin epad va buez
 Etouez ho servicherien;
 Hac evit ma vezin salvet,
 O caout deoc'h devotion,
 Me ho suppli d'am c'hemeret
 Dindan ho protection.



IMITATION

AR

VERC'HES SANTEL.

PÈVARE LEVR,

E pehini e zeo comzet demeus ar santimanchou a respect, a estim, a zèl, a garantez, a deneridiguez hac a gonfianç, eus a bere e tleomp beza penetret evit ar Verc'hes Santel.

CHABISTR I.

Demeus a Buissanç Mari.

AR SERVICHER.

Pe seurt santimant benac hor bez diouzoc'h,
 Guerc'hes Santel, na ingalint bigen ho puissanç.
 Bepret e vezint dindan an oll ideou a el-lomp da gompren.

Evit comz dignamant diouzoc'h, e vez ret laqat compren ar peza so a vrassa goude Doue,
 ar peza so a admirapla en graçou, en perfectionou, en puissanç, en gloar.

Diouzoc'h-hu eo ganet Jesus! Ma na lavar get an Aviel davantach var ho meleudiou, pehini eo a zisq deomp ar virionez-se, e zeo dre ma suffis ar gomz-se hepgen evit fonti an oll meleudiguez a eller rei deoc'h.

Ho tignite a Vam da Zoue ne deo netra ne-beutoc'h nemet ur seurt neçzanded gant ar mestr souveren. Effet ar galite a Vam divin eo da dos-tât ar muia ma zeo possubl demeus an divinité.

An dignite-se e devezs grêt deoc'h contracti gant Doue un alliañç estranch, e vertuz pehini e zoc'h deut da veza Merc'h d'an Tâd, Mam d'ar Mab, Pried d'ar Speret-Santel, demeus ar fêçon admirabl-se pehini ne deo propr nemet deoc'h-u.

E vertuz an alliañç-se e zoc'h realamant Rouanez ar bed, Rouanez an cê.

Lavaret e zêo ganet *Jesus eus a Vari*, e zeo lavaret penaus Mari na vel nemet Doue a uz dezi.

O Mam Guerc'hes! an hini eus an Ælez pehini a zo a uz an Ælez al len graçou-hac e perfection, na ell beza nemet e renç ho servicherien, gement e zeus a zistang etre c'houi hac én.

Jugi a rân demeus ho prasder dre vrasder ho Mab, pehini a zislam necesseramant varnoc'h hoc'h-unan. Dre excellanç ar Mab, ec'h ana-vezer ar Vam.

Compren a rân hep poan penaus ar galite burzudus a Vam Jesus eo ar sourcen demeus ar graçou e zeo plijet da Zoue ho peurgarga, demeus an oll privilachou ha demeus an oll superiolachou dre bere en devezs gemeret plijadur d'ho tistingui.

Ha penaus oc'h eus er galite-se ur seurt do-mani var an oll denzorion a c'hraçou a bere e zeo Jesus ar mestr, hac ur pouvoar absolut a intercession en e guever.

Compren a rân penaus certen lezennou ge-

neral, pere so punitonou deus ar c'henta pe-c'het, n'o devezs qet ellet sellet diouz Mam va Doue, Mam qer carabl, Mam qer caret, hac expressamant destinet da ur choas eternal evit er beza.

Hac o veza roet da Zoue ar vuez-se dre be-hini en deus hon adprenet, e verifit douguen an titr eus a *vediatourez ar silvidiguez*, hep do-mach gouscoude eus ar galite a seul hac unig mediatour pehini, er sans propr, na gonven nemet d'ho Mab.

Mes penaus compren oll elevation ho tignite? Ah! gement a zeus a so qer bras e Mam Doue, ma en em gontant ar Seraphinet o-unan da ad-mira.

Suja a rejot c'houi hoc'h-unan e presanç ho gininterv santel Elizabeth, gement oll en devoa grêt Doue evidoc'h d'ar gomzou-mâ heppen : *An oll-galloudec en devezs operet em faveur burzudou bras.*

Hac an Ilis, en despet d'ar garantez a zoug deoc'h, hac ar zêle devezs evit ho cloar, a so con-traign da anzav penaus, pa gonsider oc'h eus *douguet ebars en ho creiz an hini na ell qet an eêvou da gonteni, na vour qet peseurt expri-miguez implich evit publia ho meleudiou.*

O Mam admirabl eus va Doue! en em santout a rân touchet en ho presanç, bete fonç va ene, deus ar brassa hac an douça admiration.

D'ar guel eus ho prasder ha demeus hoc'h elevation, e zoun sesiet demeus a ur spont hac eus a ur respet am dalc'h evel neantet ouz ho treid.

CHABISTR II.

*Demeus ar mercou a henvelidiguez a zeus
etre Jesus ha Mari.*

AR SERVICHER.

Pa gonsideràn .Guerc'hes divin, ho qinive-
lez, ho puez, ho maro, ho cloar ebars en eê, e
cavan etre Jesus ha c'houi mercou a henveli-
diguez pere am ravis.

Unisset oc'h bet d'ho Mab en decrejou eternel
eus ar Brovidanc. *Doüe* (1) *en deveus va fos-*
sedet adalec ar gommançamant eus e zessei-
gnou, alavar ar Furnes eternelen text sac. Beza
oun bet specialamant predestinet adalec an
eternite. D'ar c'houlz ma tole Doüe ar fonda-
mant eus ar bed oll, eê'h antreen en e zessei-
gnou hac en e sonjesonou. Exprimidiguezou
pere a gonven da Jesus heppen, mes pere a
applig an Ilis deoc'h.

Pegument a bromessaou hac a oraclou, a
figurennou hac a symbolou, el lezen ancien,
pere, en eur annonci Jesus, hoc'h annonce
c'houi oc'h-unan!

Jesus a so bet dibec'h dre e natur; ha c'houi,
delivret dre c'hraç demeus ar pec'het originel,
oc'h bet exant eus a bep pec'het actuel, demeus
ar scànva pec'het.

Verb Doüe, ranfermet en hoc'h entrailloù
chast, n'en deveus grêt ganeoc'h, epad nao mis,
en hevelep fêçon, nemet ur memes tra.

(1) 1^{ap.} 9. 8. 9.

Epad e vugaleach, e vaguec'h anezàn demeus
ho substanc propr, pehini a deue e hini.

En e vuez cuzet, en deveus tremenet trêgont
vloas ganeoc'h; memes habitation, memes for-
tun, memes exerciçon, memes santimanchou.

En e vuez laborius, e partachot e labouriou,
gement ha ma voe possubl deoc'h, hac en e vuez
souffrant, e partachot e zismegañ.

Jesus a so bet an humpla, an douça, ar c'ha-
santezussa, ar patianta demeus an oll dud; c'houi
a so bet ar muia patiant, ar muia carantezus,
ar muia douç, ar muia humbl eus an oll graguez.

En Jesus emâ an assamblach demeus an oll
berfectionou divin, hac a bep eternite; ennoc'h-
hu, assamblach an oll berfectionou crouet, mes
demeus ur fêçon qen excellant, ma tisparis oll
berfectionou an Ælez dirac ho re-hu.

Jesus en deveus ho rentet qen hanval outàn,
dre ar brassa vertuziou, ma en deveus grêt
diouzoc'h un imach beoc dioutàn e-unan.

Evel Jesus, e zoc'h bet divoastapl ebars er
bez. Ressuscitet eodre e c'halloud e-unan: c'houi
a so ressuscitet dre ur privilach spicial en deveus
accordet deoc'h.

C'houi so pignet d'an eê, eveltàn, en corf
hac en ene. En a zo azezet eno en tu deou d'an
Tad; c'houi a so azezet en e guever.

Jesus a so oll-galloudec dreizàn e-unan; c'houi
a so oll-buissant dre ho Mab, pehini en deveus
hoc'h etablisset an dispensatoures demeus e
densoriou. En eo an Autrou demeus an eê ha
demeus an douar; c'houi so Rouanes an Æles
hac an dud.

Dre oll e pelec'h eo adoret Jesus, e zoc'h enoret. Neb calon consacret d'e garantez, na vez antieramant en em roet deoc'h; pas a dempl savet d'e c'hloar, e pelec'h na vez un auter benac savet d'hoc'h hini.

Hano douc Mari a so diseparabl diouz an hano douc a Jesus, en guinou hac en calon ar güir gristenien.

An Ilis a unis alies en e officou santel ho meulodi d'an hini a ro da Jesus. Celebrï a ra mys-teriou ho puez, evel ma celebr mysteriou buez Jesus.

Jesus eo *Roue an oll amzeriou, autor ar graç, hon advocad e qever an Tad, an Doue a visericord, an Doue a bep consolation, ar sclerder eternal eus ar bed.* Hac e halvomp gant an Ilis, *Rouanez ar bed, Rouanez an eë, hon advocades, Mam a c'hraç, Mam a visericord, consolatourez ar re afflijet, ur stereden pehini a gundu epad an tempest da bors ar silvidiguez.*

Gracou eternal ravezo rentet da Jesus d'ho peza accordet an oll faveuriou hac an oll privi-lachou a gonnve da un hevelep Mab da accordi da un hevelep Mam!

O! Guerc'hes santel, mar deo gloriüs deoc'h ar gonsiderationou e zoun o paouez ober en ho presañ, beza e zint ivez eus an douça evit va c'halon, hac evit an oll galonou a gar ac'ha-noc'h.



CHABISTR III.

Demeus a c'hloar Mari ebars en Eë.

AR SERVICHER.

Rënit, Guerc'hes santel, rënit da james ebars en eëvou, a uz d'ar Batriarchet, eus a bere hoc'h eus surpasset ar fidelite; a uz d'ar Brofe'tet hac an Ebestel, eus a bere hoc'h eus surpasset ar zël.

Rënit a uz ar Verzerien eus a bere hoc'h eus surpasset ar gonstanc; a uz ar Guerc'heset, eus a bere hoc'h eus surpasset ar burete; a uz an oll re Just, eus a bere hoc'h eus surpasset an humilite; a uz an oll Ælez, eus a bere hoc'h eus surpasset an oboissañ; a uz an oll Seraphinet, eus a bere hoc'h eus surpasset ar garantez.

Hoc'h admira hac ho reveri a ràn var an Tron eclatant-se, var behini e zoc'h placet, ha pehini, dre ho calloud e qever Doue, e zoc'h an azil eus ar bec'herien, sôuten ar re just, espérance ar re affliget, ha ressourç ar bec'herien.

Beniga ràn an Autrou demeus ar gloar immanç-se da behini en deus ho savet; hac abalamour ma zeo selvezet dezàn e participje ho corf e-unan qent deiz ar resurrection general.

Beza e zôa just penaus, ar c'horf qer chast-se, e pehini un Doue memes en deveus teurvezet en em ober den, a vije bet quittes demeus a gorrupcion ar bed.

Mes piou a ello biqen e c'hompren, ar gloarse? *Ma (1) n'en deus al lagad biscoas guelet.*

(1) 1. Cor. 2. 9.

nac ar scouarn clêvet, ma n'e deveus biscoas calon un den comprenet ar pezh en deveus Doue prepalet d'ar re er c'hâr, compren a rimp-ni ar pezh en devoa prepalet deoc'h, deoc'h-hu, c'houi pehini oc'h eus e garet muioc'h eguet an oll zent assambles?

Ar gloar eus a behini e jouissit a so, nonpas heppen proportionet da huedet ho renq, mes c'hoas da vrasder ho merit.

Evit jugi deus a boent huel ar gloar-se, ne vez ret nemet consideri e zeo e vam bropr en deus Doue glorifiet.

— Mes evel ma qemerer er zent ar musur demeus o gloar var ar musur demeus o merit, ennoc'h ivez ar vrasder deus hoc'h elevation a dle en em guemer demeus a vrasder ho vertuziou.

Furmi a rit ebars en eê ur renq a bart; ober a rit un urz separet; atau, evit güir, infinimant dindan Doue, mes bepret a uz d'an nep ne deo get Doue.

Conveni a rê d'an hini da-behini Jesus en devoa roet ar pouvoar da gommandi dezàn e-unan, e devije an droat da gommandi d'an Æles ha d'ar Zent.

Ah! gant pebes hastidiguez, en anvi an eil d'eguite, e rentont deoc'h-hu an oboissanç hac an enoriou a dleont deoc'h!

Ravisset deus ar pouvoar bras oc'h eus var-nezo, e servichontac'hanoc'h gant un affection a galon dign eus a vadelez Doue memes.

Benniga a reont Doue hep cess demeus ar privilachou caer a c'hraç en deveus accordet deoc'h, hac hep cess, er bennigont demeus ar pouvoariou

pouvoariou digompren eus a bere ec'h enor ac'hanoc'h.

Nac a gri a joa hac a blijadur er venedictionou a ro deoc'h oc'h-unan! Pebes teneridiguez er santigmanchou a anim anezo evidoc'h!

O peguement e teziron-t-i e vec'h qen parfetamant anavezet var an douar evel ma zoc'h ebars en eê, dre ma zeo calonou an oll acquisitet deoc'h, ma vezot enoret dre oll!

Rouanez carantezus demeus ar Sion celestiel, beza em bezo-me ar boneur da gana gant ar Zentmeulodiou ho Mab hac ho re-hu? Participa a rin-me un deiz d'an delicoù digompren a so ho partach?

MARI.

Va mab, evit hoc'h anima hac ho souten er gombatjou a renqer da livra evit trec'hi an oll ampechamanchou en em oppos d'ho poneur, sonjit alies er madou eternel-se a brepar Doue d'ho courach ha d'ho constanç.

Sonjit alies e zeo qestion demeus a ur gloar pehini a zizommach meurbed eus an oll dispriançou ha demeus a un tenzor a zigoll meurbed eus an oll mizeriou.

Demeus a ur repos pehini a zigoll calz bras eus an oll labouriou, ha demeus a ur gonsolation a zigoll calz eus an oll souffrançou.

Evel na zeus nemet Doue a so bras, ne zeus nemertàn a ell rei recompançou bras ha güirion. En ifern e punis evel Doue, hac ebars er barados e recompanç evel Doue.

O va mab! mar hoc'h eus ar boneur da gaout

iscu mad en affer ho silvidiguez, e velot Doue, e possedet anezàn, er c'harrot; ha bigen n'en em scuissot d'er guelet, d'e bossedi, d'e garout, rac Doue, atau ar memes dre rapport dezàn, a so atau nevez en andret ar re eürus.

Er barados ravissant, qement a zeus a so plijadur hep glac'har, joa hep chagrin, repos hep more'hed, peoc'h hep aoun, jouissanc hep dic'hout.

Eno, nep bolontez all, nep affection all nemet Doue. Doue a so oll en qement a so. Enna e caver oll. Beza e zoar piuidic, puissant, eürus gantàn hac eveltàn.

Evit obten an eürusdet-se, labourit, va mab, labourit hep relach. Na lavarit qet : qen pell so e combattàn ! gounezeta meus dija qement a victoriou ! n'am eus-me qet grêt aoiualc'h ? *Ennes* (1) *hepgen a vezo salvet, pehini a vezo constant betec ar fin.*

AR SERVICHER.

O Guerc'hes ! c'houi pehini a so, goude Jesus, *va esperanc ha va buez*, obtenit din ar goustanc e servich Doue, ha *grit din guelet ho Mab Jesus goude an exil-se.*

Mar deo un tãva qenta an onction hepgen eus e c'hraç, hac a ra santout da un ene peguelement e zeo carantezus, petra e vezo eta d'e voelet ha d'en possedi en e-unan ?

(1) Maz. 10. 22.

CHABISTR IV.

Demeus a voneur S. Yan, da behini e roas Jesus Mari evit Mam; boneur da behini e particip an oll gristenien.

AR SERVICHER.

O Mam va Zalver ! petra a voc boneur S. Yan, d'ar poent ma voa Jesus prest da vervel, pa er choasas evit derc'hel deoc'h plac Jesus e-unan !

Dont a eure da veza ho Mab, dont a rejot da veza e Vam ! Ah ! gant rêson eo en em hanv en Aviel, *an Disqibl* (1) *a voa caret gant Jesus.*

E attachamant evit Jesus, hac e goustanc d'en heuill ganeoc'h betec ar C'halvar, a veritas dezàn ar faveur qen bras-se.

E vestr divin hac én a elle lezel gantà en eur vervel un heritach preciusoc'h ? Mes ive, gant pebes anaoudeguez en recevàs !

Respet bras en ho presang, soumission d'hoc'h oll bolonteziou, soignou assidu, na ancouna-c'heas netra evit respont d'ar grac en devoa Jesus grêt dezàn.

Demeus ho costez, nac a vercou a vadelez, nac a desteniou a deneridiguez na rojot-hu qet dezàn ! Da bep heur e sante peguelement e zoa eürus d'ho caout en e guever.

O Disqibleürs da Jesus ! buguel eürus demeus ar c'harapla ha demeus ar santela deus ar vamou, prena a raen ho poneur da bris an oll

(1) Yan. 19. 26.

drouc'haou; ho c'hoar, da bris an oll humiliationou; ho tenzor, da bris an oll gurunennou deus ar bed!

MARI.

An Disqibl muia-carez n'en deo qet bet roet din éñ e-unan evit Mab da varo Jesus. Pa lavaras Jesus dezàn : *Cetu aze ho Mam*, ha ma lavaras din-me : *Cetu aze ho Mab*, e representante ac'hanoc'h, hac an oll gristenien.

Douguen a ràn en effet evidoc'h, va mab, ebars em c'halon, an oll santimanchou a garantez a ell ur güür vam da gaout evit ur buguel a so qer dezi.

Tachit da respont, evel an disqibl muia-carez, d'ar galite a vab, ouz en em attachi ouzòn evit atau.

En em efforcit dreist-oll da veritout an oll deneridiguez demeus ho Mam, dre un innoçañ hac ur santelez a vuez a rac enor dezi.

AR SERVICHER.

O va Mam ! *mar oc'h (1) ancounac'hàn bi-gen, radeuyo va dourn deo da veza inutil din ! Ma n'am bez qet ac'hanoc'h bepret presant d'am speret, radeuyo va zeod d'en em staga ouz va staon !* Pebes boneur evidòn ma teurvez Mam Jesus da veza ivez va hini ! Re eürus e yen e felvesse deoc'h va receo en nombr demeus ho tistera servicherien.

Mes, pa fell deoc'h qemer em andret, dre vadelez, an hano a Vam, e recevàn hac e gemeràn gant ar brassa satisfaction eus va ene, gant an

(1) Ps. 156. G. 7.

oll santimanchou demeus ar brassa anaoudeguez, an hano a Vab.

Beza buguel da Vari ! Ah ! preferi a ràn an hano qen gloriüs-se d'an oll ditrou a enor a so ar muia clasqet etouez an dud.

C'houi so va Mam ! pebes avantajou disistimapl an adoption eürus-se na broculo-i qet diume ! Dont a ràn da veza spontus d'an ifern.

Ingrat evel ma zoun bet qer pell-amzer en andret Doue, e zoun dign eus an oll bunionou; anzav a ràn na veritàn na pardon na grac; esperi a ràn gouscoude demeus e visericosd, pa sonjàn e zoc'h va Mam.

Disqueuzet hoc'h eus e zoc'h va Mam, en eur obten din gracou a zistro da servich Doue; distro, pehini a seblant din, güürion mad.

Laqit ar bâr d'ho carantez, oc'h obten din gracou a berseverañ.

Ha bezit evidòn madelezoù ur Vam, pehini a gonserv atau evit e buguel santimanchou a deneridiguez, d'ar c'houlz memes na verit qetanezo.

En em roit deoc'h-hu hoc'h-unan, va Mam, ar gonsolation da velet hivisiquen ennòn ur buguel pehini, dre e attachamant evit Jesus hac evidoc'h, n'en em rento qet indign demeus ar santimanchou hoc'h eus evitàn.

CHABISTR V.

Demeus ar garantez a dleomp caout evit Mari.

An estim a ra Doue demeus a un dra eo ar reol heppen hor bez evit en estimout d'ar just.

E affectionou a dle beza ar reol hep chench demens hon re-ni.

Evit compren ar pezh a dleit sonjal eus a Vari, ha bete pe boent e lleit e c'harout, considerit an estim en deveus grêt Doue deus anezi, hac ar mercou a garantez en deveus roet dezi.

An (1) *niver bras deus va friedou*, a lavar deomp ar Speret-Santel, *a so diniverapl*. Mes, *beza a so unan pehini ameus carguet a uz ar re-all, eus an oll berfectionou*.

Ar pried-se, caret gant Doue en ur fêçon qen particulier, a dle eta rên goude Doue, hep dependañ en hor c'halonou, ha caout an oll santimanchou.

Carantez Doue eviti en deveus en douguet da accordi dezi an oll brivilachou a elle e distingui; hor c'harantez eviti a dle distingui anezi demeus a guement a ell meritout, goude Doue, hon affectionou.

Doue en deveus caret anezi bete rei dezi e c'houde ar c'henta renq var ar bed hac ebars en Eê; ebars en Eê ha var an douar, nep tra dignoc'h, goude Doue, demeus a hommachou hon respet ha demeus hor c'harantez.

Evelse ivez an oll re just o deveus atau roet dezi en o c'halonou ar c'henta plaç, goude Jesus.

An Tadou Santel a lavar deomp en em vanter alies en vean da garout ar Mab, ma na garer qet ar Vam; ra n'en em separo biqen an diou garantez-se.

Ober a reont deomp sellet ar garantez hon.

(1) Cant. 6. 7.

eus evit Mari evel unan demeus ar surra mercou eus an destinadurez a eller da gaout, evel unan deus ar preciussa donêsonou demeus ar grac.

Mes ar garantez e deveus Mari hi e-unan evidomp, na gomz-hi qet hep cess deomp a garantez eviti?

Studia ra hon ezomou; santout a ra hon afflictionou; diaraugui a ra hor goulennou; supporti a ra hon defaultou; ancounac'hât a ra hon ingrâtiri. Petra na dle qet beza hon amprêssant da verca dezi hor c'harantez an ell evit eguille?

Profitomp gant soign deus an occasionou evit plijout dezi; ra na barisso deomp netra a zister pa zeo qestion d'e servichi. Qement a so, a so bras en effet e qement oll eus ar pezh a sell ouz servich Mam Doue, Rouanes ar bed.

En em dougomp buan da guement a apparchant d'e enor, da guement a ell contribui da laqat e enori ha d'e c'harout.

Offromp bemdez dezi gant acqet, an tribut demeus hor c'homzou, hac an hommachou demeus hor c'halonou, ha greomp deomp-ni ur gloar da veza deus an nombr demeus e servicherien disclêryet.

Savomp alies hon speret hac hor c'halon varzu e zron, pe evit admira e brasder hac e perfectionou, pe evit implori e protection.

Aluzonou hac œuvrou all a charite; yunioù hac exerciçou all a vortification; praticomp anezo en intantion d'e enori dre imitation e vertuziou.

Frecantomp ar Sacramanchou da deizioù e gouelioù, evit o celebri muioc'h santelamant, ha greomp avichou, ma'ellomp, offr ar sacrific eus an auter en action a c'hraç demeus ar madou a here en deus Doue e finvidiqët.

Bisitomp alies an ilisou savet en e enor; respectomp e imachou, an dud hac ar plaçou pere a so spicialamant consacret dezi.

Asistomp gant aged, e qement ha ma vezo possubl deomp, d'an exerciçou public a rêr en e enor, d'an discoursiou e pere e comzer demeus e vertuziou ha demeus e fouvoar, demeus an devotion eus a behini peb christen a dle beza carguet eviti.

Dre eno eo en em appliq ur buguel da Vari da zisqez dezi e garantez, hac e clasq gounit muioc'h e hini.

Protectoures puissant ha Mam dener an oll, ô Mari! lenn a rit em c'halon ar resolution ferm a guemeràn da veza fidel d'ar praticou santel-se.

Trugarecât a ràn Doue demeus ar santiman-chou a garantez a inspir din evidoc'h. O inspira din a so ur merq certain demeus e garantez evidon.

Disputi a rin eus a fidelite evidoc'h gant an oll demeus ho servicherien hac ho pugale e pere e velin ar muia a fervor var ar poent-se.

Ra ellin e gontesti gant an Ælez memes. Mes ar bonheur-se ne deo reservet nemet evit an eê.

CHABISTR VI.

Demeus an oaz a dle caout ur buguel da Vari evit interest ha gloar e Vam.

MARI.

Va mab, me so ho Mam, hac e roàn deoc'h, dre va mad-oberou, preuvennou cuntnuel.

C'houi so va buguel, hac er galite-se, e rentit hommachou din; va guervel a rit d'ho sicour ebars en ho tentationou hac en ho poanmiou, esperi a rit em galloud e qever Jesus; mes etre an oll voyenou da zisqez din ho carantez, e zeus unan pehini a negligit calz.

AR SERVICHER.

Deurvezit va laqat d'en anavezout, Mam garantezus. Felvezout a ra din clasq ober e peb tra en hoc'h andret va oll deveriou.

MARI.

Na glasqit qet-aoùalc'h da brocure va enor ha va gloar; seblantout a ra memes avichou ho pezh poan e qemer va interest dirac ar re am attaq.

Imitit, dre ho oaz da zifen va interest, da ober glorifia, enori ha carout ho Mam, an oaz ameus evidoc'h.

Ne deo qet avoalc'h rei din, gonde Jesus, ho calon, ma na broffitit qet eus an occasionou en em offr deoc'h da c'hounit din re-all.

Sellit, va buguel, an effortchou o devez grêt an heresiou, hac a ra c'hoas bemdez, evit

terri an devotion e zeus evidôn, pe evit e diminui.

Deoc'h ê da repari an/outrajou-se, herves ho pouvoar.

AR SERVICHER.

An isfern en effet a so bet-atau dischadennet a enep deoc'h, Guerc'hes Santel. Hano Mari, an hano-se qen venerabl ha qen douç evit an oll dud fidel, a so bet-atau cassaüs dezàn.

C'houi co ar (1) *vreg-se* eus a behini e comze Doue e commañcant ar bed, behini *a dleye*, un deiz *flastra penn ar serpent*.

Cetu eno ar zourcen demeus ar gassoni-se a zoug deoc'h an drouc-sperejou.

Evel ma clasqfent coll an oll, e carfent n'en devez nep recours deoc'h, ha neantissa, ma elfent, en hor-sperejou, an ide vras hon deveus concevet diouzoc'h ha demeus ho puissañ, dreist-oll eus ar Mestr souveren.

Beza e zeo meurbed gloriüs evit Mari, na vez nemet heritiget en em gafe a enep dezi, ha da nonpas caout evit adversourien nemet adversourien Jesus.

Tour David (2), *demeus a behini mi lbouclier a zo a ispill*, armou hoc'h adversourien ranverset a servicho deoc'h da vercon a victor.

Doue a hend all a zigasso-atau difennourien zêlet eus ho cloar. Nan, *dorojou an isfern na c'hounnezint bigen a enep deoc'h*.

Pez actionou o c'hraç na dleân-me qet renta da Zoue d'am beza bet grêt guenel en asgre ar

(1) Gen. 3. 15. — (2) Cant. 4. 4.

güir Ilis, e pehini emeus ar boneür d'hoc'h anavezout ha d'ho carout!

Mes, va Mam, mar caràn ac'hanoc'h, e tleân en effet disen hoc'h interest ha profita deus an occasionou da brocure ho cloar.

En em-implija a rin eta en amzer da zont da gresiq e qement ha ma ellin, an nombr eus ho servicherien.

Inspira a rin, pa en em bresanto an occasion, d'am c'herent, d'am mignonet, d'an dud eus va anaoudeguez, exerciou a zevotion en hoc'h enor, hac en em rin ur blijadur d'en em antreteni diouzoc'h gaato.

Ma ne ellàn dre va c'homzou ranima en o c'hallouou languissant ar garantez a so dleet deoc'h, e tachin da viana d'en ober dre va exemplou.

Dreist-oll, na souffrin qet ec'h attaqfet ac'hanoc'h em presañ. Ah! piou benac na anavez qet ac'hanoc'h, na verit qet beza anavezet. Ne fell qet din caout nep mignon ma na gar ac'hanoc'h.

Pedi a ràn Doue da scuilla e c'hraçou e calonou an oll, evit en eür barveni oll d'an anaoudeguez ha da garantez Jesus, ma tesqint ivez da anavezout ha da garout o Mam gommun.

An dud hac int a vez hep santimant evit an hini pehini, eus a hep eternite, a so bet an objet eus a vadelezou Doue memes?

CHABISTR VII.

Demeus a c'halloud ar Verc'hes santel e qever Doue, e faveur an dud.

Mari eo ar Verc'h muia-caret eus an Tad

eternel : hi eo Mam ar Mab ; beza e zeo pried ar Speret-Santel. Comprenit ar sans demeus ar c'homzou-se hac e concevot eus e fouvoar un ide da behini na eller ajouti netra.

Merc'h hep tach demeus an Tad celestiel, ha muioc'h accomplisset hi-hepquen d'e zaoulagad eguet an oll grouadurien all assambles, petra na ell-hi qet var e galon ?

Roet en deus dezi ebars en eé ur pouvoar a ingal *al leunder demeus e c'hraçou*, eus a bere e pindivcas anezi goechal-var an douar.

Qen realamant Mam da Zoue grêt den, evel ar graguez pere o deveus hon laqet er bed-a so hor mamou, na vezo-hi qet selaouet gant e Mab ?

Gallout a ra, dre e fedennou, gement a ell e Mab dreizàn e-unan ; se eo langach an Tadou Santel.

Doueti hac hi e deveus pouvoar aoualc'h e qever Doue evit obten deomp graçou pere a so deomp necesser, e zeo doueti hac ar Mab a enor e Vam.

Salomon a lavare da Bethsabée *e zoa just (1)* e *zelaou favorablament, rac beza a voa-hi e Vam* ; Mari hac hi a ell, pa bed evidomp, receo ur respont all en un tribunal e pehini e deus droajou mil guech santeloc'h ha muioc'h merqet ?

Pa c'houlennomp, dre intercession ar Zent, o c'harantez evit Doue, hor c'honfiac enno a angach Doue da veza favorabl deomp ; mes pa c'houlennomp dre intercession Mari, erenq memes, e dignite a Vam da Zoue, a gomz evidomp.

(1) Reg. 2. 20.

Songit penaus un Doue memes a zo selvezet dezàn beza soumettet dezi var an douar ; beza en devezo én nebeutoc'h a egard eviti, pa zeo bremâ presant gantâ ebars en Eévou ?

Roet en deus dezi evel ur gouarnidiguez general var e oll vadou ; hac e zeo dreizi en em blich ouz o c'hommunica deomp.

Anfin, mar deo demeus a garacter ur vreg meurbed caret da gaout oll bouvoar e qever e fried, Mari, pried ar Speret-Santel, a ell eta touch ar pried divin-se en hon faveur, hac obteni outàn ar graçou brassa.

Doue, a hend all, en deveus etablisset anezi Rouanes an Eê hac an douar. Confiet en deus eta enni ur pouvoar conform d'ar galite-se.

Ur Rouanes a zougle un titr vean, ma na else qet sicour tud miserabl, ober tud eurus.

Doue pehini en deus operet avichou, da bedenniou ar zent, ar brassa burzudou, hac én a vez diessoc'h dezàn o accordi da beden an hini a so o Rouanes ?

Guerc'hes benniguet eus an ælez hac eus andud, persuadet ma zoun demeus ho calloud e qever Doue, en em laqat a ràn antieramant dindan ho protection. Protection assuret, pehini na vanq james ; protection buissant, pehini a driomph demeus an oll ampechamanchou ; protection universel, eus a behini den n'en deo pellaet.

Buguel coupabl en andret va zad, hac indign dreizon va-unan ma selaoue Doue ac'hanon, me ho choas evit va hanterourez en e guever.

Mam ya Doue, teurvezit evessât var va

c'hundu, regli va demarchou e peb amzer ha dre oll; rac an oll dangeriou, pe deuporel, pe spirituel, a so presant dre oll.

Goulen a ran ouzoc'h principalamant ho protection evit an deiz diseür-se, goude pera ne zeus mui a amzer da c'hortos, nac a c'hraçou da zepord; evit an heur derrupl ha resolvus-se pehini a die achui va buez ha commanç va eternite.

Nonpas ma pretanten, var an esperanç ferm ameus ennoc'h, en em gousget hivisiquen en un oëder criminal. Ne deo qet se speret ho servicher. Mes sicouret demeus a c'hraç Jesus, pehini ho pedàn da obten din, e sicourin ho soignou, hac ec'h agissin a-unan ganeoc'h, evit ma ellin arruout d'an demeuranç a joaisted eternel-se, e pehini e fell deoc'h cundui gement oll a servich ac'hanoc'h.

CHABISTR VIII.

Demeus ar santimanchou a vadelez a bere calon ar Verches santel a so carguet evidomp.

AR SERVICHER.

Aoùalc'h eo, Guerc'hes santel, Mam a vise-ricord; aoùalc'h eo ec'h expossem deoc'h hon mizeriou, hon ezomou, evit ma en em interesfec'h e qever Jesus d'hor soulajamant.

Ha penaus n'en em interesfec'h-hu qet evidomp, d'an ampoent ma sonjit e zeo evidompin en devez qemeret Mab Doue en ho creiz ur c'horf hanyal ouz hon hini?

Mam Jesus, na ancounac'hait qet breudeur Jesus, memrou ha *qetaered* Jesus.

E pez seurt stat trist en em galem, c'houi so evidomp ur voyen difazius, rac ho madelez er sqign da guement a so.

Annaliou an Ilis a fournis testeniou hep nombr, ha demeus ho calloud immanç, ha demeus ho compassion attantif. *Demeuranç* (1) *Doüe*, c'houi a so brudet dre ar vad a brocurit deomp. *Publia a rear diouzoc'h traou admirabl*. Allas ! en em glêm a reomp demeus a galz a hoanniou a andurromp; mes alies ec'h andurfemp re vrassoc'h, ma na vez justic Doue ar-rêtet dre hoc'h intercession.

Alies ive ne deomp qen maleürus, nemet abalamour na sonjomp qet implori ho sicour e qever Doue.

Na sonjomp qet ! ha gouscoude an Ilis a zisq deomp adalec hor bugaleach d'ho qervel *consolatourez ar re afflijet*, *sicour ar Gristenien*.

Er beza e zoc'h en effet. Piou eo an den ingrat aoùalc'h evit lavaret en devez hoc'h invoqet, hac ho peiz refuset d'en selaou ?

Ma na obten qet atau ho hanterouranç digant Doue ar graçou a zeziromp, evit rêsoniou pere na dleomp get clasq da gompren, da viana ec'h obten deomp bepret graç ar batiantet, ar soumission hac ar resignation da volonte Doue.

Doue en eur groui ac'hanoc'h, ho testinas da veza hon advocades, hon refuch, hor c'honso-lation, hor Mam. Rei a cure deoc'h rae-se ar

184 IMITATION AR VERC'HES.
brassa panchant d'ar misericord ha d'ar brassa
misericord.

Jesus n'en deves qet grêt un demeureñ gen
hir ebars en ho creiz, hep communiqua d'ho
calon character e hini.

Imach demeus ar model divin-se eus a zouñter
hac eus a vadelez, pehini hoc'h eus bet epad
tri bloas ha trêgont dirac ho taoulagad, carout
a rit, eveltàn, *ober* (1) *ar mad*.

Var an trôn-se a c'hloar, e pelec'h Doue en de-
veus ho savet ebars en eê, ec'h imitit e gunvelez.
Laqat a ra aliessoc'h disqen e c'braçou eguet e
voalinier var an dud, memes ar re ingrata.

Ah! Guerc'hes santel! evit jugi eus a vadelez
ho calon, na meüs nemet consulti va hini, ne-
met consideri ar santimanchou o deves gravet
ho mad-oberou continuel.

Beza e zeus demeus ho madelez e calon ar re
fidel ur breuven a santimanchou créñvoc'h eguet
an oll rêsonamanchou.

CHABISTR IX.

Demeus a invocation Mari.

MARI.

Va mah, ebars en oll situationou fachus e
pere ec'h ellit en em gavout, galvit ac'hanon
d'ho sicour, hac ec'h intercedin evidoc'h.

Petra benac a souhetfet, na ne deo qet con-
trol ar peza a souhetit da c'hloar Doue ha d'ho
silvidiguez, e vezin bepret disposet d'ho selaou.

(1) Act. 10, 38.

LEVR IV. CHAB. IX. 185

Na c'houlennit james netra diganén, nemet
en eur desirout gouscoude m'en em accomplisso
bolontez Doue : ur beden pehini a reot din en
disposition-se, na vezo james hep ur frouezen
benac.

Beza e zeus christenien a bed ac'hanon da
obteni dezo ar peza a ouzont ervad ne deo qet
hervez bolontez Doue; tleout a reont-hi en em
zeport da veza exaucet?

Re-all na sonjont d'am invogi nemet pa vez
qestion demeus a vadou an douar : beza e zint
a hend all en un indifferañ parfet evit madou
ar grac.

Mar pedañ evito, ne deo qet evit obteni ar
peza c'houlennont, hac a vez noazus dezo, mes
ar peza na sonjont qet da c'houlén, hac a vez
util dezo.

Goulén a ràñ afflictionou evito, pere, ouz o
zistaga diouz ar bed, a raé dezo sonjal en eê.

Gracou a conversion hac a silvidiguez, gra-
çou evit cresqi er vertuziou, en meritou, cetu
aze ar peza a renquer arauc qent oll da c'houlén
ouzin : selaou a ràñ atau favorablamanit en he-
velep pedennou.

Na c'houlennàn madou temporel evit ar re
am invog, nemet en qement ha ma velàn evito
un avantach assuret.

Ar gounit demeus a ur proces, un eaust abon-
dant, a vez avichou noazus bras d'an hini am
ped d'o obtén dezo. Pa-zoar ebars er brospérité,
na sonjer qet nemeur en eternité.

Calz a dud clàn a so o c'houlén diouzòn da
obten o yec'hed, evit pere gouscoude ne c'houl-

lennân digant Doue nemet ar graçou necesser en amzer ar c'hénned.

Ne doun qet demeus ar vamou-se a beré an deneridiguez a dall anezo hac a ampech procuri ar güir vad d'o bugale: va c'harantez evidoc'h, va mab, na elfe qet va zrompla.

Na intercedin qet evidoc'h e qever Jesus, nemet evit obteni ar pezh a so utila deoc'h evit ar bed-mâ hac evit eguile.

Er greden-se, recourit gant confianç d'am protection; bezit recours dezi en hoc'h oll boanniou, a bez natur benac e vent.

Hac evel ma tiguez alies ar boanniou-se, ra vezo va hano, goude hini Jesus, hep cess var ho muzellou; ravezo, goude hini Jesus, gravet meurbed doun ebars en ho calon.

AR SERVICHER.

Mari! ô hano sacr! ô hano carantezus! n'er prononcer james gant confianç, na vez prononcet gant avantach.

Eürs an hini en digass da sonch alies gant carantez, er salud devotamant, en rever sinceramant, en invoq alies.

Goude an hano a Jesus, *hano a xz da bep hano*, ne zeus qet a veneraploc'h, a zouçoc'h, a gueroc'h d'an oll dud fidel.

Da invocation an hano-se, ar pec'her en em sant carguet eus a esperanç er misericord; ar just a obten ur garançez vrassoc'h; an hini a so tentet, ar victor var e youliou; an hini a so afflijet, ar batiantet hac ar gonsolation.

Ah! beza e vezo, goude an hano a Jesus, va

ressourç em afflictionou, va c'husuill em douctançou, va nerz em c'hombatjou, va c'honductor em oll demarchou.

CHABISTR X.

Demeus ar gonfianç a dleomp caout en Mari; confianç pehini a dle dreist-oll caout ar bec'herien a fell dezo distrei da Zoue, hac obteni o fardon.

MARI.

Va mab, noc'h eus qet ur gonfianç barfet ennôn: avichou e taleit d'am invoqi en hoc'h ezomou; seblantout a ra avichou all ho pezh un disizianç benac eus va bolontez vad evidoc'h.

Felvezout a ra din ho pezh ennôn an oll gonfianç en deveus ur huguel en e vam, a behini e hanavez an deneridiguez hac ar vadelez.

Felvezout a ra din ho pezh recours din e peb amzer, e peb lec'h, en hoc'h oll ezomou spiriuel ha temporel, evit an ene, evit ar c'horf, evit ho qerent, evit ho mignonet.

Nonpas caout recours d'am intercession nemet a amzer da amzer, evel a ra ur c'hristen benac, da deiziou va goueliou, e certain actionou ar muia important, en ezomou ar muia presset, ha se eo merqa din ur gonfianç antier?

Imittit an Ihs, pehini na c'houlén casi netra ouz Doue, na implic'h va c'hanterouranç.

Ne zeus nep seurt graçou evit pere ne deveus recours din, evel d'an hini dre behini an Autroun a gommuniq anezo d'e yugale.

E c'hundu a so atau conform da speret Doue; ravezot reol hoc'h hini. Ho pezit ennôn, en e exempl, ur gonfiang cuntinuel, universel, ar dant, douç, leun a affection.

It da Zoue dre Jesus, mes it da Jesus dre e Vam: me so unan demeus ar surra hentchou evit mont da Jesus, evit e gaout, evit beza favorablamant recevet gantân.

AR SERVICHER.

Rouanez an eê, me a anavez ho calloud, me a anavez ho madelez; mes ha ne deo qet indign diouzoc'h en em interessi evit ur pec'her evel-dôn-me?

Ur Verc'hes qen pur, qer zêlet evit enor Doue, qer parfet, ha gallout a ra-hi teuler var-nôn-me sellou favorapl?

MARI.

Va mab, ne doun-me qet *refuch ar bec'herien*? Intercedi a rân evit qement oll pere, o felvezout distrei da servich Doue, am invog gant confiàng.

Doue, touchet demeus an interest a guemerrân d'o unvanidiguez, n'en deveus james e refuset d'am peden. Beza oun memes evit meur a bec'her ar sourcenn unig a chom ganto, ar voyen unig a ro Doue dezo evit antren en e garante.

Da beguement a gristenien na meus-me qet obtenet ar pardon deus o c'hrimou, peguer bras benac e vijent! Goulennet o deus diganén o goló demeus va protection a enep justic Doue; protejet ameus anezo bete ma meus grêt ar peoc'h gant ar Barner.

Un hevelep pec'her, resolvet da veva ebars en e bec'het, en em vant ec'h obtenin dezân ar graç da nonpas mervellennân, confiàng orgouill-lus, pretantion a so outrajus din.

Mes un hevelep all a hirvoud dindan bec'h e chadennou, hac e fell dezân o zerri; evel ma anavez e sempldet, e qemer ennôn ur gonfiàng; esperi a ra penaus, dre va intercession, ec'h obteno graçou a nerz, hac e bardon. Ah! radeuyo, radostayo, n'er pellain qet; e recev a rin de garantez.

AR SERVICHER.

Mam va Autrou (1) *er moment ma meus clêvet ho mouez*, va zroublien a so en em dis-sipet; ha va c'bonfiàng ennoc'h a neveza ennôn crevoc'h-eguet biscoas.

C'honi a so d'am daoulagad evel ar goulm-ont a barissas goude an diluch gant ur branq olives, symbolen eus ar peoc'h.

Recevit dindan ho protection saluder ur pec'her touchet, mezus, contristet demeus a zireoliou e vuez, hac a garfe o effaci demeus e voad.

Obtenit din ar c'hraç da ouëla c'huero ar pec'hejou ameus coumettet, ha da vervel qentoc'h eguet coumetti c'hoas ar pec'hejou a zetetan.

Dre ar frouez santel a so sortiet diouzoc'h, oc'h eus grêt ur peoc'h etre Doue hac an dud; mes laqit ar peoc'h etre me ha va c'houstiang propr, etre me ha va Doue.

O Guerc'hes puissant! ô Guerc'hes carguet a vadelez! nac a actionou ar c'hraç na dileomp-

(1) Luc. i. 43 ha 44.

ni get renta deoc'h, evit gement a vad-oberou a recevomp digant Doue dre ho moyen!

Ravezo an oll galonou consacret deoc'h da viken! radeuyo an oll moueziou da huplia ha da celebri ho meulidiguez!

Ra lavar an eëvou hep cess d'ar bed : carantez, gloar da Vari! ha ma responto ar bed hep cess d'an eëvou: gloar, carantez da Vari, ebars (1) *en eternite hac en tu-all!*

CHABISTR XI.

*Demeus ar Beden hanvet ar SALUTATION
ANGELIQ.*

Recita a rit bemdez ar beden-se, evit invoqi ar Verc'hes meurbed santel; mes, ober a rit-hu attantion d'ar pezh a ranferm a c'hlorius eviti, a gonsolant, a instructif memes evidoc'h?

Grit eus a se avichou ouz treid an auteriu, ar sujet eus ho reflexionou evit, pa er recitit, e vez hepret gant ar respet a inspir, hac an attantion a c'houlenn.

Saludi a rit Mari evel *leun a c'hraz*; comprenet oc'h eus-hu ar pezh a gompren ar gomzou bër-se demeus e braser? Se eo lavaret dezi e deveus bet evit e fartach ar grac santifiant, ar gracou actuel, ar vertuziou dreist-naturel, oll donesonou ar Speret-Santel.

Pa brononcit anezo, en em rejouissit demeus al leunder-se a vadou deus a bere e zeo bet carguet, ha pedit-hi da rei deoc'h ur pers benac en e zenzor bras.

(1) Mich. 4. 5.

Lavarat a rit dezi: *An Autrou-Doue so ganeoc'h*. Doue a voa en effet en Mari en ur fecon muio'h particulier egnet n'en deo en oll dud, n'en deo memes ebars ar re just; beza e voa dre ur protection oll spicial, ha dre direction oll buissançou e ene.

Furmit ebars en ho calon, en eur lavarat ar c'homzou-se, un act eus an dezir ardent ha guirion da barticipa d'ar boneur inestimabl deus ar Verc'hes-se.

Ah! pa zeus Doue ganeomp, petra a eller c'hoas da zezirout? petra na zeus get da esperi? deus a betra ec'h eller en em afflija?

Meuli a rit Mari abalamour ma zeo *benniguet etouez an oll graguez*; da lavaret eo, dre ma zeus bet eviti privilachou pere n'en deveus Doue accordet da nep hini all.

Disqueuzit dezi, dre ur santimant interior, ar joa a goncevit demeus ar garantez en deus bet Doue eviti, hac eus ar venedictionou a roer dezi var an douar hac ebars en eëvou.

Ajouti a rit, gant santéz Elizabeth, penaus *ar frouez eus e entraillo a so benniguet*. Mab Mari a so en effet benniguet, adoret, glorifiet er bed oll.

Tanvait ur moment an oll blijadur a brocur ur seurt consideration da un ene pelinei a gar Jesus.

An Ilis a ra deoc'h goulenn neuze diouc'h ar Verc'hes *pedit evidoc'h pelinei a so pec'her*. Felvezout a ra dezi dre eno ober deoc'h compren penaus, dreizoc'h oc'h-unan, goude ar pec'hejou oc'h eus coumettet, e zoc'h indign da veza

exaucet; mes penaus Mari a vezo exaucet, mar ped evidoc'h.

Ia, Doue a exauço anezi, abalamour ma zeo e Vam. Evit se eo e ra an Ilis deoc'h invoqi anezi, dindan an titr-se, pehini a so qen qer ha qen glorius dezi.

Er memes tra eo evel pa lavarfec'h dezi: *Santez Mari*, c'houi a so *Mam da Zoue*; ho pouvoar a so eta hep termen e qever ho Mab, hac ar pouvoar-se, unanet d'ho madelez, eo ar fondamant demeure va esperanç ennoc'h.

Anfin, goulen a rit ouz ar Verc'hes santel, *pedi evidoc'h brema hac en heur ho maro*. Epad ar vuez, dangeriou ar silvidiguez a so cuntinuel; beza oc'h eus eta continuellamant ezom demeure a ur brotection qer puissant.

Mes en heur ho maro, e pehini hoc'h adversourien a redoublo o effortchou evit ho coll, ar brotection-se a vezo c'hoas necesserroc'h deoc'h.

Amzer derrubl, hini ar maro, giir eo! mes ur giir servicher da Vari na varvas biscoas en reprovet.

CHABISTR XII.

Santimanchou a gonfianç en Mari epad ar vuez.

AR SERVICHER.

Guerc'hes Santel, adversourien va silvidiguez a so en dro din. Clasq a reont anlevi din graç ha carantez va Doue. Va difennit demeure o attacou, obtenit din ar victor.

Merc'h

Merc'h Doue an armeou, ma laqit santit ho calloud d'am adversourien; e tec'hint qerqent pell diouzon.

Mam d'an hini a gommand d'an avelou, d'an tempestou, lavarit dezàn ur gomz hepgen, hac e cavin a nevez ar c'halm.

Pried ar Speret a sclérigen hac a nerz, grit ma anavezin ha ma gemenin ar voyenou da dre-c'hel adversourien qen redoutabl.

Ebars an-troublien e pehini e zoun, en em deulàn etre ho tivrac'h, evel m'en em stlap ur buguel etre divrec'h e vam, paen deveus aoum.

Peguen pec'her ha miserabl benac e zoun, Jesus a fell dezàn e selfec'h ac'hanon evel ho puguel. Brema eo an amzer da zisqeus oc'h eus evidon santimanchou a vam.

Goulen a ràn ouzoc'h ar graç-se, nonpas dre garantez evidon, me pehini na veritan e nep tra ho soignou; mes dre ar garantez a zouguet d'ho Mab Jesus.

Ar beorien a ya, en o ezomou, da gaout ar re binvidic. Goulen a reont, hac ec'h obtenont. Rouanez an eê hac an douar, lezel a racc'h-hu hep effet peden an ezomec-mâ pehini a c'houlèn ho madelez!

Mes en eur bedi evidon evit na guezin qet en pechou an adversourien, pedit c'hoas, Guerc'hes santel, evit ma voelin gant c'huerdet va iniqeteou tremenet, ha ma obtenin ar pardon eus anezo.

Obtenit din, er memes amzer, hac an accomplissamanteus an desir ameus da nonpas servicha bigen mestr all ebet nemet Jesus, hac ur giir

glac'har demeure ar c'hrim ameus coumettet, en eur servicha en dommach dezàn ar bed hac e adversour.

Na zellit qet ar pez e zoun, dreizòn ha dre va fec'hejou; mes ar pez a dalvezàn dre ar pris cus ar goad en deveus Jesus ho Mab scuillet evidòn.

Jesus a selvezas dezàn e vijec'h test demeure varo var ar C'halvar, evit, en eur herita demeure e santimanchou evit ar bec'herien, ma c'houlenc'jec'h evito misericord.

Pa guemere ho calon truez ouz dismegañcou hac angenñiou Jesus cruciflet, e roas ac'hanoc'h din da vam, evit ma qemerje un deiz ar memes calon-se truez ouz va miseriou hac ouz va ezomou.

Calza bec'herien a jous hirio demeure a c'hloar an eê, pere a vez preiz an ifern, ma n'ho pije intercedet evito. Goulennit evidòn ar graçou a binigen oc'h eus obtenet dezo.

Ne zeus qet bet clêvet lavaret ho pe refuset selaou peden ur pec'her, pehini, oc'h anavezout brasder e ofañcou, en deveus clasqet e bardon, hac en deveus bet recours deoc'h, evit en obteni.

Pebes gloar evidoc'h, ô Guerc'hes! refuch ar bec'herien, e rae Doue depanti diouzoc'h, en eur seurt benac, demeure ho coulen, ar pardon demeure a guement a grimalet.

Ar pardon a zeziran, obtenet dre hoc'h intercession, a gontribu d'ar gloar-se.

Bezit sonch, me ho ped, penaus, ma obtenàn, dre ho moyen, va fardon, hac ar c'hrac

vras eus ar silvidiguez, e vezo un ene a vuioch a garo Jesus, er meulo hac er benigo ganeoc'h ebars en eternite.

CHABISTR XIII.

Santimanchou a gonfianç en Mari, en heur ar maro.

Mam d'ar Redemptor, ô Mari! en em gaout a ràn en heuriou diveza deus va buez. Implori a ràn gant muioc'h a ardor eguet biscoas ho sicour.

En em velet a ràn evel placet etre ar barados hac an ifern. Oh! petra na meus-me qet da sonjal evit va eternite, ma na rit usach em faveur demeure ar pouvoar oc'h eus e qever Jesus!

Laqet en deus etre ho taouarn ar graçou preciusa, evit o squilla var an dud. Teurvezit scuilla anezo varnòn. Bremâ eo, dreist oll, e zint necesser din.

An tribunal e pehini e tleàn renta count demeure va buez a gommanç d'en em digueri. Comzit evidòn, qent ma parissin. Mam va Barner a obteno din ur jujamant favorabl.

Stereden armôr, bezit va c'honductores e creiz an tempestou a venaç ac'hanòn deus a ur pence tost, ha va c'hunduit da bors ar silvidiguez.

Sclêrijen celestiel, dissipit ar gounabrennou a glasq ar speret a devaligen da leusqel em ene; appesit an droublien a laga da antren ennà, pa sonjàn e pec'hejou va buez, hac obtenit din ur c'heus crén ha sincér.

Model eus a oll vertuziou, goulennit ma vezo

ar feiz ennôn en e oll nerz, ar garantez en e oll perfection.

Me ho trugareca demeus an oll vadelezou oc'h eus bet evidôn epad va buez, pa voan memes ar muia indign eus anezo. Mes refusi a rafec'h-hu hirio din ho soignou, dre ma zeô va c'honfiang ennoc'h crénvoc'h eguet biscoas?

Nan, Mam dener, tenneroc'h eguet oll mamou ar bed, n'en em bellaot qet demeus ho puguel prest da vervel, hac ec'h asistot anezàn betec e huanaden diveza.

Mervel a rân gant soumission, pa en devez Jesus ordrenet va maro; mes en despet d'an horrol naturel a meus ouz ar maro, e varvân gant plijadur, rac mervel a rân dindan ho protection.

Souden e contemplin, en esperân, ar vrasderiou, ar perfectionou, ar garanteziou, an triomphou eus a Jesus; ha souden ec'h admirin ac'hanoc'h var an tron eclatant demeus ho cloar.

Va angoni a dosta; va muzellou na ellint mui reclama hoc'h asistanc; mes va c'halon a gomz atau ouzoc'h.

Pronoc a rin mil guech a galon an hanoyou Sacr a Jesus hac a Vari. Goulen a rân ouzoc'h, ô Jesus, da sellet ouz an oll hirvoudou, an oll huanadennou eus va c'halon epad va angoni, evel qement a actou a garantez evidoc'h hac evit ho Mam Santel.

Oh! va Zalver, ho pezit truez ouzin. Na gredân qet lavaret: *abalamour* (1) *ma zoun ho servicher*. Allas! ur pec'her qen bras oun bet, ha na ouzon qet ha me ameus bet ar boneur da

(1) Ps. 116, 18.

zoucât ho justic; mes, ho pezit truez ouzin, *dre ma zoun mah ho servicherez.*

Grêt oc'h eus din ar c'hraç da gaout, epad va buez, ur gonfiang vras en Mari. Me ho trugareca demeus ma cresq va santimanchou a gonfiang enni en heur qen terrubl-mâ evit ar silvidiguez.

Va Doue, Doue a visericord! ur graç nevez eo a rit din, dre ma fell deoc'h va savetai dre beden ar Verc'hes-se, pehini a zisq hoc'h Ilis deomp da invoqi e peb amzer, mes dreist oll en heur hor maro.

CHABISTR XIV.

Demeus an devotion da Sant Joseph, pried ar Verc'hes.

Rei un testeni a garantez d'ar Verc'hes eo, pehini a so qer ha precius dezi, qemer e fried santel Joseph evit ar c'henta objet demeus hon devotion, goude an hini hon attach hac a gonsacr ac'hanomp d'e servich.

Peseurt istim na dleomp-ni qet da ober eus ar Sant-se? demeus a un den pehini en devez Doue choaset evit beza an tutor demeus a vugaleach e Verb grêt den, evit beza an test hac ar protectour demeus a chastete e Vam?

Beillet en devez da viridiguez güir tabernacl Israël; transportet en devez, hervez ar circonstançou hac an amzeriou, arc'h an alianç nevez; dalc'het en deus en depot pris ar silvidiguez hac eus a redemption ar bed.

Pebes gloar da veza bet er vuez-mâ un autorite legitim var Rouanes an eê hac an douar! memes var Roue an amzeriou, heppen immortel, da behini peb gloar a apparchant!

Evit en em ober un ide eus e verit hep par, na vez ret nemet consideri e zeo pried Mari : vertuziou unan a ra jugi deus a vertuziou eguile : Doue en deus roet da Vari ur pried dign outi.

Mes considerit dreist oll penaus Jesus huguel en deus resposet mil guech etree divrec'h. Pebes effejou oll celestiel na rê qet en e c'halon ar Buguel-Doue-se!

Joseph a veve gant an hini a so sourcen ar c'hraou, gant an hini a so evel ar c'hân evit o distribui : pegument a vadou spirituel na receive-én qet?

Patiantet, doucder, humilite, carantez an nessa, an oll vertuziou a luguernas ennàn, hac a voe douguet da un degre ar brassa.

Ene christen, c'houi pehini a fell deoc'h en em rei d'an exercicou demeus a ur vuez devot hac interior, recourit, evit obten ar c'hraç, recourit gant confianç da intercession ur Sant pehini en deus pratiqet anezo en ur fêcon qen parfet.

An Ilis e deus eriget da Zoue templou en e enor; beza e deus etablisset e bouel; pedi a ra e bugale dre braticou a zevotion e deus autoriset, d'e sellet evel unan eus ar puissanta protectourien o deve e qever Doue.

Hano Joseph a so en effet en ur fêcon ral invoqet gant an oll dud fidel : e unani a reont alies bras da hini ar personachou sacret gant pere en deus bet hentadurez qen stard.

D'an ampoent ma veve Jesus ha Mari e Nazareth, m'hor bije desiret obten ur graç benac diganto, pez mediatour galloudesc'h en o c'hever, hor bije-ni implijet, eguet Sant Joseph? Beza en deve-én bremâ nebutoc'h a c'halloud?

It (1) eta da Joseph, evit ma intercedo evidoc'h : eus a bes seurt natur e vez ar c'hraç a zezirit, Done en accordo d'e c'houlén.

Beza so muoc'h. Eus a bes seurt condition e vec'h, neus fors petra vez ho stat, ho micher memes hac ho condition a fournis deoc'h ur sujet hac un abec demeus a ur gonfianç partiulier ennàn.

Ar re buissant hac ar re binvidic a dle consideri, ouz en pedi, penaus sant Joseph a so mahbian da batriarchet ha da rouane.

Ar heorien, pere n'en deus qet dispriset o faourentez, en deus bevet evelto en ezom, en deus labourer epad e oll vuez evel ur micherour.

Ar guerc'hed, en deus miret ar parfeta chastete; hac an dud demezet, e zeo bet ar chef demeus ar puissanta famille elle birvigen beza.

Ar vugale, e zeo bet maguer da Jesus; conservatour; ha gouarnar e vugaleach.

Ar vèleyen, en deus bet qen alies ar bonneur da zalc'hel Jesus etre e zivrec'h; en deus memes offret d'an Tad eternal ar preveudi eus a hoad Jesus en deiz e circoncision.

Ar religiuset, en deus santifiet e retret a Nazareth dre un tec'h antier eus ar bed, ha dre conversationou a galon gant Jesus hac e Vain santel.

Anfin, an eneoù devot ha fervant, penaus biscoas e galon, goude calon Mari, n'en devez james caret Jesus gant muioc'h a ardor hac a deneridiguez.

Mes dreist-oll, *it da Joseph* evit obten ar c'hraç eus ur maro mad. An ompinion ordinal e zeo maro etre divrec'h Jesus ha Mari, e devez roet lec'h d'ar gonfianç vras o deus an dud fidel, penaus, dre e intercession, o devezo ur fin qen eürus ha qen consolant.

Remerqi a rear, en effet, e zeo particulieramant e poent ar maro e tastumer ar frouez eus an devotion e zeus bet epad ar vuez d'ar Sant bras-se.

FIN EUS AR BÈVARE HA DIVEZA LEVR.

PAGEN 53. Chab. XI, lignen 21 : Na fell din credi, etc.
LENNIT : Na fell din credi nemet ar pezh en deus un Doue lavaret e-unan, pe a lavar din, deus e beurs, an Ilis, pehini na ell na trompla na beza tromplet.



ORÈSON

Demieus a ur pec'her prosternet ouz treid an Itron Varia a Zelivrang.

Santez Mari, Guerc'hes dinam, ha Mam glorius da Jesus, Doue ha den, Rouanez an Alez, Itron a Vour-Sicour! c'etu ouz ho treid sacr ar c'houpapla eus ar grouadurien, pehini a gred sevel e zaoulagad betec'ennoc'h evit implori ho cunvez. C'houi eo refuch ha protectourez ar re just; n'am distaulit qet, ô Guerc'hes egarad, ha permettit din, an daelou em dâoulagad, an huanadennoù em c'halon, ha treantet oll demeus a ur güir glac'har, ma exposin deoc'h va ezomou. Gouzout a rân, ô Guerc'hes glorius, e zoun indign eus a bep faveur goude qement a ascouez, ha na ellàn esperi nemet dindan ho protection an effet eus va goulenn; guelet a rit ar stat trist e pehini e zoun reduiset; ar pezh a fals-veul va c'halon am charm hac am zrompl; an occasionou am zrein ebars vaniteou ar bed; tân va youliou am dêv evel un derzien ardent; beza e zoun evel ul ludu maro evit ar vertuz, hac en em santàn en hevelep sêçon qen accablet dindan bec'h va sec'hejou, ma couezin hep manq bete fonz an abimou, ma n'am soutenit dre hoc'h asistanc. Anzav a rân, hac er gouzout a rit, ô Mam diyin! e zeus momentchou e pere, e velàn hac e testàn an enormite demeus va c'hrimou; en em broposi a rân memes d'en em

guellât; tachout a rân d'en em sevel demeus va ascoezou; mes, allas! en eur fêçon qen fêpl ha qen languissant, ma coezân qerqent em c'henta disurzou. Mam divin, Itron Varia a Vouir-Sicour, refusi a reot-hu din-me ho sicour er stat trist e pehini en em gavân. C'houi so va advocades, ha, goude Doue, va esperanc ferm; obtenit din, dre ho pedennou, e qever ho Mab adorabl, ma na gommando mui qen ac'hanôn, an orgouill, ar garantez evidôn va-unan, ar vivacite hac ar goler, an inconstanc hac ar scânvadurez, ha na berisso qet an ene difortun-se da james. Dre an aoun eus a behini e zeo qemeret, ha dre ar principou e deus dirac an daoulagad, n'en em zeport mui nemet d'ar maro eternal: ah! va Fatronez carantezus, ho pezit compassion diouzin ha va sicourit buan, arauc ma tisec'ho va drouguiez ar sourcen eus ar vadelezou divin, ha ma rento ac'hanôn evit atau indign demeus a c'haçou Doue, hac eus a bardon va offançou.

Lavaret e zeus bet atau diouzoc'h, Mam glorius a Zoue, n'ho poe biscoas refuset pe dilezet nicun deus ar re pere, en o afflictionou hac en o foanniou, o deveus bet recours deoc'h gant ur galon quuziet hac humiliet, hac o deveus imploret hoc'h intercession misericordius hac oll-galloudus.

Gratait eta va feden, ô Itron santel, dispan-cerez eus a c'haçou Doue; ra na deuyo qet va indignite da zistrei sicouriou ho madelez: grit din santout an effet deus ho sicour ha demeus ho carantez er greventez e pehini e zoun; hac ac'hane, ma accordit din ar graç-se, e tisprizin

gement oll en deus ar bed a amors, n'em bezo mui a affection nemet evit ar binigen hac evit ar vertuz, na zezirin mui netra er bed-mâ nemet carante Doue heppen; hac ho mad-oberou a occupo qement va ene ma vezo consacret va oll sonjesonou, va c'homzou ha va œuvrou da servich hon Autrou Jesus-Christ, ho Mab, da behini ravezo gloar, enor, benediction ha meulodiou, gant an Tad, en unite ar Speret-Santel, ebars an oll eternite. Evelse bezet grêt.

CONSECRATION

DA GALON SANTEL MARI.

O Calon meurbed santel eus a Vari, bepret Guerc'hes ha dinam! Calon ar muia santel; ar muia pur, ar parfeta en deveus dorn oll-galloudus ar C'hrouer formet en eur grouadurez; sourcen dihespl a vadelez, a zouçder, a vise-ricord hac a garantez; squer eus an oll vertu-ziou, imach parfet demeus a Galon adorabl Jesus-Christ, pehini a zêvas atau demeus ar garantez ar muia ardent, pehini hoc'h eus caret Doue, c'houi hoc'h-unan; muioe'h eguet an oll Æles hac ar Zent assambles; c'houi pehini hoc'h eus roet muioe'h a c'hloar d'an Drindet meurbed santel, dre an distera demeus ho carantez tener, eguet n'o deveus roet hac eguet na ell rei an oll grouadurien all dre o c'haera actionou; Calon Mam ar Redemptor, c'houi pe-

hini hoc'h eus santet qen ferm hon miseriou ; c'houi pehini hoc'h eus souffret qement evit hon silvidiguez, hoc'h eus hor c'haret gant qement a ardor hac a deneridiguez, hac a verit, dre se oll, ar respet, ar garantez, an anoudeguez vad ha confianç an oll, deurvezit gratât va hommachou dister.

Prosternet dirazoc'h, ô Calon Mam a visericord ! ec'h enorân ac'hanoc'h gant ar respet humpla a behini e zoun capabl ; ho trugarcât a rân demeus ar santimanchou a visericord hac a garantez eus a bere e zoc'h bet qen alies touchet d'ar guel eus va miseriou : Me a rent deoc'h graçou demeus an oll vad-oberou ameüs recevet digant ho madelez a Vam dener ha mad ; en em unani a rân d'an oll eneou a gav o deliçou hac o c'honsolation ouz hoc'h enori, ouc'h ho meuli hac ouc'h ho carout.

Beza e vezot, ô Calon oll garapl ! beza e vezot hivisiquen, goude corf ho Mab meurbed caret, an objet deus va veneration, deus va c'harantez ha demeus va devotion tenerra ; beza e vezot an hent dre behini e zîn d'am Salver, hac e vezo dre ennoc'h e recevin e c'hraçou hac e visericord. Beza e vezot va refuch em afflictionou, va c'honsolation em poanniou, va sicour em oll ezomou. Mont a rin da zesqi diouzoc'h ar burete, an humilite, an dougder, ha da bunça ennoc'h carantez Calon Jesus ho Mab. Evelse bezet grêt.



AMAND

AMAND ENORABL DA GALON SANTEL MARI.

O Mari ! Mam meurbed dign deus va C'brouer ha deus va Zalver, choaset qent an oll amzeriou evit flastra penn ar serpent infernus, deuet dre se e adversourez, ha coulz demeus an heresiou : Ah ! an heritiget n'o deveus ancounac'hêt netra evit distruja ho cloar ; felvezet eo bet dezo terri an enor a renter deoc'h ; mil outrach o deveus grêt d'hec'h imachou, d'hoc'h hano, d'ho privilachou glorius. O Mari ! ô Mam Doue ! peñaus an ifern en deveus-én ellet inspira da gristenien santimanchou qen injurius a eneb deoc'h ? Peñaus e zeus ellet en em gavout calonou dinaturet aotialc'hevrit ho tisprisout, evit ho cassât, c'houi pehini a so dign demeus ar veneration vrassa ha demeus ar garantez tenerra demeus an Æles ha demeus an dud.

O va Rouanez souveren ! prosternet diouc'h ho treid, e teziran merca deoc'h va guir glac'har demeus a guement a outrajou. Ho Calon meurbed santel eo a so bet affliget. D'ho Calon meurbed santel eo e rân ar reparation. Recevit anezân, ô Calon Mari ! an aet a reparation-se. Felvezout a ra din cavout evidoc'h an oll santimanchou a respet, a garantez hac a anaoudeguez pere a so dleet deoc'h. Me a offr deoc'h va hommachou, va meuleudiguezou, va servichou, va c'hlac'hariou, va c'heusiou. Perac na

ellàn-me qet rapari dre ar santimanchou-se, an disprisang, ar c'hassoni hac ar blasphemou eus an heritiqet hac an impiet!

Encourajet eus a un oaz nevez evit ho cloar, ô Mam Doue! d'ar sonch demeure an injuriou-se, hac evit ober ur reparation just d'ho Calon, e ràn a vouez huel profession da gredi qement oll a gred an dud impi-se dont da nac'h, ha da attribui deoc'h qement a fellez dezo lemel diganeoc'h. Credi a ràn divin ho qalite a Vam, ho cuerc'hdet perpetuel, ho purete hep partach, ho cloar a uz d'an oll grouadurien purra. Credi a ràn penaus ho calloud, ho madelez, ho misericord, penaus hoc'h oll berfectionou a so proportionnet d'ho tignite dislavarus a Vam Doue, ha d'ho cloar a Rouanez demeure ar bed oll. Ho sellet a ràn gant joa, coulz evel ma cân an Ilis anezi evel ar Vam a visericord, Mam ar grac, refuch ar bec'herien, o advocades, hac o esperance e qever Jesus-Christ. Sellet a ràn ho protection evel ur voyen eus ar surra evit obten, demeure a visericord ho Mab, an oll vadou a zepordàn, hac evit ar vuez-mâ hac evit eben. Hac evel m'o devez an dud impi labouret evit distruch ho tevotion, e laqin va gloar d'e souten, d'hoc'h enori, d'hoc'h invoqi, da veza deus an nombr demeure ho servicherien, da zifen hoc'h interest, da ober en ur sêçon ma vezot enoret, caret ha servichet qement ha ma ellin.

Deurvezit receo, ô Mari! an desirieu guirion-se, pere a furmàn ouz ho treid! Deurvezit digueri din ho Calon, ha rei din enni ur plag gant ho servicherien fidel. Grit din tãva douc-

der ar Galon santel-se, sourcen a beoc'h a visericord hac a garantez, evit, dre an imitation eus e vertuziou, ma ellin cuntinui d'ho meuli ebars en eternite, ha da veniga galloudeguez infinit Doue, pehini en devez grêt ac'hanoc'h qer bras, qer santel, qen carabl, qen admirabl. Evelse bezet grêt.

ASPIRATIONOU

DA GALON SANTEL MARI.

1. O Calon Mari! qen henvel ouz Calon Jesus! rentit va c'halon hanval ouz ar Galon divin-se.
2. Calon bepret entânèt eus a garantez Jesus, entânit va c'halon demeure ar memes carantez.
3. Calon bur, Calon dinam, purifiit va c'halon demeure va fec'hejou.
4. O an douça hac an tenerra demeure an oll Galonou, bezit va c'honsolation em zribulationou, ha va refuch en heur eus va maro.
5. Calon Mari, objet eus a c'hraciusdet Jesus, rentit va c'halon agreabl d'ar Salver divin-se.
6. Calon treantet eus a ur c'hleze a c'hlac'har, treantit va c'halon demeure a guez d'am pec'hejou.
7. Calon Mam a visericord, scuillit ebars em c'halon ar garantez, ar misericord, ha desir ar peoc'h.
8. Calon Mam ar garantez divin, peurgar-guit va c'halon demeure ho carantez.

9. O Merc'h dign demeus an Tad eternal! ô Mam dign demeus ar Mab! ô Pried dign demeus ar Speret-Santel! me ho ped, dre ho Calon meurbed santel, da obteni din ur hurete vras a speret, a galon hac a gorf, ur guiridiguez vras a gonsciang.

O Mari! c'houi eo Mam Doue : er c'hredi a ràn.

O Guerc'hes ar Guerc'hesed! credi a ràn d'ho chastete perpetuel.

O Mam Doue! me a ra deoc'h reparation demeus an oll blasfemou a leusger a enep deoc'h. Peguement e carfen laqat hoc'h enori, carout ha respeti demeus an oll grouadurien!

CONFIANC

Pehini a dleer da gaout en Itron Santez Maria a Vour-Sicour.

Ho pezit sonch, ô Mari meurbed pius! ne zeüs biscoas bet lavaret penaus nicun demeus ar re pere, dre ur gonfiang antier, o devez impleret ho protection hac ho sicour puissant, a vez bet dilezet. Carguet demeus a un hevelep confiand, emeus recours deoc'h, ô Mam meurbed santel! Guerc'hes ar Guerc'hesed! proster-net ouz ho treid evel ur pec'her paour contristet hac humiliet, e pedân ac'hanoc'h, Mam dign demeus ar Verh incarnet, da veza favorabl din, ha da exauci va feden.

Me ho salud, Merc'h an Tad.

Me ho salud, Mam ar Mab.

Me ho salud, Pried ar Speret-Santel.

Me ho salud, Templ an Drindet meurbed santel.

MARI a so bet concevet hep pec'het.

PASSEPORT

Demeüs a Conception dinam ar Verc'hes Santel.

SANTEZ MARI, Mam d'am Doue ha Salver Jesus-Christ, bepret Guerc'hes, elevet d'an eê e corf hac en ene; ô c'houi, pehini a so bet concevet diantec, pedit evidon brema hac en heur va maro; protegit ac'hanon em oll antreprenançou; pedit dreist-oll evit va c'honversion; bezit va c'honsolation; qemerit soign demeus va silvidiguez : laqet emeus ennoc'h, goude va Doue, va oll gonfiand, Mam a visericord, c'houi pehini n'oc'h eus biscoas bet nep souilladur eus ar pec'het.

Tota pulchra es, Maria, et macula originalis non fuit in te.

Meulet hac adoret ravezo da james ar Sacramant meurbed santel eus an Auter.

Corf adorabl ha Goad precius eus hor Salver Jesus-Christ ebars ar Sacramant divin, ravezo etre me ha va adversourien, visibl hac invisibl, brema hac dreist-oll da heur va maro.

Meulet, carét, hac enoret ravezo da james ar
meurbed pur hac ar meurbed dinam Conception
ar Verc'hes Vari meurbed santel, Mam da Zoue,
exant demeus a nep souilladur eus ar pec'het
originel, preservet eus a bep corruption en e
bez gloriüs, savet d'an eê e corf hac en ene, ha
placet a uz d'an oll purra crouadurien.

O MATER DEI,
MEMENTO MEI.



FIN.

TAULEN

AR CHABISTROU.

Peden epad an Oferen santel,	pag. 7
Gousperou ar Zul,	19
Antienou d'ar Verc'hes,	51

QENTA LEVR,

E pehini e considerer buez ha vertuziou ar Verc'hes
Santel, adalec e C'honception dinam; bete Guini-
velez e Mab divin e Bethleem.

CHAB. I. <i>Demeus a imitation vertuziou ar Verc'hes Santel,</i>	33
II. <i>Demeus an estim a dleomp da ober eus ar c'hraç santifiant,</i>	35
III. <i>Demeus ar soign a dleompcaout da gonservi ar graç santifiant,</i>	38
IV. <i>Demeus ar soign a dleomp da gaout da gresqi en graç hac en perfect.,</i>	39
V. <i>Ret eo en em rei abred da Zoue,</i>	42
VI. <i>Demeus a avantajou hac eus a zouç- der ar retret,</i>	43
VII. <i>Demeus ar burete, ha peguement e tleomp en estimout,</i>	46
VIII. <i>Demeus ar brecautionou da gue- mer evit conservi ar burete,</i>	47
IX. <i>Penaus graçou Doue a so evit ar re humbl,</i>	49

- X. *Un ene humbl a so attantif da guzat da zaoulagad an dud, etc.,* 51
 XI. *Demeus a brudanç ar Feiz,* 53
 XII. *Demeus ar soumission d'ar Feiz,* 54
 XIII. *Demeus ar c'hoant hastif a dle un ene caout da receo Jesus, etc.,* 55
 XIV. *Demeus ar santimanchou a dle carga un ene, pa bossed Jesus, etc.,* 57
 XV. *Demeus ar sec'hor a sant un ene benac en amzer ar Communion,* 59
 XVI. *Demeus ar frouez a renquer tenna deus ar Communion, etc.,* 61
 XVII. *Demeus ar garantez en andret an nessa,* 63
 XVIII. *Demeus an anaoudeguez a dleomp disquez da Zoue, etc.,* 65
 XIX. *Penaus ar vertuz hepgen a ell furmi caranteziou eurus ha constant,* 67
 XX. *Demeus ar gonfianç en Doue,* 70
 XXI. *Demeus an Oboissanç,* 71

EILVET LEVR,

E pehini e considerer buez ha vertuziou ar Verc'hes meurbed santel, adalec guinevez e Mab divin e Bethleem, betec ar poent ma er guelas o rei e hoad hac e vuez evit silvidiguez an dud-var ar C'halvar.

- CHAB. I. *Demeus a voneur ar re baour,* 75
 II. *Demeus ar baourentez volonter ha demeus ar garantez evit ar beorien,* 77
 III. *Demeus an necessite hac an avantajou eus ar meditation,* 80
 IV. *Demeus a observation Lezen Doue,* 82

- V. *Demeus an Exempl vad,* 85
 VI. *Demeus ar garantez ha demeus a bris an humiliationou,* 86
 VII. *Penaus e tleomp ober da Zoue ar sacrific a c'houlenn diouzomp,* 88
 VIII. *Penaus eile un ene en em gomporti, ha peuz santimanchou a dle en occupi, pa zalc'h Doue, etc.,* 88
 IX. *Peguement e zeo maleurus un ene, pa en deveus collet Jesus,* 90
 X. *Penaus e renquer clasq Jesus, etc.,* 92
 XI. *Ar peuz a dle un ene da ober, pa en deveus collet Jesus, etc.,* 93
 XII. *Penaus an ene fidel na dle get en em digouraji er sec'hder hac er c'hrinded, etc.,* 95
 XIII. *Demeus ar vuez cuzet,* 97
 XIV. *Demeus ar vuez interior,* 99
 XV. *Demeus a zeveuriou ar stat,* 101
 XVI. *Penaus e ranger santifica al labour hac an occupationou, etc.,* 103
 XVII. *Demeus ar garantez a dleomp da gaout evit Jesus,* 105
 XVIII. *Demeus a exempl Jesus,* 107
 XIX. *Demeus ar Beden,* 108
 XX. *Demeus a c'halloud Mari, etc.,* 110
 XXI. *Peguen douc eo clevet Jesus, ha demeus an hast a dle un ene, etc.,* 112
 XXII. *Ret eo supporti an nessa e speret a garantez hac a zouger,* 114
 XXIII. *Demeus a vercou arguirsantelez,* 117

TRIVET LEVR,

E pehini e considerer buez ha vertuziou ar Verc'hes Santel, adalec ma velas e Mab divin o rei e hoad hac e vuez evit silvidiguez an dud, var ar C'halvar, bete deiz e Assomption.

- CHAB. I. *An hini a gar Jesus, etc.* 121
 II. *Demeus an hevelidiguez da volonte Doue,* 123
 III. *Demeus ar Batiantet,* 125
 IV. *Beza ez eus alies souffrançou bras evit servicherien bras Doue,* 128
 V. *Penaus an aoun da souffr ne deo qet ur merge vanger d'ar batiantet, etc.,* 131
 VI. *Penaus consideration Jesus crucifiet a anim da souffr gant fermder,* 133
 VII. *Demeus a Garantez an adversou-rien,* 136
 VIII. *Demeus ar Feiz crén ha demeus an esperanç beoec ebars ar circon-stanceu a seblant ar muia, etc.,* 138
 IX. *Penaus e leomp supporti ar c'holl a reomp demeus an dud, etc.,* 140
 X. *Ar gonsolation a deu goude an dri-bulation, etc.,* 142
 XI. *El lec'h ma edo hon tenzor, eno e ma ivez hor c'halon,* 144
 XII. *Demeus ar voyen da lajat disgen varnomp ar Speret-Santel,* 146
 XIII. *Demeus an daou exerciç principal eus an Devotion solid,* 148
 XIV. *Demeus ar preparation d'ar maro,* 150

- XV. *Demeus a zouqter maro ar re just,* 152
 XVI. *Demeus an desirioù santel eus ar maro,* 154
 XVII. *Demeus a c'hloar an Eé,* 156

PÈVARE LEVR.

E pehini e zeo comzet demeus ar santimanchou a res-pet, a estim, a zél, a garantez, a deneridiguez hac a gonfiang, eus a bere e leomp beza penetret evit ar Verc'hes-Santel.

- CHAB. I. *Demeus a Buissanç Mari,* 161
 II. *Demeus ar mercou a henvelidiguez a zeus etre Jesus ha Mari,* 164
 III. *Demeus a c'hloar Mari ebars an Eé,* 167
 IV. *Demeus a voneur S. Yan, da behini e roas Jesus Mari evit Mam, etc.,* 171
 V. *Demeus ar garantez a leomp caout evit Jesus ha Mari,* 173
 VI. *Demeus an oaz a dle caout ur buguel da Vari evit interest ha gloare Vam,* 177
 VII. *Demeus a c'halloud ar Verc'hes santel e qever Doue, e faveur an dud,* 179
 VIII. *Demeus ar santimanchou a vade-lez a bere calon ar Verc'hes, etc.,* 182
 IX. *Demeus a invocation Mari,* 184
 X. *Demeus ar gonfiang a leomp eaout en Mari, etc.,* 187
 XI. *Demeus ar Beden hanvet ar Salu-tation Angeliq,* 190
 XII. *Santimanchou a gonfiang en Mari epad ar vuez,* 192

216	TAULEN AR CHABISTROU.	
XIII.	<i>Santimanchou a gonfiang en Mari,</i> <i>en heur ar maro,</i>	195
XIV.	<i>Demeus an devotion da S. Joseph,</i> <i>pried d'ar Ver'hes,</i>	197
	<i>Oréson demeus a ur pec'her prosternet</i> <i>ouztreid an It.-Varia a Zelivrang,</i>	201
	<i>Consecration da Galon Santel Mari,</i>	203
	<i>Amand hen. da Galon Santel Mari,</i>	205
	<i>Aspirationou da Galon Santel Mari,</i>	207
	<i>Confianç pehini a dleer da guout, etc.,</i>	208
	<i>Passeport, etc.,</i>	209

FIN EUS A DAULEN AR CHABISTROU.



Eglise catholique
en Finistère

Document numérisé en 2022